

Wieder Gant



7

13-b

78

Ex Bibliotheca
majori Coll. Rom.
Societ. Jesu



81.3.20.
81
E
20

~~15~~
~~6-12.B.27~~

Vita S. Ludovici Regis Gallie

M. 299.

Dr. J. H. Brown, Jr.

1880

1880

SANCTI
LVDOVICI
FRANCORVM
REGIS,
VITA, CONVERSATIO,
ET MIRACVLA:

PER F. GAVERIDVM DE
Bello-loco Confessorem, & F. Guillelmum
Carnotensem Capellanum eius,
Ordinis Prædicatorum.

ITEM
BONIFACII PAPAE VIII. SERMONES
*duo in Canonizatione, Bulla Canonizationis, &
Indulgentia in translatione corporis ipsius.*

OMNIA NVNC PRIMVM EX MS. CODD.
edita, studio & curâ CLAVDII MENARDI, Consiliarij
Regij, Andegauensis Proprætoris.

Bibliotheca



Le N.

Coll. Horn.

bi. Refu



LVTETIÆ PARISIORVM;
EX OFFICINA NIVELLIANA.
Sumptibus SEBASTIANI CRAMOISY, via Iacobæ,
sub Ciconijs.



M. DCXVII.
CYM PRIVILEGIO REGIS;

• CONTENTA IN HAC PARTE
HISTORIÆ S. LUDOVICI.

Vita & sancta conuersatio piæ memoria LUDOVICI quondam Regis Francorum. Per F. Gaudfridum de Bello-loco Ordinis Prædicatorum, eius Confessorem. Ex Bibliotheca Fratrum Prædicatorum Ebroicensium. pag. 1

De vita & actibus inclytæ recordationis Regis Francorum Ludouici: & de miraculis, quæ ad eius sanctitatis declarationem contigerunt. Auctore F. Guillelmo Carnotensi, Ordinis Prædicatorum, eiusdem Regis Capellano. Ex ead. Bibliotheca. pag. 85

Miracula facta in Domo Fratrum Prædicatorum Ebroicensium, præsidio B. Ludouici Confessoris. Ex ead. Bibliotheca pag. 131

Domini Bonifacij VIII. Papæ Sermones duo in Canonizatione Regis Ludouici sanctissimi. Ex Bibliotheca Canoniorum Regularium S. Victoris Paris. Ordin. S. Augustini, pag 143 & 157

Bulla Canonizationis B. Ludouici Regis Francorum pag. 162

Indulgentia pro S. Ludonico in translatione corporis eius. pag. 183

* ij



• CONTENTA IN HAC PARTE

HISTORIÆ S. LUDOVICI.

Vita & sancta conuersatio piæ memoria LUDOVICI quondam Regis Francorum. Per F. Gaufridum de Bello-loco Ordinis Prædicatorum, eius Confessorem. Ex Bibliotheca Fratrum Prædicatorum Ebroicensium. pag. 1

De vita & actibus inclytæ recordationis Regis Francorum Ludouici: & de miraculis, quæ ad eius sanctitatis declarationem contigerunt. Auctore F. Guillelmo Carnotensi, Ordinis Prædicatorum, eiusdem Regis Capellano. Ex ead. Bibliotheca. pag. 85

Miracula facta in Domo Fratrum Prædicatorum Ebroicensium, præsidio B. Ludouici Confessoris. Ex ead. Bibliotheca pag. 131

Domini Bonifacij VIII. Papæ Sermones duo in Canonizatione Regis Ludouici sanctissimi. Ex Bibliotheca Canoniorum Regularium S. Victoris Paris. Ordin. S. Augustini, pag 143 & 157

Bulla Canonizationis B. Ludouici Regis Francorum pag. 162

Indulgentia pro S. Ludonico in translatione corporis eius. pag. 183

* ij



VITA
ET SANCTA CONVERSATIO
PIÆ MEMORIÆ
LVDOVICI
QVONDAM REGIS
FRANCORVM,

PER FRATREM GAUFRIDVM
*de Bello-loco, Ordinis Prædicatorum,
eius Confessorem.*

AD MANDATVM DOMINI PAPÆ
Gregorij X.



VITA
ET SANCTA CONVERSATIO
PIÆ MEMORIÆ
L V D O V I C I
Q V O N D A M R E G I S
E R A N C O R U M

P R Æ F A T I O.



D D I V I nominis gloriam
& honorem, & fidelium
ædificationem; & multo-
rum, & magnorum preci-
bus inductus, & maximè
meorum obedientia & auctoritate adstrin-
ctus: sanctam Conuersionem, & Actus
egregios CHRISTIANISSIMI L V D O-
V I C I quondam Regis Francorum descri-
bere dignum duxi, prout mens diuina per
gratiam suam inspirare dignabitur memo-
riæ mentis meæ.

Qualiter laus Regis Iosia Regi LVDOVICO
conueniat.

I IN PRIMIS igitur, ad p̄j Regis commen-
dationem assumere mihi libet, quod in lau-
dem Regis Iosia in Ecclesiastici XLIX. legitur:
Memoria, inquit, Iosia in compositione
odo is facta est opus pigmentarij. In omni
ore quasi mel indulcabitur eius memoria,
& musica in conuiuio vini. Ipse directus
est diuinitus in pœnitentia gentis, & tulit
abominationes impietatis: & gubernauit ad
Dominum cor suum, & in diebus peccato-
rum corroborauit pietatem. *Præterea, ad
commendationem dicti Regis Iosia plurima
dicuntur tam in IIII. Libro Regum, quàm
in II. Paralipom. XXXIII. quæ ad laudem
Regis nostri propriè pertinere videntur.*
Cum adhuc, inquit, puer esset Iosias, cœ-
pit quærere Dominum: fecitque quod
rectum & placitum erat in conspectu Do-
mini, & ambulauit per omnes vias Da-
uid patris sui. Non declinauit ad dex-
teram, neque ad sinistram. Nomen ma-
tris eius Ydida. Fecit instaurari tem-

plum & domum Domini. Similis illi non fuit ante eum Rex , qui reuerteretur ad Dominum in omni corde suo , & in tota anima sua , & in vniuersa virtute sua : neque post ipsum surrexit similis illi. Fecit enim phale , quale ante non fuit , neque quisquam de Regibus fecit tale. *Qualiter hæc omnia congruè ad gloriosum Regem nostrum pertineant , poterimus exprimere suis locis.*

Quòd nomen Iosia ipsi competat.

INterim ad præsens dicere sufficiat , quomodo sensus nominis Iosia conueniat Regi nostro. Iosias quippe interpretatur , *Salus Domini ; vel , Alienatio Domini ; vel , Incensum Domini , siue Sacrificium.* Cui veriùs competit huius nominis significatio , quàm pio Regi nostro , in quo verè Domini salus fuit ? Vt pote qui salutem propriam ac proximorum semper studuit , & ad eleuationem & exaltationem fidei Christianæ pro viribus laborauit. Denique , qui præter incensum mentalis deuotionis , quam à pueritia sua continuè Domino interiùs offerebat ; & præter sacrificium pœnitentiæ corporalis , quam iuxta

statum suum, & iuxta corporis sui debilitatem Deo quotidie exterius exhibebat, se tandem in peregrinatione gemina transmarina, quasi holocaustum integrum obtulit Domino in odorem suauitatis. Si reputatum est Abrahæ ad iustitiam, quia semel voluit offerre unicum filium, hoc ei Domino imperante: quanto magis huic fidei suo reputabit Dominus ad æternam iustitiam, & ad pretium sempiternum, qui non semel, sed bis obtulit deuotissime semetipsum ad mortem, & fratres suos, & electum florem exercitus totius regni sui, in obsequium Saluatoris: & maxime in hac ultima & miseranda peregrinatione Tunicij, ubi, cum communi omnium consilio transiens, cum liberis proprijs, & exercitu suo toto, ob Zelum & exaltationem fidei Christianæ, ibidem hostia Christi effici meruit: & illuc, tanquam Martyr & pugil Domini indefessus, finem vitæ suæ feliciter in Domino consummauit? Insuper in via illa defuncti sunt in confessione veræ fidei duo de liberis eius, quos amore præcipuo diligebat: videlicet Comes Niuernensis, & Regina Nauarra. Sed iam ad describendam vitam ac conuersationem ipsius laudabilem cum Dei adiutorio accedamus.

De innocentia vitæ & sanctæ conuersationis ipsius.

SANÈ de ipso dici potest, & verè, quod præ- 3.
diximus de Iosia. Cùm esset adhuc puer,
cœpit quærere Dominum, & fecit quod
rectum & placitum erat in conspectu Do-
mini. Similis illi ante eum non fuit Rex,
qui reuerteretur ad Dominum in toto cor-
de suo, & in tota anima sua, & in vniuersa
virtute sua: neque post ipsum surrexit simi-
lis illi. Et ambulauit in vijs Dauid patris sui.
Non declinauit ad dexteram, neque ad si-
nistram. *Patrem siquidem habuit Christia-
nissimum atque sanctissimum, Regem vide-
licet LVDOVICVM: qui & ipse Zelo fi-
dei accensus, contra hæreticos, qui tunc
in Albigensum partibus plurimum aduer-
sabantur Romane Ecclesie, ac fidei Christia-
ne, auctoritate Ecclesie crucem assumpsit:
& viriliter peregrinatione aggressa, ac poten-
ter dictorum inimicorum pro maxima par-
te superbia superatâ, dum à dicta peregrina-
tione rediret, feliciter migravit ad Dominum.*
*Huius tam pij patris deuotus successor, atque
strenuus imitator, is, de quo loquimur, Lv-*

DOVICVS, ab ipsius sanctis vestigijs non declinauit neque ad dexteram, ut vanè eleuaretur in prosperis; neque ad sinistram, ut aduersitatibus aliquibus frangeretur. Ut pote qui semper extitit & inter prospera humilis, & inter aduersa securus: sicut pluries experti sumus quoad utramque fortunam, Domino concedente.

De laude dominæ Blanchæ pijsimæ matris eius.

4. **I**Nsuper, nomen matris Iosia præteriri non debet, quæ Idida vocabatur: quod interpretatur, Dilecta Domini; vel, Amabilis Domino. Quod recte competit illustrissimæ nostri Regis matri, videlicet dominæ BLANCHÆ Regina, quæ verè extitit dilecta Domini, & amabilis Deo, & hominibus utilis & accepta. Sub sancta nutritura, atque saluari doctrina tam pia matris, cæpit LUDOVICVS noster egregie indolis & optimæ spei puer existere, & de die in diem in virum perfectum crescere, & querere Dominum, & facere quod rectum & placitum erat in conspectu Domini. Verè conuersus ad Dominum in toto corde, tota anima, totaq; virtute, tan-

quam bonæ arboris bonus fructus. Siquidem cum regnare cœpisset, & non haberet nisi circiter duodecim annos; quàm strenuè, quàm industriè, quàm iustè, quàm potenter dicta mater administraverit, & custodierit, & defensusauerit iura regni, testes sunt qui tunc presentes aderant circa Regem. Quamvis eo tempore plurimos & florentissimos habuerit Rex aduersarios in principio regni sui: Sed meritis innocentie ipsius, ac solerti prouidentia matris eius (quæ tota virago semper extitit, & femineæ cogitationi ac sexui masculinum animum iugiter inferebat) perturbatores regni semper confusi succubuerunt. Nec prætereundum de quodam Religioso, qui à falsis relatoribus audierat, quòd dominus hic Rex ante matrimonium suum concubinas habebat, cum quibus quandoque peccabat, conscia vel dissimulante matre sua. Quod cum ille Religiosus cum multa admiratione, quasi eam redarguendo, domine Regine dixisset: illa super hac falsitate se & filium humiliter excusauit, verbum laudabile subinferens: videlicet, quòd si dictus filius suus Rex, quem super omnes creaturas mortales diligebat, infirmaretur ad mortem, & diceretur ei quòd sanaretur, semel peccando cum muliere non sua; prius per-

mitteret ipsum mori, quàm semel peccando mortaliter suum offendere Creatorem. Hoc ego ab ore ipsius domini Regis audiui.

Item de puritate & innocentia vitæ eius.

5. **E**GO, quamvis insufficiens, dicti domini Regis Confessor extiti per viginti annos, vel circa: & confessionem eius generalem audiui toties, quòd vices numerare vix scirem. Ad honorem igitur Dei dico, quòd ipse per totam vitam suam numquam aliquod peccatum mortale commissit scienter, quòd ego auderem iudicare mortale. Nam aliqui facta eius exterius attendentes timebant ei, ne ex solita & naturali benignitate ipsius negligentiam nimis remissam incurreret super correptione Balliuorum, & aliorum Officialium, siue collateralium suorum: et quòd tardus videbatur ad iustitiam exhibendam. Sed qui benè attenderet, quàm sollicitus erat & diligens in inquirendis & undique inuestigandis bonis ac fidelibus Officialibus, & Balliis; forsitan super premisissis ipsum ampliùs excusatum haberet. Et verè astimo, quòd pauci sunt etiam de illis, qui ipsum super his arguebant: qui si essent in tanto officio, sicut ipse, in quibus

bus non inuenirentur forsitan plura reprehensibilia, quàm in ipso.

De statu eius, quantum ad regimen subditorum.

Consiliarios adseffores, tam clericos, quàm laicos, electissimos tam in fidelitate quàm & sapientiâ, habere volebat: & undecumque poterat eligi faciebat. In causis, quæ contra ipsum vertere videbantur, semper quantum bono modo poterat, contra se stabat, & allegabat: ut per hoc Consiliarij absque timore offense ipsius à vero iudicio minime declinarent. Super forefactis, quæ tam ad personam suam, quam ad Prepositos vel Ballivos spectabant, mittebat plures per regnum Inquisitores diligentes & fideles: & inuentas iniurias emendari, & restitui faciebat. Similiter super statum familie domus sue inquiri pluries faciebat, & reos probatos secundum quod meruerant puniebat.

De cautela & gratia verborum ipsius.

Cautissimus erat, & gratiosissimus in loquendo. A verbis scurrilib. & dissolu-
b

mitteret ipsum mori, quàm semel peccando mortaliter suum offendere Creatorem. Hoc ego ab ore ipsius domini Regis audiui.

Item de puritate & innocentia vitæ eius.

5. **E**GO, quamvis insufficiens, dicti domini Regis Confessor extiti per viginti annos, vel circa: & confessionem eius generalem audiui toties, quòd vices numerare vix scirem. Ad honorem igitur Dei dico, quòd ipse per totam vitam suam numquam aliquod peccatum mortale commisit scienter, quòd ego auderem indicare mortale. Nam aliqui facta eius exterius attendentes timebant ei, ne ex solita & naturali benignitate ipsius negligentiam nimis remissam incurreret super correptione Balliuorum, & aliorum Officialium, siue collateralium suorum: et quòd tardus videbatur ad iustitiam exhibendam. Sed qui benè attenderet, quàm sollicitus erat & diligens in inquirendis & undique inuestigandis bonis ac fidelibus Officialibus, & Balliis; forsitan super premisis ipsum ampliùs excusatum haberet. Et verè æstimo, quòd pauci sunt etiam de illis, qui ipsum super his arguebant: qui si essent in tanto officio, sicut ipse, in quibus

bus non inuenirentur forsitan plura reprehensibilia, quàm in ipso.

De statu eius, quantum ad regimen subditorum.

Consiliarios adseffores; tam clericos, quàm laicos, electissimos tam in fidelitate quàm & sapientiâ, habere volebat: & undecumque poterat eligi faciebat. In causis, quæ contra ipsum vertere videbantur, semper quantum bono modo poterat, contra se stabat, & allegabat: ut per hoc Consiliarij absque timore offensa ipsius à vero iudicio minime declinarent. Super forefactis, quæ tam ad personam suam, quàm ad Prepositos vel Ballivos spectabant, mittebat plures per regnum Inquisitores diligentes & fideles: & iniurias iniurias emendari, & restitui faciebat. Similiter super statum familie domus sue inquiri pluries faciebat, & reos probatos secundum quod meruerant puniebat.

De cautela & gratia verborum ipsius.

Cautissimus erat, & gratiosissimus in loquendo. A verbis scurrilib. & dissolu-
b

tis, maximè à detractorijs & mendacibus summè cauebat: & rarissimè, vel numquam maledicta vel conuitia dicebat alicui, quantumlibet modico garrioni, nisi hoc exigeret grandis culpa. Specialiter autem ab omni genere iuramenti, quantumcumque, ut in loquendo fieri solet, consuetum vel modicum videretur, penitus abstinebat. Aliàs ad euitandum alia iuramenta, loco iuramenti solebat dicere, In nomine mei. Quod audiens reprehendi à quodam viro religioso, extunc omnino abstinuit. Sed secundum Evangelium erat sermo eius: Est, est; Non, non. In arduis negotijs, & grauib; consilijs, & causis, pauci, vel nulli, perspicaciùs ipso, & veriùs indicabant: & quod intellectu capiebat, valde prudenter & gratiosè proferre sciebat. Siquidem diffusa erat gratia in labijs eius, & sicut verè sapiens, in verbis seipsum amabilem faciebat. Vt pote cuius sermo in gratia sale semper erat conditus. Insuper gloriosissimus erat, & solummodò ad videndum, & solo visu illabebatur, ad diligendum, affectibus singulorum.

De humilitate. & primò de habitu & veste.

EX quo prima vice viam arripuit trans-
 marinam, numquam indutus est squa-
 leto, vel panno viridi, seu bruneto, nec pelli-
 bus variis: sed veste nigri coloris, vel ca-
 molini, seu persei. Et quia vestes huius mino-
 ris valoris esse videbantur ad dandum pau-
 peribus, quàm alie pretiosiores, quibus in
 iuventute uti solebat: instituit, quòd ad re-
 compensationem Eleemosynariis suis quoli-
 bet anno haberet sexaginta libras paratas
 ad dandum pro Deo, ★ ultra id habere sole-
 bat. Nolebat pius Rex, quòd propter humi-
 litatem suam exteriorem aliquid pauperibus
 deperiret. Similiter ex tunc numquam uti vo-
 luit calcaribus vel frenis, nisi omninò albis
 & ferreis, absque aliqua auratura; nec sellis
 ad equitandum, nisi albis, & sine omni pi-
 ctura.

De ablutione pedum pauperum.

Quolibet Sabbato consueverat pedes a-
 bluere in loco secretissimo, humiliter &
 deuote, flexis genibus, trium pauperiorum

Et seniorum hominum, qui poterant inveniri: Et post ablutionem pedes extergere, et humiliter osculari. Similiter aquam porrigebat eorum manibus abluendis, quas eodem modo osculabatur: Et post cuilibet certam summam denariorum erogabat, Et ad comedendum ipsemet eis ministrabat. Si autem propter corporis infirmitatem hac pietatis obsequia facere non posset, volebat quod vice ipsius Confessor suus, presente Elemosynario, prædicta simili modo exequeretur. Ceterum, ad laudem huius devote humilitatis spectat, quod dum quodam sabbato esset in Abbatia Claraualis; ablutioni pedum Monachorum, quod Mandatum vocant, voluit interesse. Videlicet, quod secundum morem Ordinis, post Vesperas, solemniter et devotè sibi mutuo lavant pedes. Ipse verè ex humilitate sua pluries voluit capam deponere, et flexis genibus manus apponere ad pedes servorum Dei humiliter abluendos. Sed quia plures Magnates non sibi multum familiares tunc sibi adstabant, de consilio ab hoc humilitatis officio supercedit. De eximia humilitate ipsius, benignitate, mansuetudine, atque patientiâ, plurima possent dici, et ad edificationem multorum exempla subijci.

Sed præsens opus excedere modum posset. In prædictis enim virtutibus nescio si secundum statum suum parem haberet in mundo.

Item de humilitate eius.

Denum ad laudem humilitatis eius spe-
 ctat, quòd in extrema voluntate sua sta-
 tuit, et in testamento suo scribi præcepit, quòd
 super sepulturam ipsius defuncti nulla curio-
 sitas, nulla superfluitas fieret: ut sicut humi-
 litatis exemplum se exhibuit vivus, ostenderet
 & defunctus. Confessores suos in magna re-
 verentia semper habebat, ita quòd aliquan-
 do, postquam iam sederat coram Confessore
 ad confitendum, si ostium aliquod vel fene-
 stram vellet claudi, vel aperiri, ipse à loco
 confessionis festinanter surgebat, quasi præ-
 ueniens Confessorem: & ibat humiliter ad
 claudendum, vel aliquid huiusmodi facien-
 dum. Qui cùm à Confessore super hoc argue-
 retur, humiliter responderebat: Amen, vos
 estis pater, & ego filius. Item ad commendatio-
 nem pertinet humilitatis ipsius, quòd frequen-
 ter, & absque pudore, imò libenter pluri-
 mum gratiosè narrabat, quomodo apud
 Massoram captus fuit à Sarracenis, & qua-

liter tunc se habuit apud eos, & de modo liberationis ipsius. Si quid dicebatur ei vel fiebat quod displicebat, si dissimulandum erat, optimè & cautè dissimulare sciebat. Præter Confessores suos, aliquem vel aliquos etiam sibi eligebat, quos affectuosè rogabat, quòd ei quæ viderent, vel ab alijs audirent digna reprehensione in ipso, sibi fideliter intimarent, nec sibi parcerent ullo modo. Ipse verò huius caritativas monitiones benignè & patientissimè acceptabat.

Quomodo castè & continenter se habuit in matrimonio suo.

II. **D**E consensu uxoris suæ Regina, per totum Aduentum, & per totam Quadragesimam, ab opere carnali mutuò continebant: & nihilominus certis aliquot diebus qualibet septimana, similiter in vigilijs & diebus magnorum festorum. Insuper in solemnitatibus, in quibus communicare debebat, pluribus diebus ante communionem, & pluribus post, ob reuerentiam sacri mysterij continebat. Si autem ipsum his continentie diebus ex certa causa uxorem suam Reginam visitare contingeret, & cum ea morari, et ex

vicinitate uxoris pro humana fragilitate quandoque motus carnis inordinatos sentiret: surgebat è lecto, per cameram deambulans, donec carnis rebellio quieuiſſet.

Quòd regno abiecto voluit intrare
Religionem.

NEcſilendum, quòd annos plurimos ante 12. mortem ipſe ad culmen omnimode perfectionis adſpirans, corde deuoto firmiter disponebat, quòd adulto filio ſuo primogenito regnum penitus relinqueret, & obtento uxoris aſſenſu Religionem intraret: vnā videlicet de duabus, Fratrum Minorum ſcilicet, ſiue Fratrum Predicatorum. Haſ enim duas ſpecialiſſimè diligebat, dicens, quòd ſi de corpore ſuo poſſet duas facere portiones, vnā daret vni, reliquā alteri. Vnde & familiariter dicebat, ſe in hoc modicum gloriari, quòd familiares ſui, qui ſibi quaſi continuè aſſiſtebant, diſcernere non poterant quem Ordinem magis diligeret è duobus. Cùm autem dictum propoſitum, naſta oportunitate, conſorti ſuae Regina ſecretò aperuiſſet, aſtringens eam quòd hoc nullatenus alicui reuelaret: ipſa nulla penitus ratione huic Regis petitioni ſui deſiderio voluit aſſentire, rationes probabiles aſſignans

in contrarium, ad ipsius Regis propositum refellendum. Diuina prouidentia forsitan ordinante ipsum utiliore in statu pristino ad regnum in pace seruandum, & ad totius Ecclesie negotia promouenda. Frustratus igitur à proposito suo pio, deinceps cum minori mundi amore, & cum maiori humilitate ac timore remansit in mundo.

De sacra educatione & institutione liberorum suorum.

13. **E**T quia de tam sacro coniugio generosa ac sancta proles procedere debuit, & per Dei gratiam copiosa processit: sequitur videre, quàm Catholicè se habuit pius pater in suorum instructione ac regimine liberorum. Volebat siquidem, quòd pueri iam adultæ etati propinqui quotidie non solum Missam, sed & Matutinas, & Horas Canonicas cum cantu audirent: & quòd ad audiendum Sermones secum adessent, & quòd singuli litteras addiscerent, & Horas beate Virginis dicerent: & quòd semper cum ipso essent ad Completorium, quod post cœnam suam solemniter in Ecclesia dici quotidie faciebat, & in fine Antiphonam specialem de beata Virgine

gine altè & deuotè cantari. Dicto Comple-
torio, in camera cum pueris reuertebatur,
& aqua benedicta à Sacerdote circa lectum
& per cameram aspersa, residebant pueri cir-
ca ipsum: quibus tunc priusquàm recederent
solitus erat aliqua verba edificatoria dicere,
ad institutionem ipforum. Capellos de rosis,
sive alios quoscumque nolebat quòd dicti pue-
ri sacris diebus Veneris in capitibus deporta-
rent, ob memoriam illius sacre coronæ spinæ,
qua caput Saluatoris ea die atrociter fuerat
coronatum: & qua corona Rex Regum deco-
rauerat tam magnificè regnum suum.

Quòd duo de filiis in Religione
nutrarentur.

NEc pratermittendum ad dicti Regis lau-
dem, quòd cum prima vice adhuc esset.
in peregrinatione Terra sancta ultra mare,
& inde postquam in Franciam est reuersus,
ut vidimus, Spiritus Dei ductus ordinauit, &
in Testamento suo scribi voluit, quòd duo filij,
qui sibi nati fuerant ultra mare, scilicet dom-
nus Io. & domnus P. cum ad annos discretionis
venissent, infra septa Religionis nutrarentur;
videlicet vnus in domo Fratrum Predi-
catorum Parisius, & alius in domo Fra-

trum Minorum, locis ad hoc competentibus ibidem Regis sumptibus preparatis : ut illic sacris institutis & litteris instruerentur, & ad amorem Religionis salubriter inducerentur. Desiderans toto corde, ut documentis salutaribus informati, Domino inspirante, loco & tempore ipsas Religiones intrarent. Similiter filia sua primogenita, quæ postea fuit Regina Nauarra, cum adhuc esset ipse ultra mare, literas speciales manu sua scriptas transmissit : in quibus inducebat eam efficaciter & deuotè ad mundi contemptum, & ad Religionis amorem & ingressum. Insuper ex deuotione sua dominam BLANCHAM filiam suam, quantum in ipso fuit, Deo obtulit in Abbatia Monialium iuxta Pontissaram; ubi corpus pie matris sue sepultum est: ut ibidem religiosè nutritur, & ad Religionis amorem salutaribus verbis, & Sanctimonialiorum exemplis informaretur. Licet autem is, cuius prouidentia in sui dispositione non fallitur, aliter de dictis liberis voluit ordinari, quia forsitan ad bonum ipsorum, & Ecclesiæ Dei utilitatem expediebat melius eos in seculo, & in matrimonio conuersari, quàm Religionem intrare: tamen prædicta scripsimus, ut p̃ Regis deuotionem fidei, ac fer-

uorem sancti desiderij ostendamus, quibus ad omnem perfectionis apicem tam in se, quàm in suis liberis aspirabat. Nec arbitror, quòd pius affectus ipsius careat premio & corona, quamvis voluntas pia eius optatum non fuerit effectum sortita. Caterùm, in finem presentis Capituli supponere dignum duxi, qualiter pater Catholicus, quasi Domino reuelante, propriam mortis præsciens, ante suam infirmitatem extremam scripsit in Gallico manu suâ salutaria documenta, & Catholica instituta: quæ filio suo primogenito, & in ipso cæteris liberis quasi pro Testamento reliquit. Horum documentorum manu sua scriptorum post mortem ipsius ego copiam habui, & sicut melius & breuius potui transtuli de Gallico in Latinum, quæ documenta sunt hæc.

Documenta, quæ pius Rex ante mortem filio primogenito scripsit, & quasi pro Testamento reliquit.

Fili carissime, imprimis te doceo, quòd Dominum Deum tuum diligas ex toto corde tuo, & ex tota virtute tua. nam sine hoc non est salus. Fili, debes te custodire ab omnibus, quæ Deo noneris displicere, videlicet ab omni

mortali peccato: ita, quòd prius deberes te per-
mittere omni genere martyrij cruciari, quàm
aliquod mortale peccatum committere. Pra-
terea si Dominus tibi aliquam tribulationem
habere permiserit, benigne, & cum gratia-
rum actione debes sustinere: cogitans quòd
ad bonum tuum proueniat, & quòd hoc for-
sitàn bene meruisti. Insuper, si Dominus tibi
prosperitatem quamcumque contulerit, debes
ei humiliter regratiari: cauens ne indè fias de-
terior, siue per vanam gloriam, siue quocum-
que alio modo; quia non debes Deum impu-
gnare, vel offendere de donis suis. Item moneo
te frequenter confiteri, & quòd discretos & ho-
nestos tibi eligas Confessores, qui te sciant dõ-
cere, à quibus tibi sit cauendum, & quæ te fa-
cere sit necesse. Et in ad Confessores tuos te ha-
beas tam modeste, quòd ipsi et amice te, &
securè reprehendere audeant. Libenter etiam
et deuotè audias officium Ecclesiæ; et quam-
diu eris in Ecclesia, caue ne vagè circumspi-
cias, nec vana loquaris: sed ora Dominum
deuotè, siue ore, siue cordis meditatione; et
specialiter amplius intendas deuotioni in secre-
to Missæ circa horam consecrationis corporis
et sanguinis Domini nostri IESU CHRISTI.
Cor habeas pietatis ad pauperes, miseros, et
afflictos; et secundum posse tuum eis subuenias,

et eos consoleris. Si habueris aliquam cordis desolationem, dic eam Confessori tuo, vel alicui probo viro; et tunc eam leuius feres. Diligas habere semper tecum societatem bonorum, siue Religiosorum, siue secularium, et habe frequenter colloquium cum eis: & caue societatem prauorum. Audi libenter Sermones tam in aperto, quàm in secreto, & libenter tibi procures indulgentias matris nostræ sanctæ Ecclesiæ. In proximis semper diligas bonum, & odias malum. Noli pati, dici coram te verbum allecitiuum ad peccatum, nec verbum detractionis de alio: maxime autem nullum verbum blasphemiae de Deo, siue de Sanctis patiaris dici ab aliquo, quin vindictam de eo fieri facias. De omnibus beneficijs tuis tibi à Deo collatis sic gratias agas illi, ut sis dignus maiora accipere. Erga subditos tuos ita iuste te habeas, quòd lineam iustitiæ teneas, non declinans ad dexteram, neque ad sinistram: & semper plus te teneas ex parte pauperis, quàm diuitis, donec sis certus de veritate. Si quis autem contra te querelam habuerit, stes potius pro causa aduersarij tui, donec constet tibi de veritate: & sic illi qui sunt de consilio tuo, citius stabunt pro iustitia. Si pro certo intelligas, quòd teneas aliquid de alieno, siue



ab antecessoribus tuis, siue à tempore tuo, statim restitue. Si res obscura est, veritatem inquiri facias per discretos. Sis diligens, quòd omnes subditi tui iustitia & pace seruentur: maximè autem personæ Ecclesiastica, ac Religiosa. Dicitur de Rege Philippo auo nostro, quòd quidam de Consiliariis suis dixit ei, quòd Clerici multa damna inferebant ei, iura ipsius usurpando: & mirabantur multi, quòd
 „ ita tolerabat. Cui Rex respondit: Bene credo
 „ quod dicis, sed quando cogito beneficia, qua
 „ mihi Dominus contulit, melius volo pati,
 „ quàm inter me & Ecclesiam scandalum sus-
 „ citare. Amaigitur, ô fili, personas Ecclesiasti-
 cas, serua pacem earum quantum poteris. Li-
 benter subueni pauperibus Religiosis in suis
 necessitatibus, & maximè illis, per quos
 Deus magis honoratur in terra. Honora pa-
 rentes tuos, & reuerenter serua mandata
 eorum. Beneficia Ecclesiastica personis ido-
 neis dona de consilio spiritualium virorum, &
 eis qui non habent aliud beneficium. Caue ne
 absque maximo consilio guerram primus mo-
 ueas contra aliquem Christianum: & si oport-
 eat fieri, fac cauere ne innocentes, & Eccle-
 siæ, ac res earum sine merito puniantur. Et
 quamcitiùs poteris, pacifica de guerris & con-

attentionibustuis, & de guerris quæ sunt inter
subditos tuos; sicut fecit beatus Martinus,
qui bonam virtutum suarum consummatio-
nem existimavit, si pacem inter discordan-
tes restituisset. Sis sollicitus, quòd habeas fide-
les Præpositos & Bailliuos, & inquire dili-
genter quomodo se gerant. Similiter de illis de
hospitio tuo. Sis deuotus & obediens matri
nostra Romana Ecclesia, & summo Ponti-
fici tanquam patri spiritali. Labora quòd
omne peccatum de terra tua remoueatur, ma-
ximè autem blasphemia & hæreses. Memo-
riter recognosce, & regratiare Deo super om-
nibus beneficijs suis. Attende, quòd expensæ
domus tuæ cum moderamine fiant. In fine ob-
secro te, ô fili, quòd si decedam ante te, quòd
tu fideliter animam meam iuuari facias in
Missis & orationibus, & mittas per sanctas
Congregationes regni nostri, ad orationum
suffragia impetranda pro me: & quòd in om-
nibus bonis, quæ factururus es, participatio-
nem habeam specialem. O fili carissime, in
fine do tibi omnem benedictionem, quam pius
pater potest donare filio: & tota Trinitas,
& omnes sancti custodiant te ab omni malo.
Et det tibi Dominus gratiam faciendi suam
voluntatem taliter, quòd seruiatur & ho-

noretur per te: ita quòd post hanc vitam nos simul perueniamus ad ipsum videndum, amandum, & laudandum sine fine. Amen, amen.

En Testamentum p̃y patris ad filios. O Testamentum vite & pacis! Testamentum nulla obliuione delendum, nulla similiter ordinatione mutandum! Testamentum non morte testatoris, sed immortalis vite adeptione firmatum! Siquidem pius pater de his, quæ uerè sua erant, condidit Testamentum; & quæ in se possederat, alijs hæc legauit. Virtutes enim, quas filijs delegauit, in se completas habuit: ut pote qui in se prius cœpit facere, & alios postremò docere. Huius nos, carissimi, tam sancti Testamenti generalis patris ac Regis nostri pro modo nostro simus legatarij, & heredes; & præcipuè Principes, & Prelati. Et hæc de doctrina & instructione liberorum dicta sufficiunt. Nunc de modo pœnitentiæ ipsius aliquid differamus.

De modo pœnitentiæ ipsius, & primò de confessione eius.

16. **S**icut in laudem Regis Iosia scriptam præmissimus, quòd ipse directus est diminitus

in

in pœnitentia gentis : sic iste in formam & exemplum pœnitentiæ statui omnium gentium à Deo diuinitus est exhibitus , & ostensus. Pœnitentia enim ipsius multiplex modus fuit. Siquidem sexta feria per totum annum consueuerat deuotè & humiliter confiteri , locum valdè secretum ad hoc eligens , & quasi in quolibet manerio suo ad huiusmodi providens locum aptum. Et licèt consueuisset intrà , tamen non omittebat extra. Nam post confessionem , à Confessore suo disciplinam semper recipiebat cum quinque catenulis ferreis similiter iunctis , capitibus earum in fundo cuiusdam paruulæ pixidis eburneæ virgulæ decenter infixis : quæ , peracta disciplina , in pixide replicabantur , & recondebantur. Quam pixidem ipse in bursa ad zonam suam pendente secretò portabat. Similes pixides cum similibus virgulis ferreis , quasi pro secreto xenio , dabat aliquando liberis suis , siue secretis amicis , pro recipiendis loco & tempore disciplinis. Si quando Confessor suus , quasi parcens ei , nimis remissos ictus , ut sibi videbatur , ei dabat ; quòd fortius percuteret , ipse per signum aliquod innuebat. Hanc autem disciplinam , existimo , apud quendam habuit Confessorem , qui erat solitus sibi dare disciplinas nimis immoderatas & duras : super quo caro eius tenera non modicum gra-

uabatur. Quod grauamen nunquam illi Confessori, quandiu viueret, voluit reuelare: sed post mortem dicti Confessoris, quasi iocando & subridendo hoc alteri Confessori suo humiliter recognouit. Et licet, prout dictum est, consueuisset omni die Veneris confiteri; tamen si alijs diebus sibi occurreret aliquid confitendum, non differebat quin quantocius posset confiteretur. Si quid etiam de nocte, ut fieri solet, sibi contingeret, si suum in promptu habere poterat Confessorem, mittebat pro eo antequam inciperet Matutinas. Si autem commodè habere non poterat, interim Capellano confitebatur: qui enim ad Horas dicendas iuauat. Nec omittendum, quòd postquam de transmarinis partibus est reuersus, semper duos voluit Confessores, vnum de ordine Fratrum Minorum, & alium de Ordine Predicatorum: ut si vnum habere non posset, alium paratum haberet, & ut per hoc amorem ad vtrumque Ordinem ostenderet & seruaret; & maximè, ut sic conscientia sua securior esse posset, quòd in ore duorum testium stat omne verbum: & iuxta sententiam Salomonis, vbi multa consilia, ibi salus.

Quod cilicio quoque utebatur.

PRaterea, in *Aduentu & Quadragesima*, 17.
diebus Veneris, cilicio ad carnem utebatur. Similiter in *quatuor vigilijs beata Maria*: licet à Confessore suo pluries sibi dictum fuisset, quòd huiusmodi pœnitentia statui suo minime competebat: sed largas elemosynas pauperibus erogare debebat, & subditis festinatam iustitiam exhibere. Tandem Confessori suo humiliter recognouit, quòd huiusmodi cilicium carnis eius teneritudinem supra modum grauabat. Vnde de consilio eius uti cilicio humiliter pratermisit. Tamen nonnumquam in *Quadragesima* loco cilicij quadam zonâ lata de cilicio, siue fascia se cingebat. Insuper loco prædicti cilicii, quasi in recompensationem, voluit quòd omni die *Veneris*, in *Aduentu & Quadragesima*, Confessor suus reciperet de mandato ipsius *xl. solidos Parisienses*, ad erogandum secretò pauperibus.

De abstinentia ipsius.

Consuetus erat per totum annum omni 18.
sexta feria ieiunare, & quarta feria à
 d ij

carnibus & sagimine abstinere. Aliquando etiam diebus lune à carnibus similiter abstinēbat. Sed propter debilitatem corporis hanc diem dimisit consilio discretorum. Insuper quatuor vigilias precipuorum festorum beate Virginis in pane & aqua ieiunabat. Nihilominus in Parasceue, & quandoque in vigilia omnium Sanctorum, ac aliquibus alijs solemnibus ieiunijs per annum similiter in pane & aqua ieiunare volebat. Sextis ferijs in Quadragesima & Aduentu à fructibus & piscibus abstinēbat. Tamen aliquando de licentia sui Confessoris vno genere piscium, & vno genere fructuum utebatur. Audiuit à quodam Religioso, quòd ab omni genere fructuum comedendo penitus abstinēbat; nisi quando prima vice nouus fructus sibi afferebatur, quasi in gratiarum actionem semel indè gustabat, deinceps erat abstinens toto anno. Quod cùm sanctus Rex Confessori suo retulisset, quasi suspirans quòd tantam perfectionem aggredi non auderet; concepit in animo saltem facere è conuerso, videlicet ut cùm sibi nouus fructus primitus offerretur, indè non comederet ea vice, quasi primitias immolando Domino. & tunc secure deinceps comedebat. Et credo quòd ita postmodum, sicut proposuerat, obseruauit.

Nullum , vel paucissimos recolo me vidisse, qui tantâ aqua copiâ vinum suum obrueret, sicut ipse.

**De operibus misericordiæ, & largitate
elemosynarum ad pauperes.**

Porro ab infantia creuerat secum misera- 18.
tio. Et quia erga afflictos et pauperes pia
semper gestabat viscera charitatis, eleemosy-
nas eius, quas enarrat omnis Ecclesia San-
ctorum, nec simulare debeo, nec sufficio ex-
plicare. Siquidem quotidie, ubicumque esset,
in domo sua reficiebantur pane, vino, et car-
nibus, sine ciuibus, plus quàm centum viginti
pauperes. In Quadragesima verò, & Aduen-
tu, atque deuotis diebus, summa pauperum
augebatur. Frequenter ipsemet pius Rex pau-
peribus seruebat, & coram eis fercula mini-
strabat, panem scindebat, ac denarios mul-
tos manu propria eis dabat; & ante eos paupe-
riores eligebat ut largiùs eis daret. Specialiter
autem in quibusdam ieiuniorum diebus et so-
lemnibus vigilijs, ducentis pauperibus manu
propria, antequam comederet, de prædictis
omnibus seruebat. Præter hæc, quotidie in
prandio et in cæna habebat propè se tres senes

pauperes comedentes, quibus de cibarijs suis charitatiuè mittebat, & in fine prandij certam summam pecunie eis dabat. Caterum, quis enarrare sufficeret, quàm largas et frequentes elemosynas pius Rex assiduè erogaret pauperibus Religiosis, ac Conuentibus plurimis tam Sanctimonialium, quàm virorum, similiter Hospitalibus pauperum, ac Domibus Leprosorum, & aliorum Collegijs pauperum, tanquam specialis pater eorum? Sanè, cùm inter cetera pietatis opera, singulis annis solitus esset circa principium hiemis Conuentibus Fratrum Minorum, et Fratrum Predicatorum Parisiensium summam pecunia elargiri pro suis necessitatibus prouidendis, et quando amplius indigebant suum beneficium ampliare: post illius concessionem elemosynæ, ex affluentia pietatis, quam gerebat in pectore, familiaribus, qui aderant, serenissimo vultu,
» ac corde deuoto dicebat: O Deus, quàm benè
» reputo hanc elemosynam esse erogatam tot &
» tantis fratribus, qui de toto corde ad istos Con-
» uentus Paris. pro studio sacrae doctrinae con-
» fluunt; & exinde, quod de Scripturis diuinis
hausuerunt, per totum mundum ad Dei hono-
rem, & animarum salutem effundunt! Pra-
terea, ab ineunte aetate Domus & Monaste-

ria Religiosorum cœpit adificare quamplura: inter quæ specialiter illud præclarum beatae Mariae Regalis Montis Cisterciensis Ordinis Monasterium, et Ecclesiam admiranda pulcritudinis de proprio suo construxit, & copiosos redditus assignavit; ubi magna & sancta Monachorum congregatio Deo seruit. Domos insuper quamplures Fratrum Prædicatorum atque Minorum in diuersis regni sui partibus edificauit, & iam incœptas ad consummandum adiuuit. Domum de Parisijs cum magnis sumptibus ampliauit: & redditibus augmentauit. Insuper Domos Hospitalales pauperum apud Pontisaram; Compendium, et Vernonem, magnis & sumptuosius edificiis construxit, et magnos redditus assignauit. Monasterium autem sancti Matthæi iuxta Rothomagum de proprio adquisiuit, in quo posuit Religiosas Sorores de Ordine beati Dominici circiter quinquaginta, deuotè Domino seruientes, & eisdem redditus sufficientes prouidit. Domum etiam magnam cæcorum pauperum Parisijs construi fecit, ubi plus quàm trecenti quinquaginta cæci pauperes commorantur, in Capella ibi constructa diuinum seruitium audientes. Præterea miserandarum mulierum, quæ propter victus

penuriam erant publicè exposita ad peccatum, vel ad exponendum parata, quæ tantum panem & aquam ab ipso petebant, ut sic à peccato cauerent, in Domo filiarum Dei Parisius magnam multitudinem congregauit, & eisdem pro sustentatione annuatim quatuor centum libras Par. assignauit. Insuper Monachis Ordinis Cartucensis propè Parisios in loco, qui dicitur Vallis-viridis, & locum aptum prouidit, & ad viuendum Deo ibidem sufficientes redditus contulit. Domum insuper Paris. honestarum mulierum, quæ vocantur Beguina, de suo adquisiuit, & eisdem assignauit, in qua religiosè et honestè conuersantur circiter quadringentæ: & pluribus exceptis, maxime pauperibus nobiles, quamdiu uiuerent, de sustentatione quotidiana prouidit. Similiter in pluribus alijs regni sui ciuitatibus atque castris dictis Beguinis domos ad habitandum prouidit. Præterea, quia circa initium Quadragesimæ piæ memoriæ Rex PHILIPPVS annuatim circiter tria millia librarum solebat pauperibus erogare, sed nulla super hoc confirmatio habita: iste deuotissimus successor hanc piam elemosynam per Cartam suam in perpetuum confirmauit, ★ per literas, unde poterat per desuetudinem amitti. Igitur

tur piissimus Rex, pauperum pater ac consolator, qui de corde suo constituerat spirituale Domino Hospitale, omnes Religiosos, qui veniebant ad ipsum, cuiuscumque pauperis Ordinis, dum tamen esset à Sede Apostolica confirmatus, benignè suscipiebat, & Parisius sumptibus proprijs de loco commodo providebat. Cum autem intelligeret, quòd nonnulli ex familiaribus suis ex largitate elemosynarum suarum murmurarent, eisdem dicebat, quòd cum oporteret quandoque in expensis excedere, potius eligebat quòd excessus fierent in elemosynis propter Dominum, quàm in secularibus & mundanis: ut excessus, qui fiebat in spiritualibus, excusaret atque redimeret excessum, quem frequenter oportebat fieri in mundanis. Nihilominus tamen in sollemnitatibus Regijs, & tam in quotidianis sumptibus domus suae, quàm in Parliamentis, & Congregationibus Militum & Baronum, sicut decebat Regiam dignitatem, liberaliter ac largiter se habebat: et serviebatur in Domino sua multum curialiter ac decenter, plus quàm in praedecessorum suorum Regum Curijs. Volebat insuper, quòd reliquiae ciborum de mensis Domus Regiae sollicitè ac fideliter servarentur: ita quòd non licebat alicui extra

domum aliquid de dictis reliquiis exportare, nisi de licentia Elemosynarij specialis. Vnde pauperes exinde magnum commodum reportabant.

De beneficiorum collatione.

20.

S Anè in beneficiis Ecclesiasticis, conferendis *Quæ ad patronatum siue donationem ipsius pertinebant, Deum semper præ oculis habebat, et electis & probatis personis ea quantum poterat conferebat: præcipuè autem in Ecclesiis Cathedralibus, ubi Sede vacante, ratione custodiæ Regalis, ex consuetudine pertinebat ad eum collatio præbendarum. Quas personas inquirere & eligi faciebat per Cancellarium Parisiensem, & alios viros bonos: specialiter autem per Fratres Prædicatores, atque Minores. Atque Clericos in Memoriali suo scribi volebat, ut eisdem loco & tempore prouideret. Nec prætermittendum, quòd hanc consuetudinem observabat, quòd nulli, quantumcumque litterato, vel famoso, aliquod beneficium Ecclesiasticum possidenti conferret aliud Ecclesiasticum, nisi prius beneficium simpliciter resignaret: vel beneficium non vacans omninò alicui concedere, vel conferre*

volebat, donec testimonium haberet & certitudinem, quòd vacaret. Exultabat autem plurimum à Domino cor eius, quando personæ magni testimonii ac excellentis famæ aliquod bonum beneficium conferebat. Et ut breuiter ea, quæ ad laudem pietatis ac misericordiarum ipsius pertinent, concludamus; quicquid in operibus pietatis vel usus pauperum erogabat, vel personis boni testimonii conferebat, aestimabat optimè collatum. Quod autem in superfluis domorum suarum adificiis expendebat, siue in aliis mundanis superuacuis, videbatur quasi perditum reputare. Aduertendum autem, quòd hoc apertè videtur fuisse diuinæ virtutis operatio, ac meritorum sancti Regis declaratio, quòd cum secundum iudicium hominum mundanorum non esset multum profusus in largis muneribus conferendis Baronibus siue militibus regni sui, nec etiam quantum ad ipsos multum affabilis in verborum blanditijs, siue applausionibus forinsecus videretur, per quæ corda eorum attraheret ad amorem: omnes tamen tam maiores quàm minores ipsum habebant in magna reuerentia & timore, propter fidelitatem & sanctitatem ipsius atque iustitiam. Scientes enim eum virum iustum, & sanctum, metuebant

eum. Vnde post suæ primordia iuuentutis, non fuit qui auderet insurgere, vel attentare aliquid contra ipsum. Aut si fuit rebellis aliquis, citò sub eius humiliabatur imperio. Et, sicut legitur de Rege pacifico Salomone, habuit pacem undique in circuitu regni sui. Et quod de Atha Rege Iuda dicitur, quòd regnavit in pace, nulla temporibus eius bella surrexere, pacem per gyrum Domino largiente. Sanè si quos etiam hostes et amulos latenter habebat, eos sagaciter & caritatiuè adtrahebat ad pacem & beneuolentiam, suis curialitatibus & auxilijs opportunis. Et quia placebant Domino via eius, inimicos ipsius, si quos habere poterat, conuertebat ad pacem. Non solum autem ad subditos clementer & pacificè se habebat, sed etiam ad alios finitimos & vicinos, ad Principes & villarum Rectores. Pro pace inter eos, & concordia reformanda frequenter nuncios suos prouidos & discretos cum magnis sumptibus destinabat, & eos sic ad pacem----- populares & pauperes ab oppressionibus & afflictionibus, quæ in guerris solent contingere, conseruabat. Sic autem gratiosè erga omnes tam subditos quàm vicinos, necnon extraneos remotos fideliter, misericorditer, & clemèter in omnibus se gerebat, quòd ab om-

nibus merebatur honorari pariter & amari; & regnum eius sic cum sui custodia et tranquillitate cordis in pace seruari. Nam scriptum est: Misericordia enim & veritas custodiunt Regem, & firmatur clementia thronus eius. Thronus quippe eius sicut sol in conspectu omnium renitebat, & respectu etiam ceterorum. Nam sicut sol suos ubique diffundit radios, sic ab ipso diffundebantur ubique beneficia sui luminis, & caloris: exempla videlicet luminosa sua vita laudabilis, et opera charitatis inextinguibilis, et amoris.

De deuotione eius ad diuinum officium;
& de modo orandi ipsius.

OMnes Horas Canonicas, & etiam de^{21.} beata Virgine, cum cantu quotidie audire volebat. Etiam si eas in itinere equitando audire contingeret, nihilominus eas inter se & Capellanium suum, tam de die, quàm de beata Virgine, submissee dicebat. Insuper Officium mortuorum quotidie cum nouem lectionibus, etiam in festis quantumcumque solemnibus, dicebat cum Capellano suo. Rarò accidebat, quin quotidie duas Missas audiret,

Et frequenter tres vel quatuor. Cum autem audiuiſſet, quòd Nobilium aliqui murmurabant ſuper hoc, quòd tot Miſſas, tot Sermones audiret: reſpondit, quòd ſi in duplo de tempore poneret in ludendo ad aleas, & currendo per ſylvas pro venationibus & aucupijs, nemo ſuper his loqueretur. Aliquanto tempore in conſuetudinem duxit, circa mediam noctem ſurgere ad Matutinas à Capellanis ſuis Et Clericis in Capella cantandas; ut poſt Matutinas rediens, ante lectum ſuum quietum ſpatium orandi haberet. Tunc, ſicut familiariter dicebat, non habebat timorem, quòd ſi tunc Dominus ei aliquam deuotionem immitteret, impedimentum à ſuperuenientibus pateretur. Et tunc tamdiu in oratione permanere volebat, quantum durauerant in Eccleſia Matutina. Sed cum ipſum nihilominus oporteret propter inſtantia negotia ad Primam ſurgere ſatis mane, & ex his vigilijs corpus eius Et caput maximè non modicum debilitari et grauari poterat; adquieuit conſilio et precibus diſcretorum, videlicet quòd ad Matutinas ſurgeret tali hora, quòd poſt modicum ſpatium Primam, Et Miſſas, Et Horas ceteras continuè poſſet audire. Dum Horæ cantarentur, nolebat alicuius colloquio impediri, niſi urgeret

aliqua utilitas; & tunc, breuiter, & succinctè. Sicut autem in laudem Regis fœsse præmisimus, quòd fecit phase, quale ante non fuerit, nec quisquam de Regibus fecit tale: sic iste solemnitates præcipuas anni, non solum Pascha, sed & ceteras festiuitates deuotas faciebat venerabiliter ac studiosissimè celebrari; conuocans ad hoc pluries in anno Clericos electos & gratiosè cantantes, & maximè de Bonis-Tueris, qui in sancta Congregatione Parisius morabantur: quibus in recessu denarios erogabat, illisque pro magna parte anni in studio sustentabantur. Lacrymarum gratiam plurimum affectabat, & super hoc defectu Confessori suo piè & humiliter conquirebatur, familiariter ei dicens, quòd quando in Letania dicebatur, Vt fontem lacrymarum nobis dones, deuotè dicebat: O Domine, fontem lacrymarum non audeo postulare, sed modicæ lacrymarum stille, mihi sufficerent ad cordis mei ariditatem & duritiam irrigandam. Aliquando etiam, Confessori suo familiariter recognouit, quòd quandoque Dominus in oratione aliquas lacrymas sibi dedit, quas cùm sentiret per genas suauiter ad os influere, non solum

cordi, sed gustui suo dulcissimè sapiebant. Congregationes Religiosorum frequenter ac deuotissimè visitabat, & ab eis pro se & amicis suis, uiuis ac defunctis, piarum orationum et Missarum suffragia humiliter; et flexis genibus, in Capitulo stipulabatur. Fidelissimus erat ad orandum, et ad faciendum orari pro familiaribus suis, seruientibus suis, & amicis defunctis.

De peregrinatione eius in Nazareth.

22.

NEc silendum arbitror, quàm humiliter, quàm Catholicè se habuit Rex deuotus in peregrinatione, quam fecit de Acon in sancta ac deuota ciuitate Nazareth. Nam in vigilia Annunciationis Dominica iuit indutus ad carnem cilicio, de Sophera, ubi ea nocte iacuerat, in Cana Galilee. Indè in montem Thabor, indè eadem vigilia descendit in Nazareth. Cum autem à longè locum sanctum videret, descendens de equo, flexis genibus deuotissimè adorauit, et sic pedes incessit, donec humiliter ciuitatem sacram, & pium locum incarnationis intrauit. Ea die in pane & aqua deuotè ieiunauit, quamuis plurimum laborasset. Quàm deuotè ibidem se habuerit, quàm

quàm solemniter & gloriose fecerit celebrari Vesperas, Matutinas, Missam, & cetera quæ ad solemnitatem tam celebrem pertinebant, testes esse possunt qui affuerunt, de quibus nonnulli attestari veraciter, siue edere potuerunt, quòd postquam Filius Dei in eodem loco de gloriosa Virgine carnem assumpsit, numquam tam solempne, tamque deuotum officium fuerit ibi factum. Ibidem deuotus Rex Missa in altari Annunciationis celebrata, sacram communionem accepit. Et domnus Odo Tusculanus Apostolicæ Sedis Legatus ad maius altare Ecclesiæ Missam solemnem celebravit, & Sermonem deuotum fecit. Ornamenta Ecclesiæ pretiosissima ac deuotissima Rex per omnia Catholicus habere volebat, et secundum quod varijs solemnitatibus congruebat, ornamenta seu paramenta diuersorum colorum habebat: et super hoc gerebat ipse curam ac sollicitudinem specialem. Præterea indulgentias à domino Papa, & ab alijs Prelatis Ecclesiæ sollicitè procurabat, et impetratas deuotè & humiliter frequentabat.

Quòd deuotè Sermones audiebat , & in
sacra Scriptura studebat.

23. **V**alde frequenter Sermones audire volebat , & quando sibi benè placebant , eos optimè retinebat , & alijs repetere multum gloriose sciebat. Dum in reditu peregrinationis transmarinæ per decem septimanas , vel circa , moram in mari faceret , ordinauit quòd & in navi tres haberet Sermones qualibet septimana. Caterùm , dum mare tranquillum erat , & nauis labore & opera nautarum minimè indigeret ; volebat pius Rex , quòd dicti nautæ Sermonem specialem haberent de competente ipsis materia , scilicet de articulis fidei , et moribus , & peccatis , considerans quòd huiusmodi gens audiret rarissimè verbum Dei. Voluit insuper , quòd nautæ predicti singuli confiterentur Sacerdotibus ad hoc electis : & ad hoc ipsemet ore suo exhortationem fecit eis : idem valde salutarem & efficacem , persuadens ipsis & exprimens , quàm frequenter essent in mortis periculo , propter maris discrimina repentina. Inter cetera autem dixit eis verbum notabile , & memoria dignum : videlicet , quòd si interim dum vnus nautarum

confiteretur peccata sua, navis officio suo forsitan indigeret; Ego, inquit Rex, libenter matrem meam apponam, siue ad cordam trahendam, siue ad aliquid aliud faciendum. Nec fuit inanis pia ipsius exhortatio. Nam nonnulli nautæ tunc fuerunt confessi, qui per annos plurimos numquam confessi fuerant. Audiuit fidelis Rex, dum adhuc esset ultra mare, de quodam magno Sarracenorum Soldano, qui omnia Librorum genera, quæ necessaria esse poterant Philosophis Sarracenis, diligenter faciebat inquire, et sumptibus suis scribi, et in armario suo recondi; ut literati eorum Librorum copiam possent habere, quoties indigerent. Considerans igitur pius Rex, quod filij tenebrarum prudentiores esse videntur filiis lucis, & erroris sui amplius zelatores quàm sint filij Ecclesiæ veræ fidei Christianæ; concepit, quod reuertens in Franciam omnes Libros sacre Scripturæ, quos utiles & autenticos in diuersis armariis Abbatiarum inuenire valeret, transcribi sumptibus suis faceret, ut tam ipse quàm viri literati ac religiosi familiares sui in ipsis studere possent; ad utilitatem ipsorum, et ad adificationem proximorum. Sicut cogitauit, ita & reuersus perfecit, & locum aptum & fortem ad hoc

adificari fecit, scilicet Parisius in Capella sua thesauro, ubi plurima Originalia tam Augustini, Ambrosij, Hieronymi, atque Gregorii, necnon & aliorum orthodoxorum Doctorum Libros sedulè congregavit: in quibus quando sibi vacabat, valde libenter studebat, & alijs ad studendum libenter concedebat. Maximè autem si vacare poterat ad studendum propter dormitationem diurnam, antequam prodiret in publicum, siue ad loquendum cum aduentantibus, siue ad Vesperas audiendum. Potiùs autem volebat de nouo facere Libros scribi, quàm emere iam conscriptos: dicens, quòd hoc modo sacrorum Librorum numerus et utilitas copiosius augebatur. De his autem Libris, quos, sicut diximus, fecit scribi, & quos in armario Parisius dereliquit, in suo disposuit Testamento, quòd una pars esset Fratrum Minorum, & altera Fratrum Prædicatorum, reliqua Monachorum Regalis-montis, Ordinis Cisterciensis, quos ipse fundauit omninò de suo. Quando studebat in Libris, & aliqui de familiaribus suis erant presentes, qui litteras ignorabant, quod intelligebat legendo propriè & optimè nouerat coram illis transferre in Gallicum de Latino. Non libenter legebat in Scri-

*pturis magistralibus, sed in Sanctorum Libris
autenticis & probatis.*

Quantam deuotionem habuit in his quæ
spectant ad fidem. & primo de sacra
Corona, & de alijs sanctis
reliquijs.

QVanta deuotione fidei, & quàm immen-^{24.}
sis laboribus & expensis, ac nunciorum
suorum periculis obtinuerit à Constantinopo-
litano Imperatore Coronam spineam Sal-
uatoris, & partem maximam sanctæ Cru-
cis, cum alijs reliquijs multis ac plurimum
pretiosis: & cum quanto gaudio procul occur-
rerit obuiam Rex deuotus ad dictas reliquias
reuerenter suscipiendas, necnon cum quàm
solemni ac deuotissima processione totius Cle-
ri & populi preciosa reliquia Parisius sint re-
ceptæ, ipso Rege hunc sacrum thesaurum ex
una parte propriis humeris ac nudis pedibus
deportante; testis est is Libellus, qui diligenter
super iis est confectus, de quo ad Matutinas
legitur in solemnitatibus dictæ Corona, cate-
rarumque reliquiarum. Quas solemnitates
pius Rex celebriter fieri instituit bis in anno,
videlicet die anniuersaria, qua Parisius re-
f iij

cepta sunt. *Ceterum, quàm mirificam, quàm speciosam, ac nobilem Capellam Parisius fecit fabricari, necnon quàm preciosam & admirabilem thecam fieri fecit, auro, & argento, & lapidibus preciosis ornatam, ad prædictas sacras reliquias honorificè recondendas; testes esse possunt, qui Parisius prædicta diligenter viderunt. In qua Capella Cāonicos atque Capellanos instituit, & magnos redditus assignavit, sicut decebat Regiam dignitatem: ut ibidem Domino in perpetuum in diuino officio seruiretur. Hæc omnia Zelum fidei Christianæ in ipso commendant.*

De prima eius peregrinatione transmarina,
& qualiter Damietam cepit, &
quomodo captus fuit, &
deliberatus.

25. **P** Ræterea Rex quanto feruore fidei bis peregrinationem assumpsit transmarinam, quantosque in ea sustinuerit sumptus, pericula, ac labores, penè innotuit toti mundo. Sanè qualiter in prima sua peregrinatione, & post multos labores in primo aduentu suo in Ægyptum sibi Dominus miraculosè red-diderit Damietam: quomodo postmodum

diuina permissione à Sarracenis captus, quàm sapienter se habuit in & quamdiu fuerit in manibus eorum detentus, testes sunt qui cum ipso presentes fuerunt. Ita quòd ipsi Sarraceni eum sanctissimum, ac veracissimum, necnon sapientissimum reputabant. Denique aduertendum, quòd si captus fuit à Sarracenis, non est multum admirandum: sed est diuino miraculo, & ipsius potentie, necnon sancti Regis meritis adscribendum, quòd ita de facili, & satis pro modico pretio, contra spem ferè omnem, ipse et fratres sui, & exercitus Christianus, fuerint satis incolumes & sani de impiorum manibus liberati. Denique non silendum est, quòd quando ipse Rex captus fuit, grauiter egrotabat illa mortifera et generali infirmitate, qua maxima pars exercitus illis diebus est defuncta; ita quòd de vita ipsius modicum sperabatur. Sed eo capto, prouidente ipso, qui diligentibus se omnia cooperari facit in bonum, Soldanus per Medicos suos, qui melius quàm nostri nouerant artem curationis infirmitatis huius, fecit eum custodiri diligentius ac sanari; et omnia necessaria, quacumque Rex petiisset, abundanter & curialiter ministrari. Ita quòd de ipso atque de suis potuit verè dici:

Et dedit eos in conspectu omnium, qui ceperant eos.

Qualiter se habuit in Achon, & de moracijs in Terram sanctam.

26. **I**gitur diuina virtute liberatus, & pace seu treuijs cum Sarracenis firmatis, necnon captiuis, qui tunc potuerunt haberi, reductis, venit pius Rex in Achon: habitoque communi consilio tam cum suis, quàm cum terra illius militibus et Prelatis, dicentibus plurimis & discretis, quòd si post tale infortunium rediret in Franciam, in maximo perditionis periculo dimitteret Terram sanctam, & quòd essent perditì residui captiui, qui nondum adhuc fuerant liberati: Rex pietate & fidei virtute permotus consensit morari in Syria quamdiu Domino placuisset, licet nonnulli suorum aliter suaderent. Moratus est itaque postea in Terram sanctam per annos quinque, vel circa: nec mora sua fuit inanis, & vacua. Nam in spatio illo cum magnis sumptibus edificauit Casaream muris fortissimis in circuitu ciuitatis. Eodem modo Ioppen & Sidonem. Multa insuper posuit in ampliando & fortificando muros ciuitatis Achon.
- Licet

Eicet autem labores huius, quamvis plurimum sumptuosi, modicum effectum utilitatis Christianitati visi fuerint contulisse, credimus quod per ipsum non stetit: sed potius ex secreto & nobis ignoto Dei iudicio hoc processit, & culpis aliorum hoc exigentibus potius, quam suis.

Quam piè suscipiebat Sarracenos ad fidem reuertentes.

INsuper, in mora illius spatio Sarraceni 27.
multi ad ipsum pro Christianitate suscipienda venerunt, quos gaudenter recipiebat, & baptizari faciebat, & in fide Christi instrui diligenter: & eos in omnibus proprijs sumptibus sustentabat, & in Franciam secum adduxit, & ipsis & vxoribus ac pueris eorum quamdiu viuerent, prouisionem assignauit. Sclauos, & multos Sarracenos, siue gentiles, de proprio emi fecit, & baptizari, & prouisionem eis similiter assignauit.

Quomodo se habuit audita morte piæ
matris suæ.

28. **D***Vm moraretur in Ioppe ad instaurandos eiusdem loci muros, venerunt ru-
mores de pio obitu domina BLANCHÆ illu-
trissima matris eius. Quos cum primò domi-
nus Legatus audisset, assumpto secum Tyren-
si Archiepiscopo, qui tunc domini Regis sigil-
lum portabat, placuit ei quòd ego tertius es-
sem cum eis. Accedens igitur Legatus ad Re-
gem, & nos duo cum eo, dixit quòd volebat
secretò in camera sibi loqui, presentibus nobis
duobus. Attendens igitur Rex grauem Lega-
ti faciem, cognouit quòd aliquid triste dicere
sibi vellet. Duxit itaque vir Deo plenus Le-
gatum & nos de camera in Capellam suam,
qua camera erat coniuncta: & clausis camè-
ræ ostijs sedit coram altari, & nos cum eo.
Tunc Legatus prudenter Regi exposuit va-
ria & magna beneficia, quæ diuina bonitas
sibi abundanter contulerat ab ineunte pue-
rili etate: inter alia autem, quòd per gratiam
suam sibi prouiderat talem matrem, quæ ip-
sum tam Catholicè instruxerat, et tam fide-
liter tamque prudenter tractauerat, & ad-*

ministrauerat negotia regni sui. Subiuncto post modicum cum singultu & lacrimis dicta Regina obitu tam damnofo, tamque plangendo, Rex Catholicus eiulans alta voce, et in lacrimis resolutus, coram altari genua flexit, & manibus iunctis, ac deuotissimè plorans, ait: Gratias ago tibi Domine Deus, qui dilectissimam matrem ac dominam, quamdiu bonitati tue placuit, mihi commodasti: et nunc, Domine, per corporalem mortem eam tibi secundum tuum beneplacitum accepisti. Verum est, Domine, quòd ego nuper eam super omnes mortales creaturas, prout benè meruerat, diligebam: sed ex quo beneplacitum est ante te, sit nomen Domini benedictum in secula, amen. Post hac dicta breui commendatione à Legato pro anima defunctæ, voluit Rex solus in Capella remanere. Tamen recedente Legato & Archiepiscopo, tunc me solum secum retinuit. Sed ne immoderata tristitia grauaretur, accessi ad ipsum prout poteram consolandum, humiliter dicens ei, quòd ad præsens satis natura reddiderat quod natura debbat: sed iam opportunum erat, quòd gratia Dei, quæ in ipso erat, redderet quod ad rationem illuminatam per gratiam pertinebat. Quam admonitionem prudenter exce-

pit, & effectui mancipauit. Nam mox è loco illo surrexit, & in Oratorio suo secessit, ubi dicere consueuerat Horas suas. Ibime solum cum vocauit, & ex voluntate ipsius nos duo pariter diximus totum Officium mortuorum, scilicet Vesperas & Vigiliis cum nouem Lectionibus. Et non modicum sum miratus, quòd cum cor eius esset tam diri vulneris nouitate subcussum, & grauiter sauciatum, non recolo quòd potuerim perpendere ipsum in aliquo versu Psalmi, siue in aliqua Lectione, quam diceret, deficere, vel errare: sicut frequenter solet accidere humano cordi, mœstis & subitis rumoribus perturbato. Hoc ergo verè attribui virtuti diuinæ gratiæ, atque constantiæ cordis eius. Fidissimus filius extitit animæ piæ matris. Nam infinitas Missas, & multiplicium orationum deuota suffragia in Religiosorum Collegijs impetrauit. Item & extunc continuè coram se quotidie specialem Missam voluit celebrari; nisi diebus Dominicis, & festis præcipuis. Postmodum mansit adhuc in Terram sanctam plus quàm per annum. Nam peracta instauratione murorum Ioppensium, iuit ad edificandos muros fortes in circuitu ciuitatis Sidoniensis. Quo factò, intellexit per plures Literas & nun-

tios de Francia venientes, quòd post mortem matris sue regno suo periculum maximum imminebat, tam ex parte Anglia, quàm ex parte Alemanie. Vnde consilio habito cum discretis, assensit ad propria remeare: relictis tamen cum domino Legato multis militibus, et expensis in succursum & subsidium terra sanctæ. Sane cum quanta deuotione & lacrimis, cum quanta benedictione et fauore totius populi Acconensis, necnon militum & Prelatorum, vsque ad nauim ab eisdem prosecutus fuerit, exprimere non possumus.

De reditu eius in Franciam, & qualiter se habuit super mare.

N Auem igitur ascensurus, ex deuotione 29. sua fecit poni in naui corpus Domini IESV CHRISTI, pro communicandis infirmis, ac pro se ipso & suis, quando sibi expediens videretur. Et quia alii peregrini quantumcumque magni hoc facere non solebant, obtinuit super hoc à domino Legato licentiam specialem. Hunc autem sacrum thesaurum in loco nauis dignissimo & conuenientissimo fecit poni, & preciosum tabernaculum ibi erigi, pannisque sericis et aureis operiri. Fecit

g iij

insuper ibidem altare collocari, & decenter ornari, ubi quotidie diuinum officium solemniter audiebat: videlicet omnes Horas Canonicas, & præter Canonem, quæ pertinebant ad Missam, sacerdote & ministris sacris vestibus indutis, secundum quod congruebat diei. Diligens erat valde circa infirmos, quòd haberent necessaria, secundum quòd eorum infirmitas exigebat; & maxime quòd confessione facta, omnia sacramenta perciperent, scilicet sacram Communionem, & Vnctionem extremam. Mortuis verò debitas exequias à Capellanis suis exhiberi faciebat.

Qualiter se habuit in periculo naufragij.

- o. **N***Ec prætereundum, quòd tertia nocte postquam à portu Achon cum eo recessimus, aliquantulum ante diem, dum prope Cyprum essemus, nauis subito impegit in rupem, siue in lingulam terre, vel arena, induratum quasi in lapidem. Rupes illa, siue lingula procul protendebatur in mari. Vbi igitur aure impulsione nauis fortiter est collissa, clamantibus cunctis & eiulantibus, & verè aestimantibus quòd nauis esset in fundo sen-*

*tina quassata ; nauta quasi penitus desperabant , querentes quid agere vel qualiter se habere deberent. Rex autem Catholicus fidem & spem in Deo concipiens, intellecto periculo , quasi corporis sui oblitus , necnon uxoris suae MARGARETÆ Reginae , ac liberos suos , qui prope ipsum quasi consternati iacebant : concitus ad orationem ante altare , & coram sacro corpore Christi, ac sanctis reliquijs deuotè prostratus humiliter exorabat , ut omnipotens Deus presenti periculo subueniret. Et credere debemus , quòd meritis eius & precibus diuina pietas nauem, & ea quae in ea erant, à naufragio liberauit, cum de simili periculo vix duae de centum nauibus euasissent. Nam nauis fortitudine sua, siue potius virtute diuina , rupem siue lingu-
lam illam rupit , & viam per medium sibi fecit. Nauta igitur accenso lumine sentinam nauis scrutantes , & nullam nauis lesuram inuenientes , securi à periculo anchoras submiserunt , diem expectantes. Mane factò, Rex fidei plenus reuersus est secreto ante altare : prostratusque , deuotas gratias retulit super tanto & tam mirabili beneficio sibi & suis exhibito ab omnium Salvatore. Sacerdotes autem , qui adhuc circa altare*

in lectis quiescebant, excitati et videntes Regem in oratione deuotè prostratum, stupuerunt: sed ipse eis veritatem humiliter recognouit.

De iocunditate eius in Francia.

31. **P**ostquàm in Franciam feliciter est reuersus, quàm deuotè ad Deum, quàm iustè ad subditos, quàm misericorditer ad afflictos, quamque humiliter se gesserit ad seipsum, denique quantum pro viribus in omni virtutum genere proficere studuerit: testes sunt, qui ipsius conuersationem diligenter viderunt, & precipuè qui conscientia ipsius serenitatem nouerunt. Ita quòd secundum iudicium discretorum, quantò aurum preciosius est argento, tanto conuersatio ipsius sancta & noua, quam de Terra sancta itinere reportauit, conuersationi pristina praminebat: quamuis status iuuentutis sue semper bonus, & innocens, ac commendabilis multum esset.

De

De zelo eius ad turpes zelationes , & ad blasphemias extirpandas.

PRecipue autem circa cultum diuinum , & ^{32.} exaltationem fidei Christiana , eius intentio versabatur. Nam plurimum anxietabatur , & compatiebatur cor eius super pestem illam generalem , qua ab antiquo noxia occupauerat specialiter regnum suum ; videlicet vitium iurationum turpium , & blasphemiarum in Dominum , & in Sanctos ipsius. Zelo igitur diuino permotus , & solerter cogitans , qualiter hac execrabilis noxa posset ad honorem Dei de regno suo radicitus extirpari , habito prius consilio diligenti cum domino Simone sanctæ Cecilie Presbitero Cardinali tunc Apostolicæ Sedis Legato in Francia ; auctoritate ipsius Legati & sua conuocati sunt Parisius maiores de Regno , tam Principes , quàm Prelati ; ut super hoc damnabili vitio refrenando , vel potius destruendo apponeretur consilium & remedium salutare. Igitur à domino Legato factò super hac materia Sermone solemnì plurimum efficace , Rex Catholicus Zelo sancto succensus , ore proprio fecit super hoc exhortationem deuotam , & ratio-

nibus validis & apertis subnixam. Igitur de communi consilio & assensu edidit pius Rex generale Statutum, quod per totum regnum seruari & promulgari voluit, in hac verba.

Statuta edita contra juratores & blasphemos.

Desunt hæc statuta in MS. Codice, sed habentur apud Ioannem Iouilla Dominum.

★ ★ ★ ★ ★.

Igitur post Edictum huiusmodi publicatum quidam ciuis Parisiensis, conditionis mediocris, inhonestè valde iurando blasphemauit in Deum. Quem Rex iustus absque misericordia cauterizari præcepit in labijs ferro candenti in peccati sui memoriam sempiternam, & ad aliorum exemplum. Super quo cum multi secundum seculum sapientes propter hoc contra Regem verbis maledictis murmurent, audiens sæpè Rex magnus & sciens esse scriptum: Beati eritis cum maledixerint vobis homines, iuxta illud: Maledicent illi, & tu benedices, dixit verbum Catholicum, videlicet quòd desiderabat potius simile cauterium sibi in labijs esse factum, et quoad vi-

ueret talem indecentiam sustinere, dummodo huiusmodi perniciosum vitium de regno suo penitus tolleretur. Præterea, cum tunc temporis ipse dominus Rex quoddam opus fieri præcepisset, quod communi utilitati conferre non modicum videbatur, super quo Parisius à beneficiis habentibus multas benedictiones habebat: dixit, quod maiorem mercedem à Domino expectabat pro maledictionibus, quas occasione illius cauterij incurrerat, quam pro benedictionibus quas habebat pro illo beneficio generali. Igitur Rex noster per Regem Iosiam congruè & merito designatur, in cuius laudem scriptum est, prout præmissimus, quòd tulit abominationes impietatis, & gubernauit ad Dominum cor suum; & in diebus peccatorum corroborauit pietatem in cultum diuinum.

De honore, quem dixit sibi esse factum
apud Poissiacum.

INsuper ad laudem deuotionis fidei ipsius 33.
pertinet, quòd cum semel esset apud Poissiacum castrum, quibusdam familiaribus suis gaudens & glorians dixit: quòd maius bonum, & digniorem honorem, quem umquam ha-

buerit in hoc mundo, fecerat sibi Dominus in castro illo prædicto. Mirantibus qui aderant, de quo honore hoc diceret, cum de ciuitate Remensi, ubi regni coronam & sacram suscepserat unctionem, hac dixisse eum potius æstimarent; subridendo respondit, quod in castro illo sacri baptismi gratiam suscepserat, quod super omnes honores seu dignitates mundanas maius donum & dignitatem incomparabilem reputabat. Vnde etiam cum secretas literas alicui familiari mittebat, & ex causa aliqua volebat suppressere nomen Regis, LUDOVICVM de Poissiaco, siue Dominum Poissiaci se vocabat: potius eligens à loco baptismatis denominari, quàm ab aliqua sua ciuitate famosa.

Quòd in tangendo infirmos signum sanctæ crucis addidit.

35. **I**N tangendis infirmitatibus, quæ vulgo Ihercale vocantur, super quibus curandis Franciæ Regibus Dominus contulit gratiam singularem, pius Rex modum hunc præter Reges ceteros voluit obseruare. Cum enim alij Reges prædecessores sui tangendo solummodo locum morbi, verba ad hoc appropri-

ia & consueta proferrent, quæ quidem verba sancta sunt atque Catholica, nec facere consueuissent aliquod signum crucis: ipse super consuetudinem aliorum hoc addidit, quod dicendo verba super locum morbi, sanctæ crucis signaculum imprimebat, ut sequens curatio virtuti crucis attribueretur potius, quàm Regiæ Maiestati.

De multiplici zelo fidei eius.

PRæterea verus crucis cultor signaculo sanctæ crucis tantam reuerentiam exhibebat, quòd quando claustrum Religiosorum transiret, & videret cruces protensas in sculptas super tumulos defunctorum, transire desuper quantum poterat reformidabat. Vnde in claustris & cimiterijs Religiosorum, de quibus specialius confidebat, faciebat cruces desuper tumulos eius remoueri. Item apud quosdam Religiosos vidit ex consuetudine observari, quòd quando ad Missam cantabatur, CREDO IN VNVM DEVM, dum diceretur, ET HOMO FACTVS EST, Chorus profunde & humiliter inclinabat. Quæ consuetudo placuit ei multum. Vnde deinceps fecit institui & seruari, tam in Cappella sua coram ipso,

quàm in Ecclesijs alijs pluribus ; ut ad verbum predictum non solum inclinaretur , sed deuotè genua flecterentur. Similiter intellexit, quòd in quibusdam Monasterijs, quando in quatuor Passionibus , quæ in sacra Septimana, quæ vulgo penosa vocatur, pronunciabatur: INCLINATO CAPITE EMISIT SPIRITVM, vel; EXPIRAVIT; Conuēntus deuotè flexis genibus, & prostratus aliquantulum orationi studebat. Quod & deuotus Rex postmodum in Capella sua, et in pluribus Ecclesijs fecit similiter obseruari. Vnde & ad petitionem ipsius, in Ordine Fratrum Predicatorum hæc pia consuetudo approbata est, & statuta. Præterea deuotioni suæ incongruum visum est, & indignum, quòd imagines nouæ suæ Crucifixi, siue beata Virginis, vel aliorum Sanctorum, sicut de domo priuatorum veniebant, statim sine benedictione aliqua deberent in Ecclesia communiter adorari. Vnde fecit in antiquis Episcoporum Ordinarijs diligenter inquiri, & inuenta est oratio propria & deuota ad benedictionem nouarum imaginum pertinens, antequàm adorandæ populo publicentur. Quem primum ritum pius Rex ex deuotione sua postea voluit in Capella suæ imaginibus obseruari. Cætera circa seruo-

rem ac deuotionem ipsius huiusmodi plurima possent scribi, sed humilitatis causa hæc quæ dicta sunt sufficiant. Nunc ad secundam et ultimam ipsius peregrinationem in transmarinis partibus transeamus.

De proposito peregrinationis in Terram sanctam secundo.

Siquidem audiens Rex sanctus, quòd penitus esset fraudatus à spe intrandæ Religionis, audiens nihilominus tot calamitates, tot desolationes, et tot crebra pericula Terræ sanctæ; aspirauit aggredi circa finem dierum suorum aliquid arduum propter Deum, à quo de facili impediri non posset. Concepit igitur cum deuotione pium propositum transfretandi, ut quantum diuina gratia sibi daret, contra periculum Terræ sanctæ, quod proximum videbatur, consilium et auxilium adponeret salutare. Et tunc mirantibus cunctis, cæpit quantum poterat expensas restringere Domus sue. Noluit tamen subito aggredi tantum opus ex motu proprio cordis sui. Vnde per secretum nuncium & discretum humiliter & deuotè consuluit super hoc felicitis recordationis dominum CLEMENTEM summum Pontificem; qui tanquam vir

prudens in principio reformidans, diuque deliberans, tandem benigne consensit, ac pium propositum approbavit. Misit in super ob hoc, ad petitionem ipsius Regis, Legatum in Franciam, videlicet dominum Simonem titulo sanctæ Cecilia Presbyterum Cardinalem.

Qualiter crucem secundò accepit.

38. **C**Rucem igitur assumpturus, conuocauit Parisius Prælatorum, Principum, Baronum, ac Militum, cæterorumque hominum multitudinem copiosam. Quibus congregatis in unum, domino Legato præsentē, ipsemet Rex Catholicus coram cunctis qui aderant exhortationem fecit efficacem, & plurimum gloriosam; animans eos ad ulciscendam iniuriam Saluatoris in Terra sancta tanto tempore sibi factam, & ad propriam Christianorum hereditatem recuperandam, quæ tamdiu peccatis nostris exigentibus erat ab infidelibus occupata. Hæc & multa alia ad hanc materiam pertinentia pius Rex gratiosissimè perorauit. Finito postmodum domini Legati Sermone, ipse Rex primus cum deuotione multa crucem assumpsit, & tres filij eius post ipsum, necnon Comitum, & Baronum,

¶

& Militum multitudo ; tam ij , cum quibus ipse Rex pius fuerat super hoc secreto proloquutus , quàm alij quorum corda tetigerat solus Deus.

Quàm sollicitus fuerit in præparatione peregrinationis.

Assumpta itaque cruce , quàm feruens, 39.
quàm sollicitus extiterit in Magnatibus adtrahendis ad crucem magnis muneribus et promissis, quàm anxius atq; sollicitus ad peregrinationem accelerandam , ad nauigij præparationem ; testes sunt, qui huius sollicitudinis sue participes extiterunt. Nacta igitur opportunitate , iter cum suis aggrediens, & statuto tempore ad portum Aquarum-mortuarum perueniens , multa tedia atque mœstitias ibidem perpeffus est propter deceptionem nautarum, & defectum nauium quæ statuto tempore & promisso non fuerant preparata : ita quòd nauem ascendit multò tardiùs quàm credebat.

De consilio habito eundi Tunicium.

Cunctis itaque nauibus , quæ adesse poterant commodè , ante Sardiniam sicut con- 40.

dictum fuerat congregatis, & venientibus cunctis Maioribus exercitus coram Rege, habitum est commune consilium & confirmatum, quòd prius irent ad expugnandum regnum Tunicij, antequàm in Terram sanctam, siue in Ægyptum transirent. Rationes autem, quæ dominum Regem ad hoc plurimum induxerant, ad præsens, sicut credimus, expedit assignare, propter admirationem & murmurationem multorum; quibus potius videbatur, quòd recto itinere ad succursum Terræ sanctæ transire debuisset.

Rationes, propter quas Rex consensit ire Tunicium.

41. **S**iquidem antequam dominus Rex hanc crucem ultimam assumpsisset, multos nuncios receperat à Rege Tunicii, & similiter Rex noster plures nuncios remiseraat ad eundem. Dabatur etenim sibi à fide dignis intelligi, quòd dictus Rex Tunicii bonam voluntatem ad fidem Christianam haberet, & valde de facili posset fieri Christianus, dummodo occasionem honorabilem inueniret; & quòd saluo honore suo, & absque metu Saracenorum suorum hoc complere valeret. Vnde

Rex Catholicus cum multo desiderio quandoque dicebat: Osipossem videre, quòd fierem tanti filioli compater & patrinus! Et ob hoc sub spe ista aliquando voluit se transferre versus partes Carcaſsonæ & Narbonæ, quasi terram suam viſitaturus: ut si dicto Regi Dominus inſpiraret perficere quod propoſuerat de ſuſcipiendo baptiſmo, huic pio operi propinquior eſſe poſſet. Hic non ſilendum arbitror, quòd cum in ipſo anno, quo pius Rex LVDOVICVS debuit ultimò transfretare, Rex Tunicii miſiſſet ad eum ſolemnes nuntios, & in feſto beati Dionyſij Rex faceret quendam Judeum famoſum in ipſa Eccleſia dicti beati Dionyſij ſolemniter baptizari, ita quòd Rex ipſe cum multis Magnatibus ipſum de ſacro fonte leuaret, voluit quòd dicti nuntii Regis Tunicii ſolemnitati illius baptiſmatis intereſſent. Quibus Rex vocatis, ex magno affectu dixit: Dicite ex parte mea domino veſtro Regi, quòd ego tam vehementer ſalutem animæ ipſius deſidero, quòd vellem eſſe in carcere Sarracenorum omnibus diebus vitæ meæ, ibidem claritatem ſolis non viſurus de cetero, dum modo Rex veſter & gens ſua ex vero corde fierent Chriſtiani. O verè fidelis ſermo, & omni acceptione dignus! O ver-

bum planè Catholicum, perfectione fidei & charitatis refertum. Desiderabat quoque deuotissimè Rex Catholicus, ut Christiana fides, quæ tempore beati Augustini, & aliorum orthodoxorum Doctorum in Africa, & maximè apud Carthaginem, tam ab antiquo eleganter floruerat, nostris temporibus refloresceret, & dilataretur, ad honorem & gloriam IESU CHRISTI. Cogitauit itaque, quòd si tantus exercitus tamque famosus apud Tunicium subito applicaret, dictus Rex Tunicij vix posset apud Sarracenos suos tam rationabilem occasionem habere suscipiendi baptismum, videlicet ut per hoc posset mortem euadere tam sui ipsius, quàm eorum qui secum vellent fieri Christiani: & sic etiam regnum suum sibi pacificè remaneret. Præterea Regi dabatur intelligi, quòd si omnino prædictus Rex nollet fieri Christianus, ciuitas Tunicij erat valde facilis ad capiendum, & per consequens tota terra. Suggestebatur insuper Regi, quòd ciuitas illa plena erat argento, & auro, ac diuitijs infinitis: ut pote quæ à multis retro temporibus à nullo fuerat expugnata. Vnde sperabatur quòd si, Deo volente, dicta ciuitas à Christiano exercitu caperetur, ex thesauris ibidem inuentis posset acquisitioni

et restorationi Terræ sanctæ multum efficaciter subueniri. Ceterum, cum de terra Tunicij venire soleret magnum subsidium Soldano Babylonie tam in equitaturis, quàm in armis & bellatoribus, in grauamen & nocumentum plurimum Terræ sanctæ; crediderunt Barones nostri, quòd si pestifera radix illa Tunicij posset penitus extirpari, ex hoc Terræ sanctæ, et toti Christianitati utilitas maxima proueniret. Cum igitur scriptum sit, quòd ubi unum propter alterum, ibi tantum alterum unum; cum via apud Tunicium propriè aggressa fuerit ad honorem Christiani nominis ampliandum, & specialiter ad Terræ sanctæ utilitatem, & faciliorem succursum, non videtur via apud Tunicium contraria voto crucis, sed potius una & eadem; ut potè quoddam adminiculum & præparatio ad Terram sanctam citius et commodius restaurandam. Propter has, & quasdam alias rationes, viam apud Tunicium aggressi sunt. Quòd si aliter de via illa successit, quàm à fidelibus speraretur, peccatis nostris atque nobis, occulto Dei iudicio, debemus potius imputare.

De aduentu Regis ante Tunicium.

42. **I**gitur nauigio cum exercitu nostro satis liberè, & quasi sine contradictione in terra Africa implicato, inter Tunicium, & prope Carthaginem nostri fixere tentoria. Post modicum, castrum illius famose Carthaginis, & quidquid ad castrum pertinet, nostri viriliter & victoriosè ceperunt: et ibidem multos Sarracenos occiderunt, & victualia multa, & alia exercitui necessaria sunt lucrati. Congressus quasi quotidianos cum Sarracenis, & strages hinc inde factas, & alia huiusmodi, alijs, qui melius ista nouerunt scribere, derelinquo.

De mortalitate, quæ ibi accidit.

43. **C**irca quatuor menses mansit ibidem in tentorijs exercitus Christianus, & tam propter aëris ac terre intemperiem, quàm propter arborum sanorum defectum, et aqua dulcis penuriam, magna mortalitas hominum est sequuta. Itaque multi milites & nobiles Comites ibidem fuere defuncti. Inter quos illustris Comes Niuernensis dominus IOANNES p̄ Regis filius est defunctus, super

cuius morte pij patris viscera non modicum sunt commota. Sed Rex constans et prudens satis citò de ipsius morte qualem potuit consolationem recepit.

De pio ac deflendo pij Regis obitu, & qualiter se in morte habuit.

Post modicum autem in dictis castris ipse- 44.
 met pia ac præclara recordationis Rex,
 Deo dilectus, & hominibus graciosus, post
 tot laudabilia fidei & charitatis opera, post
 tot laboriosos agones, quos pro fide, & Ecclesia
 dilatazione, fideliter, ac feruenter, & indefes-
 so animo tolerauit: disponente Domino, qui
 labores ipsius voluit feliciter consummare, &
 ipsi bonorum laborum suorum fructum retri-
 buere gloriosum, febre continua infirmatus
 lecto decubuit, & inualefcente morbo omnia
 Ecclesiastica Sacramenta Christianissimè &
 deuotissimè suscepit sana mente & integro in-
 tellectu. Ita quòd cum ipsi Sacramentum ex-
 trema Vnctionis exhiberemus, & dicerentur
 septem Psalmi cum Letania, ipse in Psalmis
 Versus dicebat, & in Letania Sanctos no-
 minans, eorum suffragia deuotissimè inuo-
 cabat. Cum autem iam signis euidentibus

appropinquaret ad finem , de nullo erat solli-
 citus , nisi de ijs quæ ad solum Deum & exal-
 tationem fidei Christiana propriè pertine-
 bant ; ita quòd cùm iam non nisi submissè &
 cum grauatine loqui posset , nobis adstanti-
 bus , & ad verba eius aurem adhibentibus ,
 vir deo plenus , et verè Catholicus dicebat :
 „ Pro Deo studeamus , quomodo fides Catho-
 „ lica possit apud Tunicium predicari & plan-
 „ tari. O quis esset idoneus , vt mitteretur ibi
 „ ad predicandum ! Et nominabat quendam
 fratrem Ordinis Predicatorum , qui aliàs
 illic iuerat , & Regi Tunicii notus erat. Ec-
 ce qualiter verus Dei cultor , & fidei Chri-
 stiana constans zelator beatam vitam suam
 in confessione vera fidei consummauit. Cùm
 autem virtus corporis eius atque sermonis
 paulatim deficeret , non cessabat tamen Sancto-
 rum sibi deuotorum , sicut eniti loquendo pote-
 rat , suffragia postulare : maximè autem beati
 Dionysij specialis patroni regni sui. Vnde in sta-
 tu illo , cum quodam susurro ipsum pluries re-
 plicantem audiuimus finem illius orationis ,
 „ quæ de beato Dionysio canitur , scilicet : Tribue
 „ nobis quæsumus , Domine , prospera mundi pro
 „ amore tuo despicere , & nulla eius aduersa for-
 „ midare. Et hæc verba multotiens iterabat. Si-
 militer

militer principium orationis de sancto Iacobo Apostolo: Esto, Domine, plebis tue sanctificator & custos, pluries replicabat, & de aliis Sanctis deuotam memoriam faciebat. Ad extremam igitur horam veniens Christi seruus, super stratum cinere respersum in modum crucis recubans, felicem spiritum reddidit Creatori; ea scilicet hora, qua Dei filius pro mundi vita in cruce moriens expirauit. Sane super obitu tam Christiano, tamque felici, & pium est flere, et pium est gaudere. Pium quidem et congruum est flere pro iactura & dissolutione vniuersalis matris Ecclesiae, cuius erat deuotissimus cultor, & indefessus defensor. Specialiter autem plangendum & dolendum toti Francorum regno, cui meritò tanto & tam excellenti Principe erat singulariter gloriandum. Sed nihilominus si rationem vis doloris admittat, gaudendum potius quam dolendum, tum propter modum Christianissimum mortis eius, tum quia de ipso certa ab omnibus vitam ipsius gloriosam & actus sanctissimos agnoscentibus spes habetur, quòd iam de temporalis regni cura sit translatus ad caelestis regni iocundam Curiam, quae cura terrestris extat penitus aliena, ubi cum electis Dei regnans in perpetuum, beata requie

perfruitur sine fine. Migravit autem ad Dominum in crastino beati Bartholomæi Apostoli circa Nonam, anno Domini millesimo ducentesimo septuagesimo.

De aduentu Regis Siciliae apud Tunicium.

45. **N** *Ec pratermittendum, quod cum beati Regis spiritus exiret de corpore, hora illa, et quasi momento eodem illustris Rex Sicilia, gloriosi Regis Franciæ frater, ordinatione diuina ad portum applicuit, & castra nostrorum intrauit. Super cuius aduentu iocundo corda nostrorum, quæ ex obitu pij Regis erant grauiter sauciata, non modicum consolata fuerunt; et ex tam potenti succursu letitia grandis ipsis adcreuit. Similiter ex presentia tam victoriosi Principis, tamque famosi, Saracenorum corda, quæ de morte sancti Regis animari poterant, & letari, non modicum * crufficiata fuerunt.*

Quod sancta eius ossa in exercitu retenta sunt.

46. **O** *ssa sacra corporis eius ex voluntate domini Regis noni PHILIPPI debuimus*

nos, et quidam alij ad hoc electi, statim post obitum eius in Franciam reportare: videlicet in Ecclesia beati Dionysij, ubi elegerat sepulturam, si in terra Christianitati nondum adquisita ipsum, Domino disponente, decedere eueniret. Sed postea habito cum Rege Sicilia consilio, ut vidimus, retinuit secum sacras reliquias dominus Rex Philippus: confidens quod ex meritis sancti patris Dominus in bonum promoueret exercitum, & ab infortunijs conseruaret.

De corde eius & intestinis in Siciliam translatis.

T Amen carnes corporis eius excoctas, & 47.
ab ossibus separatas, necnon cor & intestina ipsius petijt & impetrauit deuotus Rex Sicilia a nepote suo Rege PHILIPPO. Qui suscipiens sanctas reliquias, honorifice fecit eas in Siciliam deportari, et prope Paternum in nobili quadam & cathedrali Abbatia precepit recondi, cum valde solemni atque deuota processione totius Cleri ac populi terra illius. Quando de Tunicio redeuntes, & Paternum transeuntes, dictam Abbatiam verè nobilem ac pulcherrimam vistingimus, audi-

uimus à pluribus fide dignis, quòd postquàm sacra reliquie ibi fuere recondita, multa miracula ibidem cooperante Domino acciderunt. Denique cum quanto honore, deuotione, ac reuerentia suscepta sunt ossa eius, qua deuotissimus ipsius filius illustris Rex PHILIPPVS in reditu suo de Tunicio secum ubique deferri deuotissimè faciebat: cum quanto desiderio ac deuotione tam Clerus, quàm Nobiles, & populorum innumera multitudo cum solemnibus ac deuotis processionibus undique concurrerent ad videndum, seu tangendum loculum, in quo preciosa eius reliquie portabantur, cum dominus Rex transitum faceret tam per Siciliam & Calabriam, quàm per sacram urbem Romanam, & apud Viterbium, ubi tunc domini Cardinales moram ad eligendum summum Pontificem faciebant, necnon per Bononiam, & ciuitates alias Lombardia; testes sunt, qui tunc aderant cum domino Rege presentes.

De aduentu ossium sacrorum in Francia.

48. **Q**uòd si per alienas terras ossium sacrorum reliquie transeuntes cum tot &

tantis honoribus ac pijs processionibus sunt à fidelibus populis prosecuta ; quis enarrare sufficiat , quando Rex illustris cum pii patris ossibus sanctis Francia regnum intrauit , & per ciuitates & castra regni sui transiuit , cum quàm deuotis ac lacrimosis processionibus Clerus ac Religiosi sibj reuerenter occurrerent , ac prout dignum erat piè susciperent , atque deuotissimè prosequerentur , cum innumera atque deuota frequentia populorum?

De sepultura eius apud sanctum
Dionysium.

Postremò apud sanctum Dionysium in 49.
Francia; venientes , ubi , prout dictum est , sanctus Rex suam elegerat sepulturam , congregata Prelatorum , & Baronum , ac Religiosorum multitudo magna , sacrosancta ossa ipsius sepultura venerabiliter tradiderunt , iuxta patrem suum Regem piissimum LUDOVICUM , præsente domino eiusdem filio Rege PHILIPPO ; qui tanquam optimi patris optimus filius fidelissimè ac deuotissimè sibi semper astitit in vita pariter & in morte.

Sepultus est autem anno Domini M. CC LXXI. die Veneris ante Pentecosten.

De miraculis post sepulturam.

50. **S**epultis igitur ossibus sacro-sanctis diuina non defuere magnalia, sed mox mirificauit Dominus Sanctum suum. Nam cooperante Christi potentia, & exigentibus meritis sancti Regis, super ipsius tumultum plurima contigere miracula, quæ ex mandato Domini Abbatis sancti Dionysij fideliter sunt conscripta, & prout dicitur diligenter probata, ad sanctissimi viri merita declaranda, & ad Dei omnipotentis gloriam et honorem, qui in Sanctis suis semper est mirabilis. Ipsi gloria & imperium in secula seculorum, amen.

Qualiter memoria Iosifæ memoriæ eius adaptetur.

51. **D**emum, ut finis huius Operis Libelli principio cooptetur, verè et dignè memoria nostri Iosifæ, Regis videlicet, propter prædictæ sanctæ conuersationis ipsius meri-

ta , nec non et felicitis mortis eius magnalia , in compositione odoris facta opus pigmentarij , & in omni ore quasi mel indulcabitur , & ut Musica in conuiuio vini. Memoria quippe laudabilis vitæ & cōuersationis ipsius compositioni odoris operis pigmentarij merito propter gratiam suauissimæ famæ eius : quæ quoad procūl absentes , & qui eum corporaliter non viderunt , longè latèque per orbem vniuersum dilatata est & respersa. Ita quòd verè dicere potuerit , Christi bonus odor sumus in omni loco : & quòd tota Domus vniuersalis Ecclesiæ , imò & totius orbis , impleta sit ex eius odore vnguenti. Non enim credo , quòd à multis temporibus retro-actis aliqua persona viuens extiterit , cuius fama et actus egregij magis repleuerint totum mundum. Ita quòd de eodem dici possit , Vnguentum effusum nomen tuum. Et sicut in laude Mardochei dicitur , Fama nominis eius crescebat quotidie : imò sicut de Rege Salomone dicitur , Vincibat famam virtutibus suis , Ita quòd vix mediætas sapientiæ eius atque virtutum à referentibus enarretur. Sequitur „ Et in omni ore quasi mel indulcorabitur. Hoc

quoad praesentes, & circa ipsum conuersantes, qui opera eius sancta frequenter, & de propè conspiciere meruerunt, & quasi mel in ore probare & gustare laudabilem vitam eius. Mellita enim erat & dulcissima eius conuersatio, sicut mel quantò amplius masticatur, tantò sapit dulcius, & vehementius efficit ad amorem. Quòd autem in fine subditur, Et quasi Musica in conuiuio vini, spectat ad ipsius familiares & Consiliarios, & praecipuè qui cordis eius arcana intima cognouerunt, qui ipsum gratiosissimè loquentem toties audierunt, tam in secretis consilijs, quàm in amicabilibus dulcium colloquutionum suarum sermonibus; & maximè quibus cordis sui secretas ac pias affectiones, & sancta desideria familiariter reuelabat: quod erat planè & suavis Musica ad audiendum, & ut vini conuiuium ad iocundè gustandum. Ita quòd de ipso dici potuit, quod in laude Heliae dicitur: Beati qui te audierunt, & amicitia tua decorati sunt. Et quod Regina Saba de Salomone admirans protulit, Beati, inquit, viri, & beati serui tui, qui stant coram facie tua semper, & qui audiunt sapientiam tuam. Sic itaque fuit Iosias noster quasi odor pigmentorum fragrans

*grans per famam suauissimam, quantum ad
procul absentes ; quasi mel in ore, quantum
ad praesentes , qui sanctam ipsius conuersa-
tionem probando gustauerunt: & quasi Mu-
sica in conuiuio vini, quoad speciales amicos,
qui secreta sapientia eius atque virtutum au-
dientes , quasi experti sunt Musicam melo-
diosam, & velut vini conuiuium delicatum.*

Quòd dignus sit inter Sanctos adscribi.

Igitur post tot & tanta praconiorum pre- 52.
*missa magnalia , quid aliud restare vide-
tur , nisi vt Iosia nostri memoria tam odori-
fera, tam mellita , tamque melodiosa in Ec-
clesia Dei , prout dignum est, perpetua perse-
ueret ? Videlicet vt in memoria aeterna sta-
biliatur Iustus noster: et deinceps Iusti huius
memoria sit cum laudibus sollemnibus & de-
uotis: ac vt dilecti Deo & hominibus memo-
ria sit omnium seculorum , & similem illum
faciat in gloria & honore Sanctorum suo-
rum ille , qui in Sanctis suis semper est glorio-
sus & super exaltatus in secula seculorum ,
amen.*

FINIS.

¶

DE VITA
ET ACTIBVS INCLYTÆ
RECORDATIONIS
REGIS FRANCORVM
LVDOVICI,
&
DE MIRACVLIS, QVÆ
AD EIVS SANCTITATIS
DECLARATIONEM CÔTIGERVNT.

*Auctore Fratre Guillelmo Carnotensi,
Ordinis Prædic. eiusdem
Regis Capellano.*



DE VITA
ET ACTIBVS INCLYTÆ
RECORDATIONIS
REGIS FRANCORVM
LVDOVICI,

&

DE MIRACVLIS, QVÆ
AD EIVS SANCTITATIS
DECLARATIONEM CONTIGERVNT.



IRABILIS. *in altis Dominus
mirabilia circa nos nostris tem-
poribus operari non desinit:
innouans signa, & mutans mi-
rabilia his diebus. Nam sol
nouus ortus in partibus Occiduis, ac per Or-
bem diffundens sui radios luminis & caloris,
nec in Meridiano occumbens, in ipso Occasu
non tepuit: sed fornacem feruoris & lucis in*

l iij

operibus ardens custodiuit, & dulce lumen
 Et delectabile sanis dereliquit. Siquidem pos-
 sumus per Solem illum particulariter intelli-
 gere Solem lucentem inter seculi Principes &
 Rectores mundi, & velut solem inter side-
 ra fulgentem: illum scilicet recolenda ac pre-
 clara memoria Regem Franciæ LVDOWI-
 CVM, qui in Occidente exortus orbem terræ
 luminosa vita sua illustrans radijs, tandem
 in partibus Affricanis occumbens, sicut sol
 in Meridie calore viget, & radijs suis offus-
 cat oculos: sic effulsit moriens, ardens feruo-
 re fidei & amoris diuini, & lucens omnibus
 mentibus operum sanctitate, & post occa-
 sum lucere non desinens miraculorum euiden-
 tium claritate.

LICET autem ad honorem & gloriam Con-
 ditoris, ad ipsius commendationem gloriosi
 Regis, Et eiusdem testimonium sanctitatis,
 satis sufficere videtur odor sanctissima fama
 eius ubique per orbem diffusus; ac ea qua san-
 cta memoria Pater noster, totius Religionis
 speculum, Frater GAVERIDVS DE BEL-
 LO-LOCO, Ordinis Predicatorum, eius Con-
 fessor, Et conscius secretorum, circa finem
 vite sue ad mandatum domini Pape GRE-
 GORII, sicut patuit, propria manu subscri-

fit, et scripta reliquit ipsi domino Pontifici destinanda: quia tamen de quibusdam alijs dignis memoria, quae gessit, in vita, tam in prosperitate regiminis, quàm in aduersitate carceris, & in angustia suae mortis, aliqua sunt vel dimissa penitus, vel omissa; ac de miraculis, quae circa eius sepulchrum, & aliàs ad diuinæ laudis cumulum, & meritorum ipsius Regis declarationem accidisse noscuntur; de ijs pauca recolligere studui, et praesumpsi adyćere stilo breui.

SCRIPSIT autem sic in suae narrationis exordio memoratus Pater, assumens illud verbum pro themate, quod scribitur in Ecclesiastico. Memoria Iosiae in compositione odoris facta est opus pigmentarij. In omni ore quasi mel indulcabitur, & vt Musica in conuiuio vini. Nomen Iosia ipsi Regi nostro tam ratione, quàm imitatione consimilis actionis conuenienter adaptans. Et rectè sicut de illo Iosia scribitur in figura, sic illi comparari potest Regis nostri dulcis memoria: odori scilicet pigmentarij operis, dulcedini mellis, & harmonia Musica instrumentalis; tanquam suavis in corde, in ore, & in aëre. Propter tria, quae fuisse leguntur in ipso Rege, fama scilicet eius celebris virtutis fragrans, quae

vincit omnem odorem : suauitas modesta' & sanctæ conuersationis , quæ excedit omnem corporalem dulcedinem : studium diuini honoris & laudis, quod superat omnem cantilenam & secularem melodiam. Vt autem de alijs satis dictum sufficiat, huius Regis nostri non solum erant dulcia et delectabilia cunctis sanè audientibus & intuentibus gestus eius , actus , et verba , scilicet et sanctitatem redolentia , & ad deuotionem excitantia corda multa. Hanc enim specialem gratiam virtus ei diuina contulerat , quòd , sicut pluries est expertum , multorum ad eum venientium & magnorum commotos animos, & turbatos aspectus eius & affatus, serenatos protinus redderet & quietos. Multi etiam , qui inter alios præcellere Religione videbantur, viso eo vel audito plurimum adificati redibant Et quantò euidentius humilem & sanctam conuersationem eius agnouerant, tantò amplius illustrati seipsos in conspectu & respectu minus se religiosos , minusque perfectos et humiles indicabant. Mores enim eius , actus , & gestus, non solum regales , sed etiam regulares , nihil seculare aut vanum penitus sapiebant. Denique non facile dictu quàm dulcia faucibus eius diuina semper fuerint eloquia. Nam

G

& ipsius diuinae laudis praeconia non solum super mel eius ori, sed super omnia delectabilia eius infuebant auribus atque cordi. Cantilenas etenim vanas secularium, & inanes fabulas histrionum abominans & detestans, & instrumentorum musicorum oblectamenta recusans, in quibus delectari solent plerique Nobilium; filios suos ac familiares ab huiusmodi arcebat ineptijs. Vehementer affectus, ac totus intentus diuinis laudibus & canticis; in illis etiam suaue sonantis Ecclesiae vocibus plurimum delectatus. Vt cum illo Ecclesiae Doctore egregio possim glorianter sic asserere de seipso: Laudes tuæ, Domine, susponderunt planitiem cordis mei ad te, ne raperetur per maria turpis præda volatilibus.

PORRO cum quanta honorificentia & reuerentia Saluatoris, cum quanta frequentia ac deuotione plebis, solemnitates illas, quas instituerat in Capella sua Regia: (nam sacrosancta Coronæ Domini in crastino S. Laurentij, quæ in tota Senonum Prouincia celebratur, aliam, sanctarum aliam Reliquiarum in crastino S. Michaelis Archangeli celebrari fecit annuatim) quam solemniter ac reuerenter pretiosum illud lignum Crucis Do-

*minica, sacrosanctam eius Coronam spin-
neam, ac venerandum ferrum lancea, quod
latus Dominicum perforauit, auro & gem-
mis preciosissimis adornata processionaliter
ac publice deportari fecerit in singulis solem-
nitatibus antedictis; Pralatis, et Religiosis,
cum Clero, capis indutis sericis, laudes diui-
nas altissimè decantantibus; ipso pio Rege
cum suis Magnatibus humiliter subsequente,
ac vniuerso populo deuotè sacras ipsas reli-
quias adorante: etsi vellem, non valerem,
nec sufficerem explicare. Et has quidem solem-
nitates ipse Rex pius tam in absentia, quàm
in presentia celebrari voluit, etiam dum pe-
regrè ageret ultra mare: iustè & religiosè con-
siderans & affectans, ut in illis, in quibus
ab infidelibus Judæis inhonoratus fuerat Do-
minus Maiestatis, honoraretur præcipuè à
fidelibus & deuotis; & secundum ignomi-
niam, quam pro nobis sustinuerat, vitupe-
ratus & illusus, multiplicaretur gloria lau-
dis eius.*

*CÆTERVM, silere non debeo quæ pius Rex
die sancta Parasceues annis singulis agere con-
suevit. Post Matutinas siquidem ante diem
coram ipso more debito decantatas, post ora-
tionem breuem, cum silentio ad cameram*

suam veniens, ibique solus remanens, cum uno Capellano suo totum ex ordine Psalterium cum omni attentione & deuotione perlegendo complebat: nec lectum intrans aut dormiens, post paululum circa solis ortum, nudus pedes, in humili habitu, paucis cum ex suis comitantibus, per lutosas & lapidosas vias ciuitatem aut villam, in qua erat, perambulans, intrabat Ecclesias, & orabat, Eleemosynario subsequente, & eleemosynas omnibus pauperibus effundente: & ipse etiam Rex multos denarios propria manu dabat. Deinde fatigatus supra modum ad domum rediens, post paululum Sermonem publicum, in quo tota Dominica Passionis recitabatur series congregato populo, deuotissime audiebat: postmodum Dominicum officium cum omni deuotione celebrari solemniter faciebat. Verum, quàm reuerenter & humiliter ad Crucem adorandam venire consueuerat, non facile explicarem. Nam à sede vel loco suo veniens; nudus, pedes, discooperto capite, et collo nudato, in semiccijs et humili habitu, quasi pauperrimus à longè procedens, genibus suis flexis, liberis suis ipsum simili habitu subsequentibus, Crucem Dominicam sic humiliter adorabat, quòd adstantes & asper-

nentes plurimos ad compunctionis & deuotionis lacrymas excitabat. Sicque, peracto seruitio, Rex Christianissimus ad mensam tenuissimam panis & aquæ simplicis accedebat. Ecce qualiter Rex deuotus diem ipsam à media nocte inchoans, in vigilijs multis, in labore, fatigatione, in ieiunio & fame, in elemosynarum largitione, in orationibus & diuinis laudibus totaliter expendebat. Sic etiam totum tempus reliquum vite sue diuinis obsequiis, & operibus pietatis dedicare studuit; ut cunctis, maioribus scilicet et minoribus, speculum et exemplar relinqueret totius sanctimonie & virtutis. Nam rectè dicitur,

Regis ad exemplum totus componitur orbis.

Et sicut Moysi dictum est à Domino, Inspice & fac secundum exemplar, quod tibi in monte monstratum: est sic unicuique nostrum quid agendum sit indicitur & ostenditur in istius mentis altitudine, hoc est, in excellentia dignitatis & nobilitatis huius Regis inclyti, in euidencia bonitatis, & eminentia vite eius.

VERVM, quia per huius pietatis ac deuotionis obsequia, & alia plurima charitatis &

miseri cordiae opera acceptus erat Deo , sicut legitur de Tobia , neceſſe erat ut tentatio probareteum , & probatum ostenderet manifestè , sicut examinatur aurum & argentum in fornace. Vnde non est omninò tegendum silentio , quòd cùm captus fuisset ab hostibus in Ægypto , quamdiu detentus est in carcere , numquam à solita deuotione & diuina laude cessauit. Nam quantumcumque in illo grauis ergastulo carceris artaretur , diuinum tamen officium secundum morem Parisiensis Ecclesie , Matutinas scilicet , & Horas Canonicas tam de die , quàm de beata Virgine , & totum officium Missæ absque Sacramenti consecratione , assidue cùm vno Presbytero Fratре Prædicatore , qui sciebat Arabicum , me adiuncto sibi tunc temporis Clerico suo , ipsis etiam Sarracenis custodibus eius audientibus , iugiter exsoluebat deuoto corde & ore , horis competentibus : habens ibi Breuiarium Cappelle sue , quod ei Sarraceni post captionem eius pro exenio præsentauerant , & Missale.

QVAM prudenter verò , quàm fideliter , quàm constanter se gesserit in omnibus erga ipsos Sarracenos importunè & improbè ipsum aggredientes & impugnantes , ex actio-

nibus atque minis, non est mea facultatis euoluere : licet fere semper praesens affuerim ei ubique. Hac tamen possum veraciter & generaliter causa breuitatis asserere, quod in omnibus factis honestissime se habuit, prudentissime in responsis, in tractandis fidelissime et cautissime, securissimeque in negandis. In omnibus quidem oppressionibus constantissimus erat semper, ipsis etiam maioribus coram mirantibus Admiratis, & dicentibus ipsi Regi ad importabiles exactiones eorum inflexibiliter se habenti : De hoc supra modum miramur, quod vos, quem prisonem nostrum & sclauum reputabamus, talem in vinculis inuenimus : & tales etiam nos reputatis, ac si nos in carcere teneretis. Nequaquam enim consensisset eis reddi Damiatam, si eam potuissent retinere tunc temporis Christiani. Prius enim illuc miserat, & sibi relatum inde fuerat, quod si obsiderent eam Sarraceni, non poterant contra tanti robur exercitus tunc defendi. Sed nec propter duras eorum oppositiones & comminationes aliquantulum flecti potuit, vel induci, ut aliquid promitteret, concederet, aut iuraret, quod in aliquod Christianitatis detrimentum

cederet , aut sue constantia lesionem. Mirantibus cunctis , qui aderant , Magnatibus , etiam Christianis , qualiter tam securus , tam imperterritus erat , cum ipsi non modicum terrerentur. Ipse quidem tanquam vir iustus in Domino confidebat , & ideo non timebat , iuxta illud Sapientis : Iustus quasi leo confidens absque terrore crit.

Hoc insuper maximum gratiae & virtutis indicium ostendit in eo præcipue Rex virtutum , quod cum post initas & concessas treuias inter Soldanum & Regem , conuentiones habitas & firmatas deliberatione nostrorum , quadam die Dominica in sero præsentè Patriarcha Ierosolymitano bone memoria ROBERTO , quem de Damiatà Rex venire fecerat pro consilio habendo cum multis alijs Magnatibus Christianis ; in crastino mane maiores Admirati Babiloniorum confederati ad inuicem Soldanum suum sedentem ad prandium per quosdam familiares suos fecissent interfici , & sicut canem mortuum & fætidum projici super terram ; statim eiectis custodibus , qui Regem & suos seruabant , & iam ipsis absque

custodia existentibus, & nihil aliud expectantibus nisi gladium seu mortem: intrauerunt subito quidam de intersectoribus cum quibusdam de maioribus Admiratis, & principalibus actoribus huius necis, quasi leones vel ursi rabidi, truculentis animis, & cruentis manibus, adhuc etiam de tam noua nece fumantibus, & de recenter effuso sanguine, brachijs erectis. Qui statim ad aspectum gloriosi Regis omni pristina feritate deposita, quasi agni mansueti vultibus, ac demissis ad terram capitibus, ac manibus adorantes, & eum salutantes, dixerunt: Ne timeatis, Domine, sed securi sitis. Nec de facto isto multum vos conuenit admirari. Sic enim fieri oportebat. Faciatis quod vestrum est celeriter iuxta conuentiones habitas, et citò eritis liberati. quod & sic factum est. Nam post diem tertium facta est liberatio Regis & suorum Magnatum valde celebris & solemnis, Domino exercituum sic mirabiliter ordinante: ut qui paulò ante dominum suum infidelem Soldanum tam pomposum, et in superbiam de nostra subiectione elatum, tam viliter interfecerant, & proiecerant tanquam putridum et immundum; captiuum Regem, & humilem, suum aduersarium, & Christi fidelem,

fidelem, tam honorabiliter redderent liberatum omnino. Sic enim per Sapientem pradiatum fuerat: Iustus de angustia liberatus est, & tradetur impius pro eo. Liberati postmodum fuerunt ex hac causa generaliter, quotquot inueniri potuerunt captiui in omni terra Ægypti, etiam ab antiquis temporibus ubicumque detenti. Inter quos Magister Hospitalis Ierosolim. qui detentus fuerat in carcere, & alij multi fuerunt liberati, & libertati pristina restituti. Et hoc quidem non absque miraculo virtutis diuinæ, & meritis ipsius Regis adscribendum est, quod tam facilliter & pro modico tot et tanti viri de manibus iniquorum infidelium liberati sunt incolumes atque securi. Postmodum ipsi Sarrazeni inter se gementes, & pœnitentiam agentes, dixerunt quibusdam ex nostris, quod nesciebant tunc temporis quid faciebant. Et verè sic erat. Nam sicut in Isaia legitur, Immiserat Dominus in medio eorum spiritum vertiginis, & errare fecit Ægyptium in omni opere suo, sicut errat ebrius & amens.

ILLUD etiam non silendum, quod humilitatem & feruorem fidei Regis ipsius commendat plurimum, quod cum veniens Sidonem audisset de Christianis illuc missis ab eo,

qui ciuitatem ipsam readificare incæperant, interfecti ibidem à Damascenorum exercitu, quòd multa corpora atque membra eorum iacebant in littore penitus insepulta ; accessit ad locum Rex pius antequàm cibum sumeret, unà cum venerabili Patre bonæ memoriæ domino Odone Tusculano Episcopo, Apostolica Sedis Legato. Et cum alijs, qui aderant, quasi quandam abominationem & horrorem haberent leuandi corpora, et truncata membra & iam quasi semiputrida contrectandi, siue etiam ossa tangendi: ipse magnanimus & deuotus Rex, quasi nihil abominationis huius aut sentiens, & à mane vsque ad meridiem ibidem, ac si esset in sella aromatica, conuersans, proprijs manibus ipsa etiam intestina & horrida membra Christianorum, quos verè Martyres reputabat, sic benignè leuabat à terra, sic dolenter contrectans et colligens ponebat in vasculis, ad locum sepulture, quem prope castra parari fecerat, deportanda ; quòd omnes qui aderant, & quamplures, qui præ abominatione fugerunt, mirabantur humilitatem & magnanimitatem ipsius. Sicque nullo omninò vel minutissimo osse relicto, quicquid inuentum est traditum est honorificè, cum exequiarum celebratione

solemni, Ecclesiasticæ sepultura. Vt planè de ipsis possit intelligi illud Psalm. Custodit Dominus omnia ossa eorum, vnum ex ijs non conteretur. Et illud etiam Sapientis: Corpora Sanctorum in pace sepulta sunt, & viuent nomina eorum in æternum.

AD hoc ipse Rex spiritu pietatis adeò plenus erat, quòd ad infirmos in extremis etiam laborantes, licèt dissuaderent ei plurimi propter periculum, causa charitativæ visitationis libenter accedens, verba piæ consolationis, & salutis consilia valde necessaria eis dabat. Accidit autem semel apud Menso-riam in Ægypto, quòd cum ego, qui Clericus eius eram, quendam ipsius famulum & cubicularium, virum bonum, & specialiter ei familiarem, nomine Gaugelmum, in exercitu visitassem, sic morti propinquum, quòd credebatur instanter spiritum exhalare, & ab ipso redirem, dixit mihi: Expecto quòd veniat dominus meus Rex sanctus, nec ab isto recedam seculo donec viderim, et locutus ei fuerim, et post citò decedam. quod & sic accidit. Nam post paulum Rex accessit ad visitandum eum, de quo pauci sperabant, eique consolationem piæ visitationis & adlocutionis impendit. Quo recedente, antequàm ad-

suum venisset Regale, nunciatum est ei verissimè Gaugelmum expirasse.

CÆTERVM, mores hominum, & euentus rerum sic aliquando probauit; non humana, sed diuina reuelatione cognouit pluries, & quandoque prædixit. Quæ tamen propter occupationes varias à mea tenuitatis memoria exciderunt. Hoc autem fideliter possum adserere, quod accidit de meipso. Cùm semel nobis duobus, videlicet Fratri GAVFRIDO bonæ memoriæ, & mihi tunc existenti in seculo, cui unam pinguem Thesaurariam contulerat Rex de nouo, de hoc familiariter loqueretur; præter alia sermonem ad Fratrem illum de me ipso conuertens: Hic, ait, dominus GVILLELMVS ludet modò de sua ista Thesauraria per quinque annos, vel sex, & post Religionem intrabit. Hoc autem tunc, sicut non proposueram, non consensi; sed quod prædixit veracissimè rei exitus comprobauit. Nam post quintum & dimidium annum completum, Ordinem Fratrum Prædicatorum, in quo sum, per gratiam, licet indignus, intraui, sicut in spiritu præuiderat ac prædixerat Rex deuotus. Nec tunc recordabar verbi quod dixerat, sed postmodum occurrit mihi memoriæ quod audiui.

NON solum autem in regni regimine de corporum aut rerum corporalium custodia, prout ad regale spectat officium, diebus ac noctibus inuigilans, sollicitus erat & anxius, ut omnes quasi pupillam oculi conseruaret: sed de salute etiam animarum ultra quam credi possit pia usurpatione permotus, sic de ipsa curabat attente, quod etiam quodammodo regale sacerdotium, aut sacerdotale regimen videretur pariter exercere. Multos enim valde insolentes nobiles, & rapinis subiectorum pauperum inhiantes ab ijs regia potestate compescens; quamplures alios flagitiosos & lascivos suis secretis exhortationibus ad emendationis vite fructum efficaciter inducebat: necnon & aliquos prepotentes & nobiles, qui diu concubinas tenuerant, eas ad unius regia monitionis preceptum ac consilium penitus abiecisse; & ex his aliquem vel aliquos, quas prius concubinas habuerant, domicellas inferioris generis, duxisse postmodum.

PRÆ ipsius itaque reuerentia maiestatis, aut etiam honestatis, verebantur omnes tam maiores quam minores, in habitu vel ornatu notabili seu pomposo coram ipso, vel apud ipsum accedere, ne confusionem reciperent,

non honorem, si coram tam humili & honorato Rege comparerent aliquatenus fastuosè. Accidit autem semel in quodam Parlamento Regis, quandam Dominam ornatam non modicum curiosè, post peractum negotium suum in Curia, cameram Regis intrasse cum non multis; & hoc innotuerat ipsi Regi. Fuerat enim secundum seculum aut falsum secularium consilium, & vanam corporis pulcritudinem formosa plurimum & famosa. Concipiens autem in animo Rex totus Deo deuotus, quòd de salute sua ei familiariter loqueretur, vocauit Fratrem GAVERIDVM, qui præsens ibi aderat dicens ei: Volo quòd sitis mecum, et audiatis quæ dicere propono tali Domina, quæ præsens est hic, et querit personaliter mihi loqui. Auditis igitur, & expeditis quæ dicere voluit ipsi, Domina sola remanente cum Rege & Eratre predicto, sic ait Rex: O Domina, volo vobis unum ad memoriam reducere de nostra salute. Olim dictum est vos pulchram fuisse Dominam, sed quod olim fuit iam transijt, sicut scitis. Potestis ergo perpendere, quòd illa pulchritudo vana & inutilis erat quæ cito euauit sicut flos, qui statim emarcuit, & non durat; nec eam reuocare potestis quantacumque

cura aut diligentia. Providendum est à vobis de alia pulchritudine non corporis, sed animæ, acquirenda, per quam Creatori nostro placere possitis; & ea, quæ in transacto decore acta sunt negligentius, compensare. Hec audiens prædicta Domina; patienter accepit. Postmodum in melius mutata, humilius & honestius se habere curavit.

IPSE autem totius honestatis & modestiæ speculum, honestos & modestos viros plurimum diligebat, & ad suam familiaritatem vocabat: liberos suos, propinquos, & familiares nobiles, qui secum erant, in his verbis salutaribus erudiens, & exemplis.

CÆTERVM, Rex ipse pacificus, tanquam pacis ac Religionis amator præcipuus, paci, ac reformationi, & conseruationi Ecclesiarum & Monasteriorum omnium regni sui, totis insudabat affectibus: prouocando ★ sedare discordias, molestias & iniurias propulsando, quas pluries sunt expertæ quamplures tam Cathedrales quàm alia Conuentuales Ecclesiæ. Insuper & Monasteria præclara quamplurima, specialiter CLUNIACENSE cum membris suis, Maioris Monasterij Turonensis, sancti Dionysii, sancti Benedicti Floriacensis, necnon Cisterciense, cum mul-

tis alijs, quibus ipse in suis necessitatibus, dis-
 sentionibus, vel oppressionibus, tanquam pius
 pater & patronus indefessus affuit, & à mul-
 tis incommodis conseruauit.

PRESSVRAS etiam, & necessitates, ac
 negotia Religiosorum pauperum, quodam
 speciali ac tenerrimo amplectebatur affectu,
 tanquam pater pauperum: fouens & susti-
 nens eos beneficijs & auxilijs opportunis.

SANE, quàm reuerenter & humiliter er-
 ga sacrosanctam Romanam Ecclesiam sem-
 per se habuit, quàm deuotè & obedienter Res-
 cripta & Mandata Apostolica consuetus erat
 suscipere, quàm obedienter & efficaciter si-
 cut verus filius obedientie adimplere; norunt
 illi, qui ei familiarius adhærebant. Ipse enim
 negotia matris Ecclesie plus quàm propria
 reputans, ea totis affectibus promouere cura-
 bat.

INQUISITORES etiam hæreticorum pro
 negotio fidei et Ecclesie laborantes, quando-
 cùmque recurrebant ad ipsum, recipiebat
 dulciter & benignè; diligenter eos audiens,
 et celeriter expediens cum omni gratia & fa-
 uore, postpositis alijs quantumcùmque ar-
 duis negotijs, asserens negotium fidei debere
 omnibus alijs anteponi.

CONSVETVDINES

CONSVETVDINES siquidem iniquas & prauas quantumcumque longeuas, si com-
modè poterant, aboleri, et exactiones indebi-
tas amoueri iubebat: Prapositiones suas mal-
lens cum aliquo pecunia vel reddituum de-
trimento committi bonis & fide dignis perso-
nis, quàm vendi cum augmento suo, vel lu-
cro. nullum emolumentum suum aut lucrum
reputans cum detrimento iustitia, vel popu-
li nocumento.

IUDÆOS autem Deo et hominibus odibi-
les abominabatur in tantum, quòd eos vi-
dere non poterat, nec aliquid de bonis eorum
in vsus suos conuerti volebat. asserens se nol-
le eorum retinere venenum, nec eos excer-
re vsuras; sed in ministerijs aut in merca-
tionibus licitis victum suum adquirere, sicut
in alijs regionibus fieri consuevit. Cùm autem
in contrarium suaderent ei plures de Consi-
liarijs suis, asserentes quòd populus viuere non
poterat sine mutuo, nec terra excoli, nec mi-
nisteria vel mercimonia exerceri: & melius esse
dicebant ac tolerabilius, quòd Iudæi, qui iam
damnati sunt, huius damnationis excer-
rent officium, quàm aliqui Christiani, qui
ex hac occasione etiam maioribus vsuris po-
pulum opprimebant: ad hac ipse tanquam vir

„ Catholicus respondebat. De Christianis , in-
 „ quiens , fœnerantibus , et vsuris eorum , ad
 „ Pralatos Ecclesiæ pertinere videtur. Ad me
 „ verè pertinet de Iudeis , qui iugo seruitutis
 „ mihi subiecti sunt; nescilicet per vsuras Chri-
 „ stianos opprimant , & sub umbra protectio-
 „ nis meæ talia permittatur ut exerçant , &
 „ veneno suo inficiant terram meam. Faciant
 „ ipsi Pralati quod ad ipsos spectat de suis sub-
 „ ditis Christianis , & ego volo facere quod ad
 „ me pertinet de Iudeis. Dimittant vsuras ,
 „ aut omnes exeant de terra mea , ne eorum sor-
 „ dibus ampliùs inquinetur.

BONA insuper eorum etsi capi faciebat
 cum eis aliquando , non tamen animo reti-
 nendi; sed ut illis , à quibus ea per vsurarum
 prauitatem extorserant , restituerentur ; re-
 ceptis probationibus legitimis eorundem , su-
 per qua diligentes Inquisitores & prouidos
 deputabat ; ponens in eorum manibus illa bo-
 na , ut liberè possent illa restituere per seipsos.
 Si quid autem erat residuum quod proba-
 ri non posset , aut inueniri , cui vel quibus de-
 beret restitui , illud cum dispensatione Eccle-
 siæ in pios vsus & Ecclesias erogabat.

LICET autem in omnibus de reddenda
 iustitia promptus esset ac sollicitus , iuste quod

iustum erat totis affectionibus exequendo; vigorem tamen iustitie misericordie lenitate temperans, plerumque ad ea quae superexaltabant iudicium, ex innata sibi clementia non modicum pronus erat, veritatem nullatenus deferendo, sciens quod scriptum est: Misericordia & veritas custodiunt Regem, & firmatur clementia thronus eius.

MONOMACHIAM, quae bellum dicitur, vel duellum, conuocato discretorum & iurisperitorum concilio ex diuersis regni partibus congregauit *, intellecto per eos, quod sine peccato mortali exerceri non poterat, cum non videatur esse iustitia, sed potius tentatio sit in Deum, de dominio suo penitus exterminari decreuit: ordinate, vel modo alio iuri consono & probandi, per testes scilicet & instrumenta, vel etiam rationes, secundum quod iuris ordo exigit.

IN maioribus autem excessibus, in quibus absque diuina offensa locum non debebat habere remissio, non remissum, sed regidum & inflexibilem, quantacumque esset persona, quae deliquerat, se efficaciter exhibebat. Quod si etiam esset persona de familia, excessum aut delictum eius seuerius quam de extraneo vindicare curabat. De predictis siquidem in mul-

tis certis casibus possent exempla specialiter assignari. sed hac causa breuitatis omittimus, ne possent aliqui viuentes aut mortui tali recitatione notari.

FIDELES & discretos viros bonæ conuersationis & fama, & maximè mundas manus habentes à muneribus, cum summa diligentia exquirebat, tales Balliuos & Seneschallos instituens: & ex eis, postquam benè suas Bailliuias diutiùs rexerant, familiares suos & Consiliarios faciebat. Acceptores munerum, & pauperum oppressores quasi quandam postem refugiens, si quando in officijs erant, aut Bailliuijs, amouebat.

DENIQUE mirabantur plurimi, & ex eo quidam maliuoli murmurabant, quòd unus homo tam humilis, tam quietus, nec robustus corpore, nec seuerus in opere, sic pacificè dominari poterat super tantum regnum, super tot & tantos Principes, tam potentes: maximè cum nec multum aliquibus esset affabilis, aut in muneribus liberalis. Sed hoc adscribendum est non potentia temporali, sed diuina virtuti; non seueræ tyrannidi, sed regali mansuetudini, & charitati, & fidelitati deuoti populi, qui præ cæteris specialem quandam & innatam dilectionem ad do-

minum naturalem habere noscitur, nec timore deprimente, sed amore potius dominante regnatur.

SICUTIDEM de abstinentijs & frugalitate eius sic arbitror generaliter consulendum, quòd ab omni re, in qua vel carnaliter, vel temporaliter delectari poterat, aliquam sibi abstinentiam indicebat: in ijs omnibus animo suo quandam necessitatem & violentiam inferendo.

DE ipso etiam cibo suo, qui ultra primum ei adponebatur, et quo libentius vescebatur, solitus erat sibi met partem, vel totum quandoque subtrahere, & alicui è pauperibus ex more quotidie coram ipso comedentibus elargiri. Vnde semel contigit, quòd cum scutellam plenam offis pinguibus, quibus libenter vescebatur, quas proprijs manibus scissas posuerat in scutella, uni ex illis pauperibus miserabili & infirmo misisset, & ille cum manibus ulcerosis et immundis iam partem comedisset ex eis, nec amplius vellet comedere, petens quòd amouerentur omnino: hac videns Rex inclytus, ex innata sibi humilitatis virtute petijt illud pauperis residuum, in quod sordidas manus intinxerat, sibi dari, dicens: Reddite michi offas meas. Et mirantibus cun-

tis certis casibus possent exempla specialiter assignari. sed hac causa breuitatis omittimus, ne possent aliqui viuentes aut mortui tali recitatione notari.

FIDELES & discretos viros bona conuersationis & fama, & maximè mundas manus habentes à muneribus, cum summa diligentia exquirebat, tales Balliuos & Seneschallos instituens: & ex eis, postquam bene suas Baillinias diutiùs rexerant, familiares suos & Consiliarios faciebat. Acceptores munerum, & pauperum oppressores quasi quandam postem refugiens, si quando in officijs erant, aut Bailliujs, amouebat.

DENIQUE mirabantur plurimi, & ex eo quidam maliuoli murmurabant, quòd vnus homo tam humilis, tam quietus, nec robustus corpore, nec seuerus in opere, sic pacificè dominari poterat super tantum regnum, super tot & tantos Principes, tam potentes: maximè cum nec multum aliquibus esset affabilis, aut in muneribus liberalis. Sed hoc adscribendum est non potentia temporali, sed diuina virtuti; non seuera tyrannidi, sed regali mansuetudini, & charitati, & fidelitati deuoti populi, qui præ ceteris specialem quandam & innatam dilectionem ad do-

minum naturalem habere noscitur, nec timore deprimente, sed amore potius dominante regnatur.

SI QUIDEM de abstinentijs & frugalitate eius sic arbitror generaliter consulendum, quòd ab omni re, in qua vel carnaliter, vel temporaliter delectari poterat, aliquam sibi abstinentiam indicebat: in ijs omnibus animo suo quandam necessitatem & violentiam inferendo.

DE ipso etiam cibo suo, qui ultra primum ei adponebatur, et quo libentius vescebatur, solitus erat sibimet partem, vel totum quandòque subtrahere, & alicui e pauperibus ex more quotidie coram ipso comedentibus elargiri. Vnde semel contigit, quòd cum scutellam plenam offis pinguibus, quibus libenter vescebatur, quas proprijs manibus scissas posuerat in scutella, uni ex illis pauperibus miserabili & infirmo misisset, & ille cum manibus ulcerosis et immundis iam partem comedisset ex eis, nec amplius vellet comedere, petens quòd amouerentur omnino: hac videns Rex inclytus, ex innata sibi humilitatis virtute petijt illud pauperis residuum, in quod sordidas manus intinxerat, sibi dari, dicens: Reddite mihi offas meas. Et mirantibus cun-

Etis, quantumcumque animus abhorreret, cepit tamen ex eis sic sapidè sic libenter comedere, ac si nullus eas penitus contigisset. Cæterum adfuerunt qui viderunt sex fide digni, quòd in Monasterio suo Regalis montis cuidam leproso scienter Rex humilis lauauit pedes, & eos more solito diligenter extergens, osculatus est humiliter & deuotè.

ILLVD etiam non prætermittendum est silentio, quòd cum semel lotioni huiusmodi se dedisset, venit ad quendam ex illis pauperibus qui ad hoc vocati erant, & cepit ei lauare pedes flexis genibus more solito. Quem cum pauper ille non agnosceret esse Regem, petijt ab eo simplicitate sua, vt iterum digitos pedum, vbi plures latebant immunditie, sibi lauaret interiùs & mundaret. Quod licet adstantes mirarentur, & minarentur pauperi ei, qui ausus fuerat rem talem à Rege petere; pius Rex tunc petitionem eius clementer admitteus, benignè executus est humilitatis officium, insertis digitis suis inter digitos pedum eius, lauans & tergens, ac demum subiungens osculum caritatis.

SANE ieiunia adeò districtè seruabat;

quod in infirmitate etiam ea nullatenus volebat infringere. Vnde in ultima egritudine, qua decessit, die sabbati ius gallina, quod sibi adponebatur de consilio Medicorum, gustare noluit; quia super hac Confessoris sui, qui tunc forsitan aberat, specialem licentiam non habebat. Præter alia etiam priuata ieiunia, de quibus memoratus Frater GAVERIDVS latius disferit, quedam supererogare consuevit. Ieiunabat enim semper pertotum Aduentum in cibo quadragesimali, et illis sacris diebus, qui sunt ab Ascensione Domini usque ad Pentecosten. In omnibus etiam Apostolorum vigilijs, licet in quibusdam earum non ieiunaretur in Paris. vel in alia diocesi, in qua erat: ad sui excusationem de hoc sibi loquentibus prætendendo, quod de Carnotensi diocesi oriundus existeret, in qua huiusmodi vigilia ieiunantur.

INTER cetera quidem pietatis ejus misericordie opera, quibus totus quasi inundans quidam charitatis fluuius affluebat, eleemosynas eius, quas enarrat omnis Ecclesia Sanctorum, silere non debeo: hoc generaliter adserens, nullum genus pauperum in suam deuenisse notitiam; quod

in aliquo suæ largitionis aut subuentionis beneficium non sentiret.

Hoc etiam specialiter subiungere volui, quòd ingruente caristia, largiùs se in eleemosynis effundebat, mittens per diuersa loca pecuniam erogandam ubique: maxime abundantius dari precipiens, ubi plurimos assidue percipiebat reditus & prouentus. Vnde cum caristia quadam in partibus Normania contigisset, adeò copiosam illuc pecuniam erogandam pauperibus destinauit; quòd sicut indè solet afferri Parisius thesaurus reddituum in ferratis dolijs & quadrigis, sic vice versa de Parisius illuc in similibus vasis & vehiculis pro distribuenda eleemosyna denarij portabantur. Dignum enim esse iudicabat & iustum, ut ubi metebat assidue, ibi necessitatis tempore seminaret; et quòd, sicut scriptum est, splendidum in panibus benedicerent labia multorum. Sperabat etiam, quòd de benedictionum semine gloriosam retributionis aeterna benedictionem in extrema colligeret messeione.

ILLUD etiam silere non debeo, quod semel accidit, me presente. Cum enim Domum Dei maxima multitudo propter infirmorum quotidie confluentium ★ assidue, propter angustiam

angustiam decumbentium multum in adificijs necessarijs cum magnis sumptibus augmentasset : venit ad eum Magister Domus, & petijt ab eo aliquam eleemosynam, maxime cum in anno illo magnum vini defectum sustinerent in domo. Quod audiens vir pietate plenus, ex abundantia p̃ij cordis abundanter tribuens, accersito Cambellano suo, iussit eidem Domui pro vino & alijs, sibi tunc necessarijs, mille libras Paris. statim dari. Quod admirans ille Magister, vix credidit, donec Rex verbum ita repetiit: Date, inquit, pauperibus Domus Dei Parisius mille libras. Satis enim magnum reputasset ei beneficium, si tantum centum libras illa vice pro eleemosyna reportasset.

*CIRCA etiam tempus illud in castris * tribus suis insignijs tres Domos Hospitales pauperum cum magnis sumptibus & amplis adificijs in breui construxit, & redditus assignavit. Domum Fratrum Predicatorum Compend. Ecclesiam Fratrum Minorum Parisius totam, & alia ibidem adificia cum magno sumptu. Insuper & dormitorium cum refectorio Fratrum Predicatorum Parisius edificavit. Tunc temporis, & in brevisperans,*

Et confidens de summi misericordia largitoris, quod per hanc Domus Dei adificationem, Et alia pietatis opera, post dissolutionem domus propriae corporalis, domum non manufactam acciperet aeternam in caelis.

ADVENIENTE igitur tempore, quo post finem certaminis, cursus metam, curam regiminis gloriosam, Rex transire debuit ad supernum regnum, incomparabilem coronam accepturus pro mercede laboris; quantum fuit in fidei firmitate perfectus; in charitate feruidus, in spei sublimitate percipiendi praemij eleuatus: demum in ipsa extrema, qua grauissimè laborauit, aegritudine usque ad exitum vitae manifeste claruit, sicut planè disseruit Frater GAVERIDVS sepe memoratus, qui affuit; Et ego similiter, qui praesens astiti in infirmitate Et morte. Quantum enim ad fidem pertinet, cuius totis visceribus zelabat augmentum, reuera sicut granum sinapis quantò amplius teritur, tanto magis feruet Et redolet: sic hic vir totus in fide fixus, et totus in spiritum absorptus, quantò magis erat malis aduersitatis pariter Et infirmitatis adtritus, eò plus feruorem enitens in se perfectum fidei declarabat; nolens de aliqua re carnali vel seculari verbum admittere: sed solum spi-

ritualibus intendebat, inuitans suos, & excitans, prout eniti possent, de propagatione fidei & multiplicatione in illis Afffricanis partibus cogitare. Charitatis etiam incensa et accensa interiùs ostendit ardorem, quem nec aqua multa tribulationis aut egritudinis corporalis potuerant extinguere, sed potius accendere videbantur. Nam sicut de Domino Salvatore legitur; quòd factus in agonia prolixiùs orabat; sic vir sanctus in extremis agonizans, cæpit orare prolixè: & inter alia orationum suffragia, cum Sanctos familiares inuocabat, illam Collectam dicere, qua de beato Apostolo Iacobo maiore cantatur: Esto, Domine, plebi tuæ sanctificator & custos, in quodam suauì susurro replicans; & ardorem charitatis, quam de salute populi tam spiritali quàm temporali gerebat in corde, tam dulciter & benignè depromens, ac si diceret: Domine, iam satis est, quòd huc usque certauì, quòd hætenus in tuo seruitio totis affectibus laborauì, quòd commissum mihi populum tuum ac regnum ea qua potui sedulitate seruauì. Nunc autem ex eo quo, tua disponente clementia, euocatus ad te corporaliter eos amplius custodire nequeo; te deprecor, te exoro, esto eis Domine sanctifica-

„tor animarum, & custos corporum. tua eos
„pietati commendo.

CÆTERVM, quamuis corporaliter plurimarum molestiarum premeretur angustijs, sponte tamen eleuabatur in spem desiderata mercedis. Nocte enim precedente fuerat auditus sic dicere in Gallico, Nous irons en Ierusalem. Totus enim celestibus inhians, totum habens spiritum immersum in supernis, suspirabat assidue ad illam celestem Ierusalem, quæ est visio vera pacis. Denique circa horam tertiam, cum iam usum loquendi quasi totaliter amisisset, aspiciebat tamen adstantes sibi familiares, quasi subridens valde dulciter, & suspirans. Et cum inter Tertiam & Sextam visus esset quasi dormiens per spacium dimidiæ horæ quiescere, tunc aperiens oculos, et eleuans ad cælum vultu sereno protulit hæc verba Psalmista: Introibo in domum tuam, adorabo ad templum sanctum tuum, & confitebor nomini tuo. Hoc enim sicut credimus, verè dicere poterat, quòd desiderauerat, quòd expectauerat, quòd sperabat introire, scilicet in Domo Dei, in potentias Domini, & apparere in conspectu Dei non vacuus, sed holocausta deferens medullata. Se enim & suos cum incensa chari-

tatis affectu deuotus obtulerat, & ideò poterat illud dicere cum Psalmista: Introibo in domum tuam in holocaustis.

AD vltimum verò, prius omnibus ad se pertinentibus Regio more dispositis, susceptisque deuotissimè omnibus Ecclesiasticis Sacramentis, die crastina beati Bartholomæi circa horam nonam diem clausit extremum, felicem reddens animam Creatori: illa scilicet hora diei, qua Saluator noster pro mundi vita moriens expirauit.

AB illa siquidem hora, vsque dum ad hoc quod parari debuit corpus eius, vt separarentur ossa à carne, intuentibus adparebat sic speciosus ac graciosus in facie, ac si plenè viuus esset & sanus; & quasi subridens aliquantulum videbatur.

PORRO lamentationes & luctus fidelium, ac planctus & ululatus pauperum prætermitto; cum de ipso gaudendum sit potius, quàm dolendum.

SIC igitur Sol & decus Regum ac Principum orbis terræ in partibus Meridianis, & in meridie fœcunda charitatis occubuit; vt ad illum, qui pascit & cubat in meridie, perueniret. Sic Rex inclytus de temporalis regni seruitute transiuit, vt pro certo creditur,

Et speratur , ad regnum felicitatis aternæ.
 Sic fidelis seruus Et prudens super familiam
 Domini constitutus cum multiplicato talen-
 to de labore in requiem , de statu mœroris in
 gaudium Domini sui meruit intrare securus.

AD decus igitur et gloriam Regis Regum,
 Et ad declarationem meritorum Et san-
 ctitatis Regis nostri prædicti , post eius obi-
 tum diuina non defuere miracula ; tam ad
 eius sepulcrum quàm alibi : quorum pluri-
 ma vel per negligentiam non scripta , vel
 non examinata plenius seu probata ; aliqua
 verò ex ijs , quæ verissimè examinata sunt,
 Et luce clariùs comprobata , conscripsimus ;
 quæ inferiùs duximus annotanda.

NON longè post felicem obitum illustrissi-
 mi Regis nostri , cum nondum super hoc ef-
 sent propalati rumores , quadam matrona
 Parisius fide Et honestate laudabilis , Et ad
 ipsum Regem deuota plurimum , cuius vir
 ipsi Regi familiaris extiterat , talem visio-
 nem vidit in somnis. Videbatur ei quòd Rex
 ipse cappa superindutus purpurea , qua ve-
 ste non consueuerat à longis retrò tempo-
 ribus indui , Capellam suam Regiam Paris.
 à dextro latere splendidus Et gloriosus ma-
 gna circumstantium intrabat consomi-

tante caterua : & accedens præ alijs ad altare propius , inclinabat iunctis manibus super illud , ac si Domino sacrificium offerret in eo. Deinde post paululum vertebat se versus Chorum , habens vultum valde splendidum & serenum. Aliquantulum remotius in dextera parte Chori versus altare stabat. quidam alius in habitu consimili , sed non ita splendidus , verso vultu ad altare , & iunctis manibus quasi orans. Cernebantur autem ipsi duo splendidiores omnibus apparentes , et stantes plurimi mirabantur super hoc. Sicque ipsa visio disparuit. Ipsa autem die veniens de domo Regis ad domum propriam vir prædictus , tristis & dolens proiecit se super lectulum , lamentans & eiulans fletu magno. Vnde cum uxor sua ab eo causam tanti fletus inquireret , aperuit ei nouam tristitiam , quam recenter audierat de morte Domini Regis sui , & filii eius IOANNIS Comitis Niuernensis. Recolens itaque prædicta matrona , & re- cogitans postmodum visionem , eam mihi quasi spiritaliter consolata narravit. Ex quo plenius intelligi potest , illud acceptabile sacrificium sibi fuisse diuinitus monstratum , quod pius Rex addens su-

per illud memorabile sacrificium Abrahæ, non solum de proprio filio tam sibi dilecto, sed etiam in odorem suauitatis obtulit de seipso; illius etiam imitando vestigia Regis summi, qui semetipsum immaculatum semel pro peccatoribus obtulit Deo patri.

IPSa die, qua preciosum corpus apud S. Dionysium est sepultum; ibidem quadam matrona de Sagiensi diocesi visum oculorum, quem dudum quasi totaliter amiserat, recuperasse refertur. Et hoc vidisse se dicunt aliqui fide digni; et præcipue Magister GVILHELMVS de Matiscone Canonicus Parisiensis, qui se adserit vidisse. Et multa alia tam ipsa die quam aliàs contigerunt ibidem miracula circa varijs infirmitatibus laborantes, quæ in publicam notitiam non venerunt.

CONTIGIT etiam non multò post, quòd quidam adolescens circiter xxv. annorum, de ultimis finibus Burgundia, surdus & mutus à natiuitate, qui per xvi. annos vel circa in quodam castro nobilis viri Domini IOANNIS CABILONENSIS, quod vocatur Orgelestum, conuersatus fuerat et nutritus, & iam per annum vel circiter in domo eiusdem nobilis in coquina eius seruierat prout poterat,

non

non audiens nec loquens , sed solummodò signis utens , ita quòd ferè tota familia signis eius nouerat , & per signa suam voluntatem & motum animi tam ipse alijs , quàm alijs sibi totaliter ostendebant : comperto per signa , quòd apud sepulcrum gloriosi Regis Francia L V D O V I C I fiebant miracula , virtute operante diuina , adiunxit se quibusdam pedibus venientibus Parisius ; deinde perrexit ad sanctum Dionysium , & in loco sepulcri Regij plorans & ciulans , orationem , qualem potuit , non oris , sed cordis , cum gemitibus & suspirijs aliquamdiu fudit. Tandem virtute diuina , & gloriosi Regis meritis , ob cuius deuotionem venerat , aperta sunt aures eius , & solutum est vinculum linguæ eius , & loquebatur rectè. Statim enim cæpit ibidem loqui , non lingua materna , sed rectè Gallicana ; ac si fuisset natus in ipsa villa S. Dionysij , & continuè conuersatus. Vnde multis in admirationem versum est , ac stuporem. Et cum ab eo quæreretur in Gallico à quibusdam , quos ex visu nouerat , non ex nomine : Quomodo vocor ego ? respondebat in Gallico : Vous auez nom mes amis. Quar d'autre nom ne fai-je riens. Narrabat etiam , quòd numquam tantum terrorem habuerit in vita

sua, sicut quando campanas Ecclesie sonantes audiuit. Timebat ne tota Ecclesia corrueret super eum. Nam tunc primum audire cepit. Vnde stupor & tremor potens eum inuasit. Hæc narrant tam præcedentes nobiles, quàm & multi alij, qui eum à multo tempore cognouerunt. Et multa alia diuina pietatis beneficia infirmis varijs, meritis ipsius ibidem collata fuisse creduntur, quæ nondum in publicam notitiam deuenerunt.

ACCIDIT insuper circa tempus illud, quòd quidam Clericus de Britannia benè notus Episcopo Maclouiensi, et alijs fide dignis, dum per ciuitatem Carnotensem transitam faceret, graui infirmitate correptus corporis lecto decubuit; & inualecente aegritudine diuturna, cum de vita eius desperaretur omninò, & iam appropinquasset ad mortem, ad quorundam piam suggestionem diuina pietatis cepit flagitare succursum, et pii Regis LUDOVICI auxilium inuocare: vouens & promittens, si Dominus sospitatem ei conferret, se confestim ipsius Regis visitare sepulcrum. Quo factò, statim sensit diuinam adesse virtutem, & cepit totaliter conualescere. Qui in crastino surgens, et gaudens, iter propositum arripuit, & perfecit, sanitati pristinae

restitutus : mirantibus multis tantam subitationem in sperata salutis.

MAGISTER Dudo Physicus et Clericus domini Regis, qui cum ipso sanctæ recordationis Rege LVDOVICO in partibus Carthaginensibus fuerat, assistens ei in infirmitate pariter et in morte, cum domino Rege PHILIPPO reuersus est. Paulo post ipsius gloriosi Regis sepulturam, dum esset apud sanctum Germanum in Laya die Pentecostes, ubi dominus Rex PHILIPPVS festum suum more Regio tenuerat, sensit se grauiter infirmari. Inuasit enim eum febris satis acuta. Die tamen crastina sicut potuit venit Parisius, & iacuit in domo Regis : & tantum inualuit agritudo, quòd omnes Medici desperabant, & ipse etiam cum alijs de seipso. Quarto die agritudinis confessione facta, & dispositione de rebus suis habita, cum dolorem intolerabilem sentiret in capite, cæpit benedictum Regem LVDOVICVM totis affectibus inuocare, sic dicens : Ha ! Domine Rex, ego « fui Clericus vester, & credo vos esse sanctum. « Succurrite mihi obsecro in hac necessitate, & « ego vigilabo per noctem ante tumultum vestrum. Quo dicto, somno profundo arreptus, « inuenit se in somniis ante tumultum, supra

quem videbatur ei quoddam altum ad modum feretri, quod numquam viderat. Et adparuit ei Rex LVDOVICVS stans ambobus pedibus supra altum illius feretri, habens in manu sua Sceptrum regium, cuius pars inferior sub manu erat ita longa, quòd cum ea supra partem decliuem ipsius feretri.... Et erat indutus Dalmatica alba longa vsque ad pedes, cuius extremitates seu fimbriae erant deauratae, habens in capite suo Coronam auream cum lapidibus preciosis. Et erat pulchrior facie, & hilarior, quàm unquam eum vidisset in vita sua. Et dixit ei Latinis verbis: Ecce adsum. quid vis? multum vocasti me. Et dixit ei infirmus lachrymando: Domine, pro Deo succurratis mihi. Qui respondit: Ne timeas, conualebis ab ista infirmitate. Sed tamen habes in cerebro tuo quendam humorem corruptum, venenosum, & obscurum, qui non permittit te cognoscere Creatorem tuum. Hac est causa tua agitudinis, & ego remouebo eum. Tunc accepit eum per caput cum una manu, & cum pollice alterius manus fudit eum inter nasum et supercilium in sinistra parte, ut sibi videbatur: & immittens pollicem cum alio digito, extraxit de humore corrupto, venenoso, ob-

scuro & foetido, ad quantitatem unius nucis maioris, & dixit: Quamdiu habuiffes hoc in capite tuo, non posses habere sanitatem. & proiecit illic. Excitans autem paululum dictus Magister, sensit se curatum totaliter à dolore capitis, & dixit aſſistentibus hoc ſibi inueniſſe, quòd curari debebat totaliter ipſa nocte, & quòd etiam curatus erat à dolore capitis vehementi. Et timuerunt valde, ne alienatus eſſet. Sed ille viſionem illam recitauit eiſdem, & nocte ipſa, ſcilicet quarta diei agritudinis ſua, poſt rigorem fortiſſimum et ſudorem liberatus eſt totaliter. Et hoc raro vel numquam per naturam contingere ſolet, cùm nulla ſigna diſteſtionis præceſſiſſent, ſicut alij medici adſerunt. Hanc viſionem mihi Fratri GVILVERMO CARNOTENſI, qui hac ſcripſi, narrauit in craſtino mane dictus Magiſter, et ſe liberatum adſeruit, & eandem viſionem prolixiorem mihi tradidit propria manu ſcriptam, paratus hac omnia proprio iuramento firmare.

APVD caſtrum Lupara Tarifiuſ dominuſ PETRVS DE LAVDVNO miles, cuſtoſ puerorum domini Regiſ PHILIPPI, cùm dolorem intolerabilem in brachio dextro pateretur, ita quòd per multoſ dieſ nec ipſum ſurſum leuare poterat aliquantulum, nec de ipſo ali-

quid operari: reCOLens se habere de capillis domini sui Regis, cuius Cambellanus extiterat, de diuina virtute confidens, & de meritis ipsius Regis, tetigit ter infirmum brachium: & ad primum tactum capillorum sensit se multum alleviatum, ad secundum amplius, et ad tertium ab omni dolore penitus liberatum. Vnde capillos ipsos in auro & argento repositos reuerenter & deuote conseruat.

CIRCA tempus illud, cum duo Fratres Predicatores causa predicationis per stratam publicam propè sanctum Dionysium iter agerent, inter alias personas multas, quas inuenerunt in via de S. Dionysio venientes, viderunt duas mulieres adinuicem colloquentes, & gaudentes de ijs que sibi acciderant. Quarum una Fratri sciscitanti quid euenerat, ita dixit: Domine, istud est magnum
 „ miraculum & manifestum, quod verè fecit
 „ Deus propter istum Regem sanctum. Nam
 „ mulier ista, quam ego adduxeram de Rothomago, non videntem omnino oculis suis,
 „ sicut nec ego video talo pedis, modo videt
 „ omnia sicut ego. Frater autem ille hac constanter asseruit se audisse, & vidisse eam tunc per se sine alicuius adiutorio, sine duce vel baculo liberè & potenter euntem,

adhuc tamen à vigilijs & fletu oculos tumentes habentem.

ANNO eodem, scilicet M. CCLXXI. feria tertia post festum S. Urbani, quadam mulier de Cambliaco nomine A MELINA, quæ per tres annos ire non poterat nisi curua, cum adiutorio unius baculi incurui, cum quo gradiebatur ita prope terram, quòd caput suum non distabat à terra per mensuram pedis et dimidiij, veniens ad sepulchrum sanctæ memoria Regis recuperavit rectum usum incedendi die supradicta. Et hac mulier nota est à pluribus de villa S. Dionysii fide dignis, qui eam curuam tanto tempore viderunt, & postmodum liberatam taliter & erectam.

ANNO eodem, feria VI. post dictum festum S. Urbani, quadam puella nomine PETRONILLA, filia Ælipdis de Aube, quæ numquam potuerat ire, nisi trahendo se cum pedibus & manibus super terram, veniens ad dictum sepulchrum recuperavit corporis sanitatem; ita quòd poterat incedere per villam sine alicuius adiutorio. Et hæc commorata est per XX. annos in villa S. Dionysii, in vico S. Remigii, & nota est à pluribus.

ITEM anno eodem, feria V. post festum

SS. Marcellini & Petri, quadam mulier, qua vocatur AGNES la Maque, manens Parisius propè domum Beguinarum, in crastino Pasche ad Sermonem factum in Cimiterio S. Innocentis percussa paralysi medieta-tem corporis sui amiserat. Veniens ad locum dicti sepulchri, & orationem deuotè fundens, virtute diuina, & per ipsius Regis merita, partis infirma corporis recuperauit plenissimè sanitatem.

ITEM eodem anno, feria III. post festum prædictorum Martyrum, quadam mulier de Villa-tignosa, nomine HODIERNA, sic afflicta erat corporis sui infirmitate grauissimaper XI. annos, quòd per sex illorum annos non potuit de lecto surgere, & per quinque alios sequentes semel in anno, scilicet in Pascha Domini, ibat ad Cœnam cum magna difficultate, ad podians se super vnum baculum. Hæc veniens ad dictum sepulchrum, fusa oratione recepit sanitatem corporis sui per merita dicti Regis: ita quòd sine adiutorio aliquo poterat ire ab ipsa die & deinceps, sanitati pristina restituta.

IN anno prædicto, die Sabbati post festum prædictorum Martyrum, MICHAEL dictus Hamiage commorans Parisius prope domum

domum de Barbeel in parochia S. Pauli, per sex annos non poterat ire sine duabus potentijs. Veniens autem ad sepeditum sepulchrum, per merita sepediti L V D O V I C I ita perfectam & integram obtinuit sanitatem, quòd Parisius recto gressu sine alicuius adminiculo cum gaudio remeavit.

ITEM anno predicto in vigilia beati Bartholomaei Apostoli, IOANNETA de Porta Baudet, commorans in parochia S. Pauli Parisius, detenta fuit sui corporis infirmitate; ita quòd per quatuor annos non potuit sine duabus potentijs ambulare. Quae veniens ad sepulcrum, per merita supradicti Regis L V D O V I C I recuperavit usum gradiendi.

ITEM anno predicto, die sabbati post festum predictum beati Bartholomaei Apostoli, IOANNES dictus Canus, commorans Parisius in parochia S. Mederici, in vico Radulphi de S. Laurentio, per quatuor annos non potuit incedere, nisi apodiando se manibus super genua. Qui veniens ad sepeditum sepulcrum, per merita sepedita faciliter cum agilitate sine aliqua apodiatione gradiebatur.

ITEM anno predicto die sabbati post festum beati Barnabae Apostoli, E M E L I N A la Bi-

che uxor Ioannis Anglici, de parochia S. Mederici Paris. à festo S. Martini hiemalis amissit taliter unam de tibijs suis, quòd non poterat incedere sine baculo, trahens post se dictam tibiam. Quæ veniens ad sapedictum sepulchrum, per merita dicti Regis perfectam & integram recuperavit sanitatem.

ITEM eodem anno, die Martis ante festum beati Barnabæ Apostoli, GILA de Siluanecto cominorans pariter in parochia S. Pauli, detenta infirmitate non poterat ire per quatuor annos sine duabus potentijs. Quæ veniens ad sapedictum sepulchrum die Martis prænominata, perfectam recuperavit sanitatem.

ITEM eodem anno Dominica ante festum beati Barnabæ Apostoli, ÆLIPDIS filia Roberti dicti Peclecoc, toto tempore vite suæ habebat manum curuam, nec poterat eam leuare vsque ad pectus, nec inclinare super genua, sine adiutorio alterius manus. Quæ veniens ad sapedictum sepulchrum, per merita gloriosissimi Regis de infirmitate sua redijt liberata.

Miracula facta in Domo Fratrum Prædicatorum Ebroicensium , præsidio B. LVDOVICI Confessoris. quæ fuit prima Ecclesia in regno Franciæ dedicata in nomine sancti Regis , anno Domini M. CC LXXXIX.

HOMO quidam Baiocensis diocesis, de villa Cadom. de parochia S. Stephani veteris, IOANNES PELLIPERIVS nomine, ita detentus fuerat per annum à festo S. Joannis gravi infirmitate, quòd aliquo modo sine potentiis per terram ire non poterat. Qui in festo beati LVDOVICI ad Ecclesiam suam veniens, dimissis ibidem potentiis Sancti meritis membrorum suorum curationem recepit.

QVÆDAM mulier BEATRIX nomine, de parochia S. Petri Ebroicensis, quæ à duobus annis super pedes suos non steterat, sed cum potentiis infeliciter ambulabat, ad Ecclesiam Sancti Confessoris prout potuit venit, & cum deuotione magna orationem fudit, & satis citò in se leuamen sentiens super pedes surrexit, & per Ecclesiam sine aliquo adminiculo fortiter ambulauit.

IUVENIS quidam nomine IOANNES de

parochia Campi Ossent, à septimana pœno-
sa vsque ad festum beati LVDOVICI gra-
ui infirmitate detentus anxie valde labora-
bat. Qui ad Ecclesiam tanti Confessoris horâ
vigiliarum veniens, sensit se vt quàm citiùs
liberatum: & dimissis ibi potentijs per plures
dies viuit, & postea per Ecclesiam ambulauit.

MVLIER quædam, quæ dicebatur IOAN-
NA, de parochia de Loueris, quæ prout iura-
tò adserebat, & per illos qui illam ad Eccle-
siam sancti Confessoris adduxerant proba-
bat: quòd à duobus annis lumen cœli non
viderat. Quæ ibidem fusa oratione visum
oculorum suorum & lumen sancti Confesso-
ris meritis & precibus quamcitiùs impetrauit.

QVÆDAM puella IOANNA nomine, de
parochia S. Leodegarij Ebroicensis, quæ per
totum tempus quo vixerat antè manum clau-
sam habebat; cùm ad Ecclesiam Sancti fuis-
set adducta, videntibus omnibus qui ade-
rant manum aperuit, & apertam ostendit,
et omninò curata leta & iocosa recessit.

VIR quidam antiquus, totus confractus,
dictus ROBERTVS DE MINIIS, cum mul-
tis testibus suis adserebat, quòd à XL. annis
& amplius nervis retractis factus erat con-
tractus, & super genua & cum paruis po-

tentijs incedebat. Qui Ecclesiam S. LVDOVICI ex deuotione frequentans , & Sancto se deuouens , videntibus omnibus se crexit , et sine potentijs fortiter per Ecclesiam ambulauit.

MVLIER quaedam alia THEOPHANA nomine , de parochia S. Leodegarii Ebroicensis , quæ à quinque annis sine potentijs ire non poterat , ipsa nocte qua dicebat Vigiliis ad Ecclesiam conuenit , & ante altare se posuit ; & ibi orans , & ad altare se apodians , in presentia omnium sine adiutorio surrexit , & circumquaque altare pluries ambulauit , pristinae reddita sanitati.

HOMO quidam de Tsaico , SIMON nomine , à longo tempore quadam gutta * palestina detentus , ad sanctum Dei LVDOVICUM cum magna deuotione aduenit , & ibidem orans , & Dei et Sancti beneficia postulans , se protinus alleuiatum sentiens & curatum , omnibus qui aderant publicè confessus est , & sic curationem suam meritis Sancti impetrauit.

QVÆDAM mulier , quæ vocabatur ÆLINA , uxor Ioannis Anglici , de parochia S. Petri Ebroicensis , quadam gutta similiter detenta non modicum laborabat : ita quòd

sua, sicut quando campanas Ecclesia sonantes audiuit. Timebat ne tota Ecclesia corrueret super eum. Nam tunc primum audire cepit. Vnde stupor & tremor potens eum inuasit. Hac narrant tam præcedentes nobiles, quàm & multi alij, qui eum à multo tempore cognouerunt. Et multa alia diuina pietatis beneficia infirmis varijs, meritis ipsius ibidem collata fuisse creduntur, quæ nondum in publicam notitiam deuenerunt.

ACCIDIT in super circa tempus illud, quòd quidam Clericus de Britannia benè notus Episcopo Maclouensi, et alijs fide dignis, dum per ciuitatem Carnotensem transitum faceret, graui infirmitate correptus corporis lecto decubuit; & inualecente aegritudine diuturna, cum de vita eius desperaretur omninò, & iam appropinquasset ad mortem, ad quorundam piam suggestionem diuina pietatis cepit flagitare succursum, et pii Regis LUDOVICI auxilium inuocare: vouens & promittens, si Dominus sospitatem ei conferret, se confestim ipsius Regis visitare sepulcrum. Quo factò, statim sensit diuinam adesse virtutem, & cepit totaliter conualescere. Qui in crastino surgens, et gaudens, iter propositum arripuit, & perfecit, sanitati pristina

restitutus : mirantibus multis tantam subitationem inasperata salutis.

MAGISTER Dudo Physicus et Clericus domini Regis , qui cum ipso sanctæ recordationis Rege LVDOVICO in partibus Carthaginensibus fuerat , assistens ei in infirmitate pariter et in morte , cum domino Rege PHILIPPO reuersus est. Paulò post ipsius gloriosi Regis sepulturam , dum esset apud sanctum Germanum in Laya die Pentecostes , ubi dominus Rex PHILIPPVS festum suum more Regio tenuerat , sensit se grauiter infirmari. Inuasit enim eum febris satis acuta. Die tamen crastina sicut potuit venit Parisius , & iacuit in domo Regis : & tantum inualuit agritudo , quòd omnes Medici desperabant , & ipse etiam cum alijs de seipso. Quarto die agritudinis confessione facta , & dispositione de rebus suis habita , cum dolorem intolerabilem sentiret in capite , cæpit benedictum Regem LVDOVICVM totis affectibus inuocare , sic dicens : Ha ! Domine Rex , ego „ fui Clericus vester , & credo vos esse sanctum. „ Succurrite mihi obsecro in hac necessitate , & „ ego vigilabo per noctem ante tumultum vestrum. Quo dicto , somno profundo arreptus , „ inuenit se in somniis ante tumultum , supra

quem videbatur ei quoddam altum ad modum feretri, quod numquam viderat. Et adparuit ei Rex LYDOVICVS stans ambobus pedibus supra altum illius feretri, habens in manu sua Sceptrum regium, cuius pars inferior sub manu erat ita longua, quòd cum ea supra partem decliuem ipsius feretri.... Et erat indutus Dalmatica alba longa vsque ad pedes, cuius extremitates seu fimbriae erant deauratae, habens in capite suo Coronam auream cum lapidibus preciosis. Et erat pulchrior facie, & hilarior, quàm unquam eum vidisset in vita sua. Et dixit „ ei Latinis verbis: Ecce adsum. quid vis? multum vocasti me. Et dixit ei infirmus lachrymando: Domine, pro Deo succurratis mihi. Qui respondit: Ne timeas, conualebis ab ista infirmitate. Sed tamen habes in cerebro tuo quendam humorem corruptum, venenosum, & obscurum, qui non permittit te cognoscere Creatorem tuum. Hac est causa tuae agitudinis, & ego remouebo eum. Tunc accepit eum per caput cum una manu, & cum pollice alterius manus fudit eum inter nasum et supercilium in sinistra parte, vt sibi videbatur: & immittens pollicem cum alio digito, extraxit de humore corrupto, venenoso, ob-

scuro & foetido, ad quantitatem unius nucis maioris, & dixit: *Quamdiu habuisses hoc in capite tuo, non posses habere sanitatem.* & proiecit illic. Excitans autem paululum dictus Magister, sensit se curatum totaliter à dolore capitis, & dixit assistentibus hoc sibi inuenisse, quòd curari debebat totaliter ipsa nocte, & quòd etiam curatus erat à dolore capitis vehementi. Et timuerunt valde, ne alienatus esset. Sed ille visionem illam recitauit eisdem, & nocte ipsa, scilicet quarta diei egritudinis sue, post rigorem fortissimum et sudorem liberatus est totaliter. Et hoc raro vel numquam per naturam contingere solet, cum nulla signa digestionis pracesissent, sicut alij medici adserunt. Hanc visionem mihi Fratri GVILVERMO CARNOTENSI, qui hac scripsi, narrauit in crastino mane dictus Magister, et se liberatum adseruit, & eandem visionem prolixiores mihi tradidit propria manu scriptam, paratus hac omnia proprio iuramento firmare.

APVD castrum Lupara Parisius dominus PETRVS DE LAVDVNO miles, custos puerorum domini Regis PHILIPPI, cum dolorem intolerabilem in brachio dextro pateretur, ita quòd per multos dies nec ipsum sursum levare poterat aliquantulum, nec de ipso ali-

quid operari: recolens se habere de capillis domini sui Regis, cuius Cambellanus extiterat, de diuina virtute confidens, & de meritis ipsius Regis, terigit ter infirmum brachium: & ad primum tactum capillorum sensit se multum alleuiatum, ad secundum amplius, et ad tertium ab omni dolore penitus liberatum. Vnde capillos ipsos in auro & argento repositos reuerenter & deuote conseruat.

CIRCA tempus illud, cum duo Fratres Predicatorēs causa predicationis per stratam publicam propè sanctum Dionysium iteragerent, inter alias personas multas, quas inuenerunt in via de S. Dionysio venientes, viderunt duas mulieres adinuicem colloquentes, & gaudentes de ijs quæ sibi acciderant. Quarum vna Fratri sciscitanti quid euenerat, ita dixit: Domine, istud est magnum miraculum & manifestum, quod verè fecit Deus propter istum Regem sanctum. Nam mulier ista, quam ego adduxeram de Rothomago, non videntem omnino oculis suis, sicut nec ego video talo pedis, modo videt omnia sicut ego. Frater autem ille hac constanter asseruit se audisse, & vidisse eam tunc per se sine alicuius adiutorio, sine duce vel baculo liberè & potenter euntem,

*adhuc tamen à vigilijs & fletu oculos tumen-
tes habentem.*

ANNO eodem, scilicet M. CCLXXI. feria
tertia post festum S. Urbani, quadam mu-
lier de Cambliaco nomine A MELINA, qua
per tres annos ire non poterat nisi curua,
cum adiutorio unius baculi incurui, cum
quo gradiebatur ita prope terram, quòd ca-
put suum non distabat à terra per mensu-
ram pedis et dimidiij, veniens ad sepulchrum
sanctæ memoriæ Regis recuperavit rectum
usum incedendi die supradicta. Et hac mu-
lier nota est à pluribus de villa S. Diony-
sii fide dignis, qui eam curuam tanto tem-
pore viderunt, & postmodum liberatam
taliter & erectam.

ANNO eodem, feria VI. post dictum festum
S. Urbani, quadam puella nomine PE-
TRONILLA, filia Ælipdis de Aube, qua
numquam potuerat ire, nisi trahendo se cum
pedibus & manibus super terram, veniens ad
dictum sepulchrum recuperavit corporis sani-
tatem; ita quòd poterat incedere per villam
sine alicuius adiutorio. Et hac commorata
est per XX. annos in villa S. Dionysii, in
vico S. Remigii, & nota est à pluribus.

ITEM anno eodem, feria V. post festum

SS. Marcellini & Petri, quadam mulier, quæ vocatur AGNES la Maque, manens Parisius propè domum Beguinarum, in crastino Pasche ad Sermonem factum in Cimiterio S. Innocentis percussa paralysi medieta-tem corporis sui amiserat. Veniens ad locum dicti sepulchri, & orationem deuotè fundens, virtute diuina, & per ipsius Regis merita, partis infirma corporis recuperavit plenissimè sanitatem.

ITEM eodem anno, feria IIII. post festum prædictorum Martyrum, quadam mulier de Villa-tignosa, nomine HODIERNA, sic afflicta erat corporis sui infirmitate grauissimaper XI. annos, quòd per sex illorum annos non potuit de lecto surgere, & per quinque alios sequentes semel in anno, scilicet in Pascha Domini, ibat ad Cœnam cum magna difficultate, adpodians se super vnum baculum. Hac veniens ad dictum sepulchrum, fusa oratione recepit sanitatem corporis sui per merita dicti Regis: ita quòd sine adiutorio aliquo poterat ire ab ipsa die & deinceps, sanitati pristina restituta.

IN anno prædicto, die Sabbati post festum prædictorum Martyrum, MICHAEL dictus Hamiage commorans Parisius prope
domum

domum de Barbeel in parochia S. Pauli, per sex annos non poterat ire sine duabus potentijis. Veniens autem ad sepeditum sepulchrum, per merita sepediti LUDOVICI ita perfectam & integram obtinuit sanitatem, quod Parisius recto gressu sine aliusius adminiculo cum gaudio remeavit.

ITEM anno predicto in vigilia beati Bartholomaei Apostoli, IOANNETA de Porta Baudet, commorans in parochia S. Pauli Parisius, detenta fuit sui corporis infirmitate; ita quod per quatuor annos non potuit sine duabus potentijis ambulare. Quae veniens ad sepulcrum, per merita supradicti Regis LUDOVICI recuperavit usum gradiendi.

ITEM anno predicto, die sabbati post festum predictum beati Bartholomaei Apostoli, IOANNES dictus Canus, commorans Parisius in parochia S. Mederici, in vico Radulphi de S. Laurentio, per quatuor annos non potuit incedere, nisi apodiando se manibus super genna. Qui veniens ad sepeditum sepulcrum, per merita sepedita faciliter cum agilitate sine aliqua apodiatione gradiabatur.

ITEM anno predicto die sabbati post festum beati Barnabae Apostoli, EMELINA la Bi-

che uxor Ioannis Anglici, de parochia S. Mederici Paris. à festo S. Martini hiemalis amissit taliter unam de tibijs suis, quòd non poterat incedere sine baculo, trahens post se dictam tibiam. Quæ veniens ad sepedictum sepulchrum, per merita dicti Regis perfectam & integram recuperauit sanitatem.

ITEM eodem anno, die Martis ante festum beati Barnabæ Apostoli, GILIA de Siluanecto commorans pariter in parochia S. Pauli, detenta infirmitate non poterat ire per quatuor annos sine duabus potentijs. Quæ veniens ad sepedictum sepulchrum die Martis prænominata, perfectam recuperauit sanitatem.

ITEM eodem anno Dominica ante festum beati Barnabæ Apostoli, ÆLIPDIS filia Roberti dicti Peclecoc, toto tempore vite suæ habebat manum curuam, nec poterat eam leuare vsque ad pectus, nec inclinare super genua, sine adiutorio alterius manus. Quæ veniens ad sepedictum sepulchrum, per merita gloriosissimi Regis de infirmitate sua redijt liberata.

Miracula facta in Domo Fratrum Prædicatorum Ebroicensium , præsidio B. LVDOVICI Confessoris. quæ fuit prima Ecclesia in regno Franciæ dedicata in nomine sancti Regis , anno Domini M. CC LXXXXIX.

HOMO quidam Baiocensis diocesis, de villa Cadom. de parochia S. Stephani veteris, IOANNES PELLIPERIVS nomine, ita detentus fuerat per annum à festo S. Joannis graui infirmitate, quòd aliquo modo sine potentiis per terram ire non poterat. Qui in festo beati LVDOVICI ad Ecclesiam suam veniens, dimissis ibidem potentiis Sancti meritis membrorum suorum curationem recepit.

QVÆDAM mulier BEATRIX nomine, de parochia S. Petri Ebroicensis, quæ à duobus annis super pedes suos non steterat, sed cum potentiis infeliciter ambulabat, ad Ecclesiam Sancti Confessoris prout potuit venit, & cum deuotione magna orationem fudit, & satis citò in se leuamen sentiens super pedes surrexit, & per Ecclesiam sine aliquo adminiculo fortiter ambulauit.

IUVENIS quidam nomine IOANNES de

tentijs incēdebat. Qui Ecclesiam S. LVDOVICI ex deuotione frequentans , & Sancto se deuouens , videntibus omnibus se crexit , et sine potentijs fortiter per Ecclesiam ambulauit.

MVLIER quaedam alia THEOPHANA nomine , de parochia S. Leodegarii Ebroicensis , quæ à quinque annis sine potentijs ire non poterat , ipsa nocte qua dicebat Vigiliis ad Ecclesiam conuenit , & ante altare se posuit ; & ibi orans , & ad altare se apodians , in presentia omnium sine adiutorio surrexit , & circumquaque altare pluries ambulauit , pristina reddita sanitati.

HOMO quidam de Ysaico , SIMON nomine , à longo tempore quadam gutta ★ palestina detentus , ad sanctum Dei LVDOVICVM cum magna deuotione aduenit , & ibidem orans , & Dei et Sancti beneficia postulans , se protinus alleuiatum sentiens & curatum , omnibus qui aderant publicè confessus est , & sic curationem suam meritis Sancti impetrauit.

QVÆDAM mulier , quæ vocabatur ÆLINA , uxor Ioannis Anglici , de parochia S. Petri Ebroicensis , quadam gutta similiter detenta non modicum laborabat : ita quòd

sine baculis ire non poterat. Quæ ad Ecclesiam sancti Confessoris prout potuit accessit, & fusa ibi oratione sanitatem Sancti meritis à Deo recipere procurauit.

VIR quidam PETRVS nomine de parochia de la basse Croisille iuxta villam de Conchis, qui morbo quodam, qui dicitur morbus S. Joannis, à quatuor annis detentus, morbo illo & frequentius laborabat, & fortiter astuabat. Qui facto voto, quòd ad Ecclesiam S. LVDOVICI pergeret, in die festo Sancti ad Ecclesiam ipsius peruenit, & curationem morbi sui meritis sancti Confessoris recepit.

IUVENCULA quædam, quæ dicebatur IOANNA, de parochia de Asnerijs, quæ ut assererat à longo tempore guttosa erat, ad altare Sancti miserabiliter inflata accessit: quæ clamose & tumultuose se habens, statim cum altare tetigit reddita est pristina sanitati; ita quòd omnes qui aderant & viderant, quamplurimum mirarentur.

MVLIER quædam PETRONILLA nomine de Domo Dei Ebroicensis, omnibus nota de villa, à quinque annis lumine oculorum suorum penitus priuata, ad Sancti Dei Ecclesiam cum bona deuotione rogauit se adduci.

Quæ cum aliquamdiu ibidem cum alijs in oratione prostrasset, postmodum se erexit, & lumen oculorum suorum & sanitatem recepit.

PVER quidam iuenculus GILLOSVS nomine, filius Petri Malart, de parochia S. Leodegarij Ebroicensis, denarium quendam sibi traditum more puerili posuit in os suum, & cum in nutricis sue præsentia transglutiuit. Quod cum ad notitiam patris pueri pervenisset, nullum super hoc consilium inueniens, turbatus & dolens ipsum beato LVDOVICO humiliter deuouit, et ad Ecclesiam per nutricem deportari præcepit: fiduciam habens in Domino & Sancto, ut adserit, quod ipsum Sancti meritis reciperet sanitati pristina restitutum. Quem cum mulier ad Ecclesiam Sancti detulisset, & deuotè orationi pro puero insisteret, postmodum puer ille denarium illum, quem per XIII. dies intra se habuerat, euomuit propria incolumitate recepta.

HOMO quidam Ebroicensis diocesis, IOANNES Destre nomine, homo fortis corpore, de parochia S. Iacobi de Buuron, qui prout dicebat, & iuramento affirmabat, à VII. annis ire per terram non poterat, nisi potentia mediante; nec etiam genu vnus tibia ad terram ponere poterat. Qui ad sanctum Dio-

nysum pergens, contigit ipsum habere transitum per Ebroicas. Quicum à multis de villa audisset, quòd Ecclesia beati LVDOVICI ibi esset, ad eam cum deuotione accessit; & facta ibi oratione, leuamen in se sentiens, genu flexit, et pedem ad terram posuit, et per Ecclesiam rectus sine baculo ambulauit, & sic sanitate recepta, & dimissa potentia, ad patriam remeauit.

IUVENIS quidam GILLOTVS Cato nomine, de parochia de Berengeuille, etate xv. annorum, vel circa, qui per totum tempus vite suæ super pedes suos non steterat, sed velut brutum animal cum manibus & pedibus per terram infelicitè ambulabat; cum ad beati Confessoris Ecclesiam sicut simia fuisset adductus, & ante altare positus, dum ibidem per aliquod temporis spatium iacuisset, & postmodum tetigisset altare, super pedes suos surrexit, & altare circumiuit, & per Ecclesiam frequentius ambulauit, quod omnibus qui aderant versum est in stuporem.

QVÆDAM mulier MARGARETA nomine, de parochia Bona-villa, quæ fere per annum sine baculo ire non poterat, nec unum pedem ad terram ponere; fusa in Ecclesia oratione cum frequenti inuocatione nominis.

LVDOVICI,

LVDOVICI, cunctis videntibus pedem ad terram posuit, & baculum super altare dimisit, & fortiter ambulavit, & Sancti meritis sanitatem recepit.

IVVENCULA quadam IOANNA Rose vocata de parochia Illiers, à duobus annis visum oculorum suorum amiserat, & ad recuperationem sanitatis multa loca sancta visitavit, ut ipsa affirmabat, & nihil profecerat. Qua ad Ecclesiam beati LVDOVICI Ebroicensis veniens, ibidem deuotè in oratione de nocte permanserat, facto mane dum Missa celebraretur, inter manus Sacerdotis corpus CHRISTI conspexit, et multa nobis ex visu docuit, & lumen oculorum suorum et visum Sancti meritis impetrauit.

MVLIER quadam AMELINA la Boite nomine, de Aurileio, satis potens in diuitijs ab XI. annis teste marito suo visum visus amiserat. Qua ad Ecclesiam beati LVDOVICI veniens, eius auxilium sine intermissione inuocabat. Qua cum diu ante altare fuisset, postmodum exclamauit: Gratias reddo Deo, et beato LVDOVICO, quia cum ceca ante essem, modo video. Ad quam cum venissemus, esse verum reperimus ut dicebat.

ALIA quadam mulier ATALISIA, de pa-

rochia de Gauuilla, quæ à iiij. annis curua & contracta fuerat, et cum duabus potentijis cum maximo grauamine per terram ambulabat, ad Sancti Dei Ecclesiam peruenit, & per totam noctem remansit. Quæ cum manè ad altare accessisset, sanctum LVDOVICVM deuote inuocans, curationem recepit, et potentias super collum suum leuauit, & circumquaque altare portauit.

PVER quidam IOANNES Faber nomine, de parochia de Houeteuille, qui per spatium viii. annorum, quibus vixerat, attestante patre eius, mutus extiterat, ad Ecclesiam beati LVDOVICI fuit cum bona deuotione adductus. Qui cum aliquibus diebus ibidem remansisset, die Dominica infra octauas beate Virginis multa verba protulit, & vsum linguae, & locutionis beneficium, sancti Confessoris meritis, & Deo adiuvante recepit.

QVÆDAM puella de parochia de Ylliers, quæ ab infantia manum clausam habebat, ad Sancti Dei Ecclesiam venit, & ibi aliquibus diebus remansit, & meritis beati LVDOVICI manum clausam aperuit, et ostendit.

QVÆDAM mulier Rothomagensis diocesis, nata de villa Caudebec, ELIZABETH nomine, commorans in parochia de sancta Co-

lumba iuxta Nouum-burgum, in atate xxxv. annorum, quæ per totam vitam suam surda & muta fuerat; à viris & mulieribus de sancta Columba, ubi morabatur, fuit ad sancti LVDOVICI Ecclesiam per deuotionem adducta. Quæ cum quadam nocte, dum dicerentur vigilia, sedens iuxta altare ✱ resonare, in tantum ut audiretur à multis, qui cæperunt S. LVDOVICI cum lacrymis implorare auxilium. Et statim aures eius aperte sunt, & solutum est vinculum lingue eius, & os aperuit, clarè audiens, & loquens distinctè, & ad intelligendum apertè.

VIR quidam de parochia de Cange ROBERTVS Capitosus nomine, ita quadam gutta detentus erat, quòd sine baculo vel adiutorio alio per domum suam ire non poterat. Qui factò voto ad beatum LVDOVICVM, prout potuit cum potentijs ad Ecclesiam Sancti cum uxore sua peruenit: & cum ibi per totam noctem vigilaſſet, sensit se ita illa gutta alleuiatum & curatum, ut per Ecclesiam sine potentijs fortiter ambularet, et dimissis potentijs ibidem omninò curatus ad propria sine aliquibus sustentaculis remearet.

QUÆDAM mulier de Ponte-perrino, parochia S. Leodegarij, AMICIA Bonauicina

nomine, in vigilia b. Benedicti ad Ecclesiam b. LUDOVICI, quadam gutta decensa, prout potuit peruenit. Quæ prius à quinque septimanis & ampliùs ita curua extiterat, quòd caput ita inferius sicut genua deportabat. Quæ in Ecclesia ipsa nocte peruigilans, horà qua dicebantur Matutine, se alleuiatam sentiens, caput sursum erexit, & recta & omnino curata per Ecclesiam fortiter ambulauit, & multis diebus postea Ecclesiam frequentauit.

PVELLA quedam etate iuencula, IOANNA nomine, filia Petri Grauerandi, de parochia de Bosco Renoudi iuxta Barram, tanta & tam graui infirmitate erat detenta à natiuitate sua, quòd per relationem patris sui & patriæ, pedes eius posterioribus iungebantur; ita quòd non erat spes, vt dicebant, quòd posset de cetero aliqualiter de infirmitate curari. Quam cum pater eius, fiduciam habens in Domino, Deo & b. LUDOVICO deuouisset, et illam ad Ecclesiam eius apud Fratres apportasset, curationem membrorum suorum, & liberationem integram, & usum pariter, Sancti meritis, & beneficium sanitatis recepit; sicut nos, qui præsententes eramus, vidimus, & euntem & currentem conspeximus, testimonium perhibemus.

FINIS.

DOMINI
BONIFACII
PAPÆ VIII. SERMONES

D V O

DE CANONIZATIONE REGIS
LVDOVICI SANCTISSIMI:

ITEM

BYLLA CANONIZATIONIS,

ET

INDVLGENTIA TRANSLATIONE
corporis eiusdem Regis.



DOMINI
BONIFACII
 PAPÆ VIII. SERMO

DE CANONIZATIONE REGIS
 LVDOVICI SANCTISSIMI:

Factus in Palatio apud Urbem-veterem , die
 Martis ante festum beati Laurentij
 Martyris.

REDDITE quæ sunt Cæsaris
 Cæsari, & quæ sunt Dei Deo.
Mat. XXII. C. Notandum quòd
reddit Deus , & reddit homo.
Deus reddit bonis bona , ma-
lis supplicia , utrisque iusta. De malis in Psal-
mo dicitur , Reddet retributionem superbis.
De bonis etiam in Psalmo: Redde mihi læ-
titiam salutaris tui. id est , gloriam æternam,
quæ est lætitia sempiterna. De utrisque dicit

Apostolus ij. Cor. v. Omnes nos manifestari oportet ante tribunal Christi, vt recipiat vnusquisque propria corporis prout gessit, siue bonum, siue malum.

ITEM reddit homo Deo, reddit proximo. Primò debet reddere Deo illa quæ vouit. Vnde in Psalmo: Vouete, & reddite Domino Deo vestro &c. Hoc intelligitur tam de voto tacito, quàm expresso. De voto tacito, sicut de illis, quæ in baptismo licet tacitè promittuntur. De expresso dicitur Luca: xvi. Redderationem villicationis tuæ: Hoc specialiter dicitur de illis, qui ex voto seu promisso expresso obligati sunt Deo specialiter seruire. Secundò reddit homo proximo caritatem & concordiam. Vnde Apostolus Rom. xiii. Nemini cuiquam debeatis, nisi vt inuicem diligatis. Istud verò debitum est, quod quantumcumque, & quotienscumque redditum, semper nihilominus hominem detinet debito-rem.

ISTA verò verba primo proposita accipi possunt in persona summi Pontificis, & totius Ecclesiæ militantis, vt dicatur eis pro sanctæ memoriæ Rege LVDOVICO, Reddite quæ sunt Cæsaris Cæsari, &c. Vt per Cæsarem intelligamus istum sanctum Regem,

cu

cui honor meritò debetur. Vnde concluditur Rom. XIII. Reddite ergo omnibus debita; cui tributum, tributum; cui vectigal, vectigal; cui timorem, timorem; cui honorem, honorem. Et ita debemus reddere unicuique quod suum est, tam Deo quàm homini, & maximè illi sancto Regi, de quo agitur. Reddendo enim honorem homini, redditur etiam Deo, qui est laudabilis in Sanctis suis. Vnde in Psalmo, Mirabilis Deus in Sanctis suis, &c. Item ibidem, Laudate Dominum in sanctis eius, &c. Accedamus ergo ad propositum negotium venerandum, honorandum, & desiderandum, quod iam per XXIII. annos vel amplius stetit in fornace examinis Curie Romanæ, seu sedis Apostolicæ. Vnde notandum, quòd multi vestrum viderunt, & nos etiam vidimus sanctum illum Regem LVDOVICVM, cuius vita inclyta cunctas illustrabat Ecclesias. Et sicut nos in parte vidimus, et per probata audiuius, & scimus, vita eius non fuit solùm vita hominis, sed super hominem; non fuit interrupta, sed ab infantia continuata, & de bono in melius semper procedens, semper augmentata. secundum id quod dicitur in Psalmo. Ibunt Sancti de virtute in virtutem, vide-

bitur Deus Deorum in Sion. *Ipse enim sic procedens, iam de regno terreno Franciæ ascendit ad regnum æternum gloriæ, ut possit dicere illud Psalmi: Ego enim constitutus sum Rex ab eo super Sion montem sanctum eius, &c. Et quia dicitur in Prouerb. Iustorum semita quasi lux splendens procedit, & crescit usque in perfectum diem: Idcirco non est passus Dominus, ut lucerna ista poneretur sub modio; sed super candelabrum, ut luceret his qui in domo Dei sunt. Vnde voluit Dominus manifestare hominibus, qualis iste Sanctus erat, & est coram eo. & hoc tam per testimonium Dei, quàm hominum.*

TESTIMONIUM enim hominum requiritur ibi, sicut testimonium veritatis, quantum ad certitudinem vitæ suæ sanctæ, quam in hoc mundo gessit. Vita verò eius sancta omnibus fuit manifesta faciem eius aspicientibus, quæ plena erat gratiarum, sicut dicitur Hester xv. Quantum verò ad opera, fuit manifesta specialiter in eleemosynis pauperum, in fabricationibus hospitalium, in ædificijs Ecclesiarum, & cæteris misericordiæ operibus. quæ omnia enumerare longum esset. Nec fuerunt ista momentanea seu paruo tem-

pore durantiâ , sed usque ad mortem continuata. Item quanta fuerit iustitiâ , apparuit euidenter non solum per exempla , imò etiam per tactum. Sedebat enim quasi continuè in terra super lectum , ut audiret causas , maximè pauperum & orphanorum , & eis faciebat exhiberi iustitiâ complementum. Vnicuique etiam reddebat quod suum est. Vnde potest dici de ipso , quod dicitur Eccles. xvi. Opera iustitiæ eius quis enunciabit ? quasi dicat , enumerari non possent. Et ideò in pace & quiete magna tenuit regnum suum. Concordes enim sunt pax et iustitiâ . Et ideò sicut sedit in iustitiâ , ita regnum eius quieuit in pace. Vnde verificatum est de ipso quod dicitur Proverb. xx. Misericordia & veritas custodiunt Regem , & roborabitur clementia thronus eius. Voluit insuper Dominus manifestare sibi , quòd erat vas electionis ad portandum verbum suum coram gentibus , & Regibus , & filiis Israel. Et ideò ostendit illi , quanta oportebat eum pro nomine suo pati : quia licet tot diuitijs , delicijs , & honoribus abundaret , relinquens omnia , corpus suum & vitam suam exposuit pro Christo , mare transfretando , & contra inimicos crucis Christi et fidei Catholice decertando , v-

que ad captionem & incarcerationem proprij corporis, uxoris, & fratrum suorum.

QUANTAM verò animi constantiam, & quale exemplum iustitiæ & bonitatis ostenderit in aduersitate prædicta, hoc sciunt illi fide digni, qui ab illis, qui interfuerunt, veritatem diligenter inquisierunt. Nam cum captus esset à Soldano, & fratres sui, & certa summa pecunia deberent redimi; volebat Soldanus quòd illa pactio seu promissio pecunie tali pacto firmaretur, ut si dictus Soldanus à promisso recederet, legem suam & Deos suos abnegaret. Ipse verò Rex è conuerso, si pactum non teneret, fidem Christi negaret. Pius verò Rex & Catholicus hac audiens, exhorruit, & monitus à fratribus suis ut hoc faceret, dicentibus quòd hoc satis licitè poterat promittere, postquàm non intendebat à pacto seu „ conuentione recedere: Respondit eis sic. Do- „ minus faciet id quod voluerit tam de me, „ quàm de vobis. Vos ut fratres diligo, me etiam „ ut me diligo. Sed hoc auertat Deus, quòd „ tale verbum de ore Regis Franciæ unquam „ exeat, quicquid indè debeat accidere. Soldanus verò videns eius magnam constantiam tam in gestibus quàm in responsis, credidit verbo suo simplici, & ipsum ac fratres suos,

ac etiam omnes reliquos, quos tenebat, dimisit. Miracula etiam tempore captionis sue plurima acciderunt, inter quæ unum fuit præcipuum, & relatione dignum. Quidam enim Religiosus, qui cum secutus fuerat, & cum eo captus, dum staret secum in una camera secreta, cepit Rex deuotus multum conqueri & condolere propter hoc, quòd Breuiarium non habebat, ubi posset dicere Horas suas Canonicas. Respondit frater ille, eum consolando: Non est curandum in tali articulo: sed dicamus nihilominus Pater noster, et alia quæ poterimus. Sed cum multum affligeretur super isto, inuenit iuxta se subito Breuiarium suum proprium. Diuinitus, ut credimus sibi, & per miraculum est apportatum.

ITEM postquam à carcere fuit liberatus, non vixit; nec indutus fuit sicut prius: licet vita & conuersatio eius prius fuisset satis honesta. Vestes enim, quas postea habuit, non erant Regiæ, sed religiøsæ: non erant militis, sed viri simplicis. Vitam etiam eius, qualiter in adificationibus Ecclesiarum, & visitationibus infirmorum, cæcorum, & leproforum, continuauerit, nullus enarrare sufficit.

INTER cetera verò, hoc exemplum nota-

*bile recitatum fuit nobis à fide dignis , dum
 essemus in Francia ; quòd apud Abbatiam
 Regalis-montis erat quidam Monachus lepra
 abominabiliter infectus , intantum quòd pro-
 pter fætores et abominationem ulcerum , vix
 inueniebatur , qui ad eum accedere vellet : sed
 que necessaria erant à longe. eidem proyicie-
 bantur seu dabantur. Rex verò pius audiens
 hoc de illo , pluries visitauit eum , & eidem humi-
 liter ministravit ; saniem ulcerum eius studiosè
 detergendo , & eidem cibum & potum proprijs
 manibus ministrando. Talia namque &
 consimilia consuevit facere in Domibus Dei
 & Leprosarijs , & specialiter in Domo Dei
 Paris. quod multi et multotiens viderunt. Vn-
 de in talibus apparet , quanta compassionis
 & pietatis fuerit isse Rex sanctus.*

*ITEM quantarum eleemosynarum fuerit
 isse sanctus homo , apparet per illos , qui statu-
 ta dandi eleemosynas suas nouerunt. Inter
 alia namque statuit , quòd quotienscumque
 de nouo intrabat Paris. noua eleemosyna da-
 renter Religiosis , & specialiter Mendicanti-
 bus. & ideo frequentius exhibat , vt sapius
 eleemosyna huiusmodi redarentur.*

*PRÆTEREA non suffecit ei dare sua , sed
 volens plus reddere Deo , reliquit mundum ,*

uxorem, & regnum, exposuit filios suos, & reliquit seipsum, iterum in Terram sanctam peregrinando. Vnde poterat dicere Domino cum beato Petro, & reliquis Apostolis, id quod dixit Petrus Matt. xx. Ecce reliquimus omnia, & secuti sumus te. Et in tanta perfectione, qua secutus fuerat, vitam finiuit sanctissimè. Nam secundum quod testificatum est ab assistentibus, iste non fuit finis hominis humanati, sed quodam modo iam sanctificati serui. Quod apparuit in verbis, & monitionibus Sanctis quas in lecto mortis dicebat: & in signis, quæ tunc temporis euidenter in ipso aparuerunt. Quàm verò salubria exempla & monita reliquit posteris, indicant maximè documenta sancta, quæ pius Rex ante mortem filio suo primogenito, & filiæ suæ Regina Nauarre scripsit, & quasi pro testamento eis reliquit. Cùm etiam signis euidentibus appropinquaret ad finem, de nullo erat sollicitus, nisi de ijs, quæ ad solum Deum propriè pertinebant, et ad exaltationem fidei Christiana. Vnde in fine dixit: Amodo nullus loquatur mecum. Et sic stans per magnum spacium, quasi nullus permissus est loqui sibi, nisi Sacerdos siue Confessor proprius. Et sic ad extremam ho-

ram veniens, spiritum reddidit Creatori.

ISTVM verò sanctum Regem meritò vocauimus Cæsarem, qui possessor Principatus, seu possidens Principes interpretatur. Ipse enim Principatum, seu Principem huius mundi possedit: tres inimicos humane naturæ, mundum, carnem, & diabolum prosternendo. Vicit enim mundum, quia stans in mundo mundum prostravit & calcavit, contemnendo, & Deo subdidit; terrena, quæ mundi sunt, in elemosynis distribuendo. Diabolum etiam calcavit, seipsum, sicut superius dictum est, summè & perfectissimè humiliando; & signo crucis, quod assumpsit, & tamdiu portauit, ipsum prosternendo. Carnem nihilominus vicit et domauit, eam spiritui subijciendo. Maximè quia sicut constat ex testimonio plurimorum, iste numquam carnem suam diuisit in plures, nec cum aliqua peccatum commisit. Ita quòd ipsemet, excepta uxore propria, virgo ab alijs permansit.

VIDENS ergo Deus istum talem & tantum virum sic benè ingressum, sic melius progressum, sic sanctissimè de mundo egressum; voluit quòd non staret amplius lucerna sub modio, sed per grandia et multa miracula voluit

voluit eum manifestare, & quasi super candela-
brum ponere. Nam sicut inuenimus, vi-
dimus, & nosmetipsi die propria examinavi-
mus per plures inquisitiones à nobis, & à no-
stris fratribus, ac etiam pluribus summis
Pontificibus approbatas; sexaginta tria mi-
racula, inter cetera, quæ Dominus eiden-
ter ostendit, certitudinaliter facta cognovi-
mus.

QUIA, sicut aliàs dictum est, actus iste,
scilicet ascribere in catalogo Sanctorum per
canonizationem Romani Pontificis, singu-
laris excellentiæ reputatur in Ecclesia mili-
tante, et ad solum Romanum Pontificem
pertineat hoc agere: idcirco summam graui-
tatem in facto tam singulari Sedes Aposto-
lica voluit obseruare. Quamuis & vita sua
fuiſſet ita manifesta, et multa miracula visa,
sicut superius dictum est, preces etiam Regiæ,
Baronum, & etiam Prelatorum pluries ac-
cessissent: nihilominus cum inquisitionibus
priuatis pluribus iam factis, adhuc voluit
inquisitiones sollemnes per non paruum tem-
pus facere. Durauit istud negocium iam per
xxiii. annos, vel amplius. Et licet Domi-
nus NICHOLAVS III. ante dixisset, quod
ita nota erat sibi vita istius Sancti, quod si

vidisset duo vel tria miracula , cum canonizasset. Sed morte praeuentus non potuit hoc perducere ad effectum. Ex abundanti tamen fuit adhuc commissum negotium inquisitionis viris venerabilibus & discretis , Archiepiscopo scilicet Rothomagensi , & Episcopo Autisiodorensi , & Magistro ROLANDO de Palma Episcopo Spoletano. Et isti de sexaginta tribus miraculis testes receperunt , examinauerunt , rubricauerunt : & iam sexdecim annis transactis ad Curiam remiserunt. Insuper per illos sexdecim annos continuè aliqui ex parte Regis Francie , necnon Prelatorum , & Principum , & specialiter Frater IOANNES de Sameſſio , continuè institerunt.

TANDEM pro dicto negotio , tempore domini MARTINI commissum est negotium tribus Cardinalibus ad examinandum. qui viderunt , examinauerunt , & pro magna parte rubricauerunt. Sed cum ante mortem domini Martini non fuisset facta relatio negotij , peruenit tandem ad tempora Domini HONORII. Et tunc lecta sunt plura miracula , & coram fratribus nostris Cardinalibus diligenter discussa. Sed dum ventilaretur negotium , superueniente morte Domini Honorij negotium siluit.

TEMPORE Verò domini NICHOLAI III commissum est negotium tribus alijs Cardinalibus, domino scilicet Hostiensi, domino Portuensi, & nobis in statu Cardinalatus adhuc existentibus: quia mortui erant illi Cardinales, quibus negotium prius fuerat commissum. Postea etiam mortuo domino Hostiensi, subrogatus fuit sibi dominus Sabiniensis. Et ita per tot, & totiens examinatum est, rubricatum, & discussum negotium; quòd de hoc plus facta est de scriptura, quàm unus asinus posset portare. Nos & de manu propria scripsimus, et diligenter examinavimus multa miracula fuisse sufficienter probata.

TEMPORIBVS autem nostris non sunt mutati examinatores, sed tamen iterum lecta sunt plura miracula, examinata, & rubricata, non solum per illos predictos examinatores, sed etiam per plures alios Cardinales. Et volumus, ut quilibet sigillatim daret consilium suum in scriptis, ne odio, vel amore, seu etiam timore aliquo aliquis taceret.

Ex istis ergo, & pluribus alijs potest evidenter concludi, quod servata fuit maturitas, & plus quàm maturitas in predictis.

Et ideo de tam manifestis viro, & sic in sanctitate vite et miraculorum probato, securè possumus asserere, quòd non debet amplius fama sanctitatis eius sub modio latere, sed debemus ei dicere: Amice, ascende superius, ut sit tibi gloria in Ecclesia militante coram simul discumbentibus. Et ideo quasi ex ore Dei dicta sunt nobis et Ecclesie militanti verba proposita in principio, Reddite quæ sunt Cæsaris, Cæsari, &c. ut in hoc reddatur Deo quod suum est, qui laudatur in Sanctis suis. Reddatur Cæsari isti quod suum est, scilicet honor, & gloria debita. Sanctis reddatur, & matri nostre Ecclesie triumphanti quod suum est, scilicet debitum laudis: & hoc in isto Sancto, qui connumerari debet merito cum alijs Sanctis, quia ciuis effectus est patrie celestis. Et sic cum matre nostra debemus conletari, & istum tanquam Sanctum honorare: ut sic per consequens exemplis vite eius in Ecclesia militante recitatis, fides Catholica roboretur, Reges & Principes ad bonum animentur, et omnes vniuersaliter in bonis suis operibus & exemplis adificentur, & ad maiora bona prouocentur. Quod nobis prestare dignetur, qui viuit & regnat, &c. amen.

EIVSDEM DOMINI
BONIFACII PAPÆ VIII.
SERMO ALTER,

Factus in Ecclesia Fratrum Minorum apud
Vrbem-veterem , anno Domini M. CC.
LXXXVII. in crastino Sancti Lauren-
tij Martyris,

*In Canonizatione Sanctiss. Regis LVDOVICI,
Regis Francorum.*

REx pacificus magnificatus est , quia eo-
dem Spiritu sancto , quo locuti sunt & il-
luminati Patres veteris Testamenti , Pa-
triarcha videlicet & Propheta , locuti sunt
etiam Sancti novi Testamenti. Propter quod
dicit Apostolus I. Cor. XII. Diuisiones gra-
tiarum sunt , idem autem Spiritus. & se-
quitur ibi , Hæc omnia operatur vnus
atque idem Spiritus , diuidens singulis pro-
ut vult. Vnde militans Ecclesia eodem Spiri-
tu loquens , quasi exultando assumit ver-
bum propositum , quoad sententiam de tertio
libro Reg. x. & de secundo Paralip. ix. &

tamen mutat verba , quæ licet ad literam dicta sunt de Rege Salomone in veteri Testamento ; tamen quia de exaltatione Ecclesiæ loquitur, propter magnificationem et exaltationem sanctissimi Regis LUDOVICI , possumus eodem spiritu de ipso verba proposita exponere, in quibus sanctus Rex LUDOVICVS in tribus commendatur. primò ab excellenti statu, quia Rex. secundo à donis & virtutibus, quia pacificus. tertio à premijs & remunerationibus , quia magnificatus in Ecclesia , scilicet militanti.

DE primo notandum , quòd qui benè regit seipsum & subditos suos , ipse verè Rex est. Sed qui nescit regere se & subditos, audacter dicendum est , quòd falsus Rex est. Iste verò Rex fuit in veritate , quia seipsum & subditos verè , iustè , & sanctè regebat. Seipsum enim rexit, quia carnem subiecit spiritui, & omnes motus sensualitatis rationi. Item subditos benè regebat , quia in omni iustitia & æquitate ipsos custodiebat. Rexit etiam Ecclesias , quia iura Ecclesiastica , & libertates Ecclesiæ illas conseruabat. Sed qui de facto benè non regunt, verè Reges non sunt.

SECUNDO, commendatur à donis & virtutibus , cùm dicitur pacificus ; idèst pacem

faciens. Per istud enim donum, et per istam virtutem intelliguntur cetera dona & virtutes. Fuit autem pacificus in se, & quo ad omnes non solum subditos, sed extraneos. In se fuit pacificus. Habuit enim pacem temporis, pacem pectoris, et idcirco tandem consecutus est pacem aternitatis. Qualiter verò pacifice tenuit regnum suum, hoc sciunt omnes, qui sunt illius temporis. Ista verò pax non est sine iustitia. Sequitur enim iustitiam. Et quia iste iustus fuit quoad se, quoad Deum, & quo ad proximum, ideò pacem habuit.

Ex istis sequitur tertium, quòd magnificatus est, idest magnus factus non solum in presenti Ecclesia, sed etiam in patria. Notandum verò, quòd vulgariter loquendo aliquis dicitur magnus quadruplici ratione, secundum quadruplicem dimensionem: videlicet primò quia longus, secundò quia latus, tertio quia profundus, quarto quia altus, siue elatus. Ista habuit sanctus Rex spiritualiter. Fuit enim longus per perseverantiam & longanimitatem in bono. Ab infantia enim cepit bene vivere, & usque in finem perseveravit. Vnde potest exponi de ipso, quod dicitur de Isaac Genes. xxvi. Benedixit ei Dominus, & locupletatus est: & ibat proficiens

atque succrescens, donec vehementer magnus effectus est. *Iste spiritualiter loquendo fuit Isaac, qui visus interpretatur, quem peperit Sara iam vetula, per quam potest significari Ecclesia istius temporis in senio nouissimorum temporum constituta, qua nobis peperit istum Isaac, qui nobis merito debet esse materia risus & gaudij. Sequitur, ibat proficiens, &c. ut possit dicere cum Apostolo, II. ad Tim. III. Bonum certamen certavi, cursum consummaui: in reliquo reposita est mihi corona iustitiæ, &c.*

SECUNDO dicitur magnus, quia latus, siue amplius; & hoc per caritatem. Vnde Eccl. XLVI. Fortis in bello Iesus Naue, & seq. qui fuit magnus secundum verbum suum, maximus in salutem electorum Dei. Non enim est memoria apud homines, ut credimus, quod inuentus fuit isti similis nostris temporibus, qui tantum zelaret pro salute aliorum. Quod benè apparuit, quando ipse & fratres sui capti fuerunt à Sarracenis. Non enim sustinuit liberationem suam, nec fratrum suorum, donec omnes alij, quotquot fuerunt capti, prius fuerint liberati.

TERTIO dicitur magnus, quia profundus, & hoc per humilitatem. Quanto enim magis

magis profundè se humiliat homo , tanto maior apud Deum reputatur , secundum id quod dicitur Luc. XIII. Omnis qui se exaltat humiliabitur , & qui se humiliat exaltabitur. Et quia iste profundissimè se humiliavit , ideò apud Dominum meritò magnus extitit. Vnde potest exponi de ipso quod dicitur I. Reg. II. de Samuele , Magnificatus est Samuel apud Dominum. Ipse verò humiliavit se intus & extra , in lingua , in corde , in veste , in orationibus. Et hoc possumus securè asserere , quòd facies sua benigna & plena gratiarum docebat eum esse supra hominem. Intelligitur verò congruè per Samuelem , quod interpretatur , Obediens Deo. Obediuit enim Deo usque ad mortem.

QVARTO dicitur magnus , quia altus , siue eleuatus fuit per intencionem rectam ad Deum , omnia quæ agebat Deo attribuendo , & ei gratias agendo ; secundum quod dicitur in Psalmo : Non nobis , Domine , non nobis ; sed nomini tuo da gloriam. Vnde de ista magnitudine loquitur Judith XVI. loquens Deo , Qui timent te , magni erunt apud te per omnia.

APPARET igitur qualiter isti Sancto competunt verba primò proposita , Rex pacificus

magnificatus est. *Et quia sic quadrupliciter fuit magnus in terris, sicut dictum est, idcirco omninò tenere debemus, quòd etiam sit magnificatus in cælis. Hoc enim pertinet ad diuinam iustitiam, quòd qui bonus & iustus fuit in vita, magnificetur & exaltetur in gloria. Quod apparet de isto per multa et magna miracula, quæ Dominus per ipsum ostendit. Et ideò meritò ipsum glorificatum & magnificatum credimus in cælis. Et ideò eum catalogo Sanctorum ascribimus, precipientes omnibus fidelibus Christianis, quòd ipsum tanquam sanctum, et per plura miracula notificatum veneretur, & eius patrocinia corde deuoto sibi postulet suffragari. Quod nobis prestare dignetur qui uiuit & regnat, &c. amen.*

Regis Francorum beati L V D O V I C I
Canonisatio.

BONIFACIUS Episcopus seruus seruorum
DEI: Venerabilibus fratribus, vniuersis
Archiepiscopis & Episcopis, exemptis &
non exemptis per Regnum Francie constitu-
tis: Salutem & Apostolicam benedictionem.
Gloria, laus, & honor Patri luminum (à

quo est omne datum optimum & omne donum perfectum) à cunctis fidei orthodoxa cultoribus, quorum spes tendit ad superos: summis, & sedulis deuotionis & reuerentia studijs referantur. Ipse namque in misericordia copiosus, liberalis in gratijs, & in retributione munificus, de supremis cælorum ad imum mundi oculos sue maiestatis inflectens, & benignâ consideratione discutiens beati LVDOVICI quondam Regis Francis inclyti, sui-que gloriosissimi confessoris merita grandia, operaque mirifica: quibus ipse constitutus in sæculo, ceu lucerna luminosa, resplenduit: eaque veluti iustus iudex & retributor laudabilis dignanter intendens condignis recompensare muneribus, eum tanquam emeritum & retributione dignissimum, post vitæ præsentis ergastulum, et laboriosa mundi certamina (quæ feruens in diuinis obsequijs potenter et patenter exercuit) æthereis sedibus collocauit, ut sedeat cum principibus, & solium gloriæ teneat: felicitatis æterna dulcoribus potiturus. Exultet igitur mater Ecclesia, ac solennia festiua concelebre gaudiorum: quod tantum & talem filium genuit, produxit natum, educauit alumnum, iam inter regum cælestium gloriosa agmina rutilantem.

Latetur inquam & iubilet, ac in laudes Altissimi voces promat: quod sobolis tam præcelsæ, tam celebris illustrata fulgoribus, insignis decorata conspicitur. Quæ sonoris attollenda præconiis summaque venerationis exhibitione colenda, enucleatiùs aperit, evidentiùs explicat: illos ad perennis beatitudinis gaudia, & hereditatis æterna participationem admittendos: qui prædictam Ecclesiam, matrem fidelium, sponsam CHRISTI claris fidei & operis testimonijs profitentur, nullosque in supernæ patriæ gloriam, nisi per eius, utpote cælorum clauigera, ministerium virtuosum, ostiis reſeratis altissimis, introire. Gaudeant incolarum turba cælestium, de tam sublimis, tam lucidi habitatoris aduentu: quod ipsis expertus probatusque fidei Christianæ colonus, cultorque præcipuus aggregatur. Personet lætitiæ iubilum, civium gloriosa nobilitas supernorum: quod tanti talisque concivis suscepisse dinoscitur adiectivum: ac venerabilis Sanctorum cætus gaudio & exultatione refloreat, de noua dignissimi adhibitione consortis. Exurge itaque concio numerosa fidelium, exurgite fidei zelatores: et unà cum eadem Ecclesia laudis vberis hymnum concinite. Perfundantur imbre copioso lætitiæ ve-

stra præcordia, & sæcundo rore dulcedinis
 arcana pectoris repleantur, de tanta, tam
 potentis & egregii principis exaltatione terreni:
 spei tutissimæ plenitudine præconcepta, quòd
 nobis de indigena terrenorum, compatriota
 cœlestium iam effecto, apud æterni Patris
 Filium efficax patronus accreuit: qui pro sa-
 lutis nostræ profectibus, iam in eius præsen-
 tia positus, solertis exercet officium oratoris.
 Porro quis posset amplo famine præpotens,
 quis disertus quantumlibet, aut eloquii ni-
 tore coruscans, sufficienter exprimere præ-
 celsa sanctitatis insignia, & multiplicium
 excellentiam meritorum, quibus beatus
 LVDOVICVS prædictus in terris consti-
 tutus effulsit? cùm eò plura de ipsius lauda-
 bilibus actibus referenda se offerant, quò
 plura calamus exprimit, pandunt labia,
 lingua pangit. Sed ne ipsorum actuum clari-
 tas sub nubilo lateat, tenebris obducatur:
 dignum duximus ut de illis aliqua ser-
 mo noster aperiat, & deducat in publi-
 cam notionem. Hic profectò clarissimus ge-
 nere, sublimis potentia, facultatibus opulen-
 tus, præcelsus virtutibus, moribus ele-
 gans, conspicuus extitit honestate: inhone-
 stis & turpibus à se penitus relegatis. Nam

vidisset duo vel tria miracula , cum canonizasset. Sed morte preuentus non potuit hoc perducere ad effectum. Ex abundanti tamen fuit adhuc commissum negotium inquisitionis viris venerabilibus & discretis , Archiepiscopo scilicet Rothomagensi , & Episcopo Autisiodorensi , & Magistro ROLANDO de Palma Episcopo Spoletano. Et isti de sexaginta tribus miraculis testes receperunt , examinauerunt , rubricauerunt : & iam sexdecim annis transactis ad Curiam remiserunt. Insuper per illos sexdecim annos continuè aliqui ex parte Regis Francie , necnon Prælatorum , & Principum , & specialiter Frater IOANNES de Sameſio , continuè institerunt.

TANDEM pro dicto negotio , tempore domini MARTINI commissum est negotium tribus Cardinalibus ad examinandum. qui viderunt , examinauerunt , & pro magna parte rubricauerunt. Sed cum ante mortem domini Martini non fuisset facta relatio negotij , peruenit tandem ad tempora Domini HONORII. Et tunc lecta sunt plura miracula , & coram fratribus nostris Cardinalibus diligenter discussa. Sed dum ventilaretur negotium , superueniente morte Domini Honorij negotium siluit.

TEMPORE *verò domini NICHOLAI III commissum est negotium tribus alijs Cardinalibus, domino scilicet Hostiensi, domino Portuensi, & nobis in statu Cardinalatus adhuc existentibus: quia mortui erant illi Cardinales, quibus negotium prius fuerat commissum. Postea etiam mortuo domino Hostiensi, subrogatus fuit sibi dominus Sabiniensis. Et ita per tot, & totiens examinatum est, rubricatum, & discussum negotium; quòd de hoc plus facta est descriptura, quàm unus asinus posset portare. Nos & de manu propria scripsimus, et diligenter examinavimus multa miracula fuisse sufficienter probata.*

TEMPORIBVS *autem nostris non sunt mutati examinatores, sed tamen iterum lecta sunt plura miracula, examinata, & rubricata, non solum per illos predictos examinatores, sed etiam per plures alios Cardinales. Et volumus, ut quilibet sigillatim daret consilium suum in scriptis, ne odio, vel amore, seu etiam timore aliquo aliquis taceret.*

EX *istis ergo, & pluribus alijs potest evidenter concludi, quod servata fuit maturitas, & plus quàm maturitas in predictis.*

Et ideò de tam manifesto viro , & sic in sanctitate vite et miraculorum probato , secure possumus asserere , quòd non debet amplius fama sanctitatis eius sub modio latere , sed debemus ei dicere : Amice , ascende superius , ut sit tibi gloria in Ecclesia militante coram simul discumbentibus. Et ideò quasi ex ore Dei dicta sunt nobis et Ecclesie militanti verba proposita in principio , Reddite quæ sunt Cæsaris , Cæsari , &c. ut in hoc reddatur Deo quod suum est , qui laudatur in Sanctis suis. Reddatur Cæsari isti quod suum est , scilicet honor , & gloria debita. Sanctis reddatur , & matri nostre Ecclesie triumphanti quod suum est , scilicet debitum laudis : & hoc in isto Sancto , qui connumerari debet merito cum alijs Sanctis , quia ciuis effectus est patriæ celestis. Et sic cum matre nostra debemus conlatari , & istum tanquam Sanctum honorare : ut sic per consequens exemplis vite eius in Ecclesia militante recitatis , fides Catholica roboretur , Reges & Principes ad bonum animentur , et omnes vniuersaliter in bonis suis operibus & exemplis adificentur , & ad maiora bona prouocentur. Quod nobis prestare dignetur , qui viuit & regnat , &c. amen.

EIVSDEM DOMINI
BONIFACII PAPÆ VIII.
SERMO ALTER,

Factus in Ecclesia Fratrum Minorum apud
Vrbem-veterem , anno Domini M. CC.
LXXXVII. in crastino Sancti Lauren-
tij Martyris,

*In Canonizatione Sanctiss. Regis LVDOVICI,
Regis Francorum.*

REx pacificus magnificatus est , quia eo-
dem Spiritu sancto , quo locuti sunt & il-
luminati Patres veteris Testamenti , Pa-
triarchæ videlicet & Propheta , locuti sunt
etiam Sancti novi Testamenti. Propter quod
dicit Apostolus I. Cor. XII. Diuisiones gra-
tiarum sunt , idem autem Spiritus. & se-
quitur ibi , Hæc omnia operatur vnus
atque idem Spiritus , diuidens singulis pro-
ut vult. Vnde militans Ecclesia eodem Spiri-
tu loquens , quasi exultando assumit ver-
bum propositum , quoad sententiam de tertio
libro Reg. x. & de secundo Paralip. ix. &

v ij

tamen mutat verba ; quæ licet ad literam dicta sunt de Rege Salomone in veteri Testamento ; tamen quia de exaltatione Ecclesie loquitur, propter magnificationem et exaltationem sanctissimi Regis LUDOVICI, possumus eodem spiritu de ipso verba proposita exponere, in quibus sanctus Rex LUDOVICVS in tribus commendatur. primò ab excellenti statu, quia Rex. secundo à donis & virtutibus, quia pacificus. tertio à premijs & remunerationibus, quia magnificatus in Ecclesia, scilicet militanti.

DE primo notandum, quòd qui benè regit seipsum & subditos suos, ipse verè Rex est. Sed qui nescit regere se & subditos, audacter dicendum est, quòd falsus Rex est. Iste verò Rex fuit in veritate, quia seipsum & subditos verè, iustè, & sanctè regebat. Seipsum enim rexit, quia carnem subiecit spiritui, & omnes motus sensualitatis rationi. Item subditos benè regebat, quia in omni iustitia & æquitate ipsos custodiebat. Rexit etiam Ecclesias, quia iura Ecclesiastica, & libertates Ecclesia illas conseruabat. Sed qui de facto benè non regunt, verè Reges non sunt.

SECUNDO, commendatur à donis & virtutibus, cùm dicitur pacificus ; idest pacem

faciens. Per istud enim donum, et per istam virtutem intelliguntur cetera dona & virtutes. Fuit autem pacificus in se, & quo ad omnes non solum subditos, sed extraneos. In se fuit pacificus. Habuit enim pacem temporis, pacem pectoris, et idcirco tandem consecutus est pacem aternitatis. Qualiter verò pacifice tenuit regnum suum, hoc sciunt omnes, qui sunt illius temporis. Ista verò pax non est sine iustitia. Sequitur enim iustitiam. Et quia iste iustus fuit quoad se, quoad Deum, & quo ad proximum, ideò pacem habuit.

Ex istis sequitur tertium, quòd magnificatus est, idest magnus factus non solum in presenti Ecclesia, sed etiam in patria. Notandum verò, quòd vulgariter loquendo aliquis dicitur magnus quadruplici ratione, secundum quadruplicem dimensionem: videlicet primò quia longus, secundo quia latus, tertio quia profundus, quarto quia altus, siue elatus. Ista habuit sanctus Rex spiritualiter. Fuit enim longus per perseverantiam & longanimitatem in bono. Ab infantia enim cepit bene vivere, & usque in finem perseveravit. Vnde potest exponi de ipso, quod dicitur de Isaac Genes. xxvi. Benedixit ei Dominus, & locupletatus est: & ibat proficiens

atque succrescens, donec vehementer magnus effectus est. *Iste spiritualiter loquendo fuit Isaac, qui visus interpretatur, quem peperit Sara iam vetula, per quam potest significari Ecclesia istius temporis in senio nouissimorum temporum constituta, qua nobis peperit istum Isaac, qui nobis merito debet esse materia risus. & gaudij. Sequitur, ibat proficiens, &c. ut possit dicere cum Apostolo, II. ad Tim. IIII. Bonum certamen certavi, cursum consummaui: in reliquo reposita est mihi corona iustitiæ, &c.*

SECUNDO dicitur magnus, quia latus, siue amplus; & hoc per caritatem. Vnde Eccl. XLVI. Fortis in bello Iesus Naue, & seq. qui fuit magnus secundum verbum suum, maximus in salutem electorum Dei. Non enim est memoria apud homines, ut credimus; quod inuentus fuit isti similis nostris temporibus, qui tantum zelaret pro salute aliorum. Quod benè apparuit, quando ipse & fratres sui capti fuerunt à Sarracenis. Non enim sustinuit liberationem suam, nec fratrum suorum, donec omnes alij, quotquot fuerunt capti, prius fuerint liberati.

TERTIO dicitur magnus, quia profundus, & hoc per humilitatem. Quanto enim magis

magis profundè se humiliat homo , tanto maior apud Deum reputatur , secundum id quod dicitur Luc. XIII. Omnis qui se exaltat humiliabitur , & qui se humiliat exaltabitur. Et quia iste profundissimè se humiliavit , ideò apud Dominum meritò magnus extitit. Vnde potest exponi de ipso quod dicitur I. Reg. II. de Samuele , Magnificatus est Samuel apud Dominum. Ipse verò humiliavit se intus & extra , in lingua , in corde , in veste , in orationibus. Et hoc possumus securè asserere , quòd facies sua benigna & plena gratiarum docebat eum esse supra hominem. Intelligitur verò congruè per Samuelem , quod interpretatur , Obediens Deo. Obediuit enim Deo usque ad mortem.

QVARTO dicitur magnus , quia altus , siue eleuatus fuit per intencionem rectam ad Deum , omnia quæ agebat Deo attribuendo , & ei gratias agendo ; secundum quod dicitur in Psalmo : Non nobis , Domine , non nobis ; sed nomini tuo da gloriam. Vnde de ista magnitudine loquitur Judith XVI. loquens Deo , Qui timent te , magni erunt apud te per omnia.

APPARET igitur qualiter isti Sancto competunt verba primò proposita , Rex pacificus.

magnificatus est. *Et quia sic quadrupliciter fuit magnus in terris, sicut dictum est, idcirco omninò tenere debemus; quòd etiam sit magnificatus in cælis. Hoc enim pertinet ad diuinam iustitiam, quòd qui bonus & iustus fuit in vita, magnificetur & exaltetur in gloria. Quod apparet de isto per multa et magna miracula, quæ Dominus per ipsum ostendit. Et ideò meritò ipsum glorificatum & magnificatum credimus in cælis. Et ideò eum catalogo Sanctorum ascribimus, precipientes omnibus fidelibus Christianis, quòd ipsum tanquam sanctum, et per plura miracula notificatum veneretur, & eius patrocinia corde deuoto sibi postulet suffragari. Quod nobis prestare dignetur qui uiuit & regnat, &c. amen.*

Regis Francorum beati LVDOVICI
Canonisatio.

BONIFACIUS Episcopus seruus seruorum
DEI: Venerabilibus fratribus, vniuersis
Archiepiscopis & Episcopis, exemptis &
non exemptis per Regnum Francia constitutis: Salutem & Apostolicam benedictionem.
Gloria, laus, & honor Patriluminum (à

quo est omne datum optimum & omne donum perfectum) à cunctis fidei orthodoxa cultoribus, quorum spes tendit ad superos: summis, & sedulis deuotionis & reuerentia studijs referantur. Ipse namque in misericordia copiosus, liberalis in gratijs, & in retributione munificus, de supremis cœlorum ad imamundi oculos sua maiestatis inflectens, & benignâ consideratione discutiens beati LVDOVICI quondam Regis Francis inclyti, sui-que gloriosissimi confessoris merita grandia, operaque mirifica: quibus ipse constitutus in sæculo, cœu lucerna luminosa, resplenduit: eaque veluti iustus iudex & retributor laudabilis dignanter intendens condignis recompensare muneribus, eum tanquam emeritum & retributione dignissimum, post vitæ presentis ergastulum, et laboriosa mundi certamina (quæ feruens in diuinis obsequijs potenter et patenter exercuit) æthereis sedibus collocauit, ut sedeat cum principibus, & solium gloriæ teneat: fœlicitatis æterna dulcoribus potiturus. Exultet igitur mater Ecclesia, ac solennia festiua concelebre gaudiorum: quod tantum & talem filium genuit, produxit natum, educauit alumnum, iam inter regum cœlestium gloriosa agmina rutilantem.

stra præcordia , & sæcundo rore dulcedinis
 arcana pectoris repleantur , de tanta , tam
 potentis & egregii principis exaltatione terreni:
 spei tutissima plenitudine præconcepta , quòd
 nobis de indigena terrenorum , compatriota
 cœlestium iam effecto , apud æterni Patris
 Filium efficax patronus accreuit: qui pro sa-
 lutis nostræ profectibus , iam in eius præsen-
 tia positus , solertis exercet officium oratoris.
 Porro quis posset amplo famine præpotens ,
 quis disertus quantumlibet , aut eloquii ni-
 tore coruscans , sufficienter exprimere præ-
 celsa sanctitatis insignia , & multiplicium
 excellentiam meritorum , quibus beatus
 LUDOVICVS prædictus in terris consti-
 tutus effulsit ? cùm eò plura de ipsius lauda-
 bilibus actibus referenda se offerant , quò
 plura calamus exprimit , pandunt labia ,
 lingua pangit. Sed ne ipsorum ætuum clari-
 tas sub nubilo lateat , tenebris obducatur:
 dignum duximus ut de illis aliqua ser-
 mo noster aperiat , & deducat in publi-
 cam notionem. Hic præfectò clarissimus ge-
 nere , sublimis potentia , facultatibus opulen-
 tus , præcelsus virtutibus , moribus ele-
 gans , conspicuus extitit honestate : inhone-
 stis & turpibus à se penitus relegatis. Nam

sic pudicitia adhesit operibus, sic carnis studuit evitare contagia: quòd sicut habet certa credulitas plurimorum, nisi ei nexus accessisset uxorius, candore virgineo rutilasset. Longi quippe spacio temporis prædicti regni regimini præfuit, eiusque gubernacula, plena curis prouida circumspeditione direxit: nulli noxius, non iniuriosus alicui, nemini violentus. Iustitiæ limites summopere seruauit & coluit, æquitatis tramitem non relinquens: peruersorum conatus nefarios pœnæ debite mucrone compescuit: malorum molimina conterens, prauorum illicitos ausus frenans. Pacis Zelandor eximius, feruidus amator concordie, promotor sollicitus extitit unitatis: dissidia fugiens, vitans scandala, dissensiones abhorrens. Propter quod sui felicitis regiminis tempore, sedatis undique fluctibus, subductis noxijs, turbinibus profugatis, regni eiusdem incolis aurora dulcissimæ tranquillitatis illuxit, lataque serenitas votiuæ prosperitatis arrisit. Et ut de vita ipsius aliqua referamus: licet illa quò maiori expositione discutitur, examine indagatur, eò referentis afferat gustui plus dulcoris, mentesque delectet obnixius auditorum.

Abineuntis atatis primordijs DEI FILIVM tenera mentis affectione dilexit : nec diligere desijt studia continuando salubria, dum vitæ sibi commoditas affuit temporalis : sed quanto maiori profecit atate , ac in tempora prolixiora prorsilijt , tanto in eius exarsit amorem , fervore spiritus ampliore. Hic equidem cùm esset annorum duodecim , paterno destitutus auxilio : sub clara memoria Blanca Regina Francia matris sue custodia & gubernatione remansit : qua circa diuina obsequia feruenter intentat , eum prudenter dirigere , ac diligenter instruere satagebat : ut ad præfati regni regimen , quod sue directionis expetere providentiam noscebatur , dignus & sufficiens fieret , idoneus haberetur. Cumque per incrementa temporum , idem Rex atatis annum quartum decimum attigisset : prædicta Regina sibi magistrum proprium deputavit , qui eum scientia litterarum imbueret ac bonis moribus informaret. Ipseque Rex sub eiusdem magistri ferula positus , sic ei obediens & reuerens existeret , sicque illius recipiebat humiliter disciplinam , quòd superna prauentus gratia , profecit laudabiliter in utrisque : circa diuina sic intentus officia , ut nequaquam

ipsorum auditione contentus existeret, nisi ea-
 quacoram se die noctuque à suis faciebat cle-
 ricis solenniter celebrare, ab ipso cum eorum
 aliquo attentius dicerentur. Demùm successu
 temporis in anno vicesimo constitutus, Et
 quadam sibi agitudine superueniente gra-
 uatus, à Parisiensi & Meldensi Episcopis
 assistentibus tunc eidem, vniusque Crucis si-
 gnaculum in Terra Sancta subsidium sibi
 cum multa instantia petijt exhiberi. Et licet
 hocet rationabili causa moti, prefati dissua-
 derent Episcopi: ipse tamen, utpote feruens
 spiritu erga DEVM, eique votis ardentibus
 famulari desiderans; illorum salubriter dis-
 suasionibus non admissis, signum huiusmo-
 di de manu prefati Parisiensis Episcopi cum
 multa letitia Et exultatione recepit, prala-
 tis, nobilibus & militibus plurimis signum
 ipsum assumentibus cum eodem. Et tan-
 dem amplo preparato nauigio, factisque
 apparatus alijs qui in talibus requirun-
 tur, cum tricesimum quartum annum at-
 tigisset ætatis, in prædictum subsidium trans-
 fretauit: consortes ei, Robertum Attre-
 batensem, Alphonsum Pictauiensem, &
 clara memoria Carolum Regem Siciliae,
 tunc Andegauia, Comites, fratres suos dum
 adhuc

adhuc viverent, secum ducens, multa, graviaque pericula, quæ solent æquoreis fluctus ingerere, sustinendo. Cumque ad partes illas ingenti circumfultus potentia pervenisset, & habito de civitatis Damiatæ captione triumpho, processisset ulterius: generali quasi totius eiusdem exercitus, sicut Domino placuit, ægritudine subsecuta, & alijs aduersis urgentibus, prefatus Rex cum toto fere exercitu supradicto in Soldani & Saracenorum manus ac potentiam incidit: multa opprobria multasque iniurias, quæ inferentium fœda conditio adaugebat, patienter & humiliter tolerando; prefato Roberto Comite, pro fide CHRISTI, ab illis immaniter interempto. Postmodum autem habito cum Soldano tunc vivente tractatu de iam dicto Rege ac exercitu liberando, maxima interueniente pecunie quantitate, ipsoque Soldano occasione huiusmodi à vassallis proprijs interfecto: Saraceni, qui eius dominium usurparunt, ad pecuniam anhelantes, eandem cum multa instantia postulabant, ut in conventionibus ordinatis concorditer inter partes iureiurando firmandis penitus adderetur: quod nisi ipsi pacta seruarent, omnino Machometum quem colunt (ut dicitur) denegarent:

acidem Rex in suo adijceret iuramento, quòd
Et ipse DEINEGARET FILIVM, ac extra fidem
eius existeret : si conventiones predictæ ab eo
minimè servarentur. Quod prefatus Rex
abominans, id efficere constantissimè recusa-
vit : quin potius quadam indignatione com-
motus patenter asseruit, Quod talia tam ne-
fanda suis labijs aliquatenus non proferret;
neque in tam vesanam & reprobam pro-
rumperet negatissimam : quanquam id ei iam
dicti Pictaviæ & Andegaviæ Comites, alijsque
tunc plurimi circumstantes instantissimè sua-
derent, cum exinde sibi ceterisque Christico-
lis mortis periculum verisimiliter imminere
conspicerent : præsertim cum hoc ageretur cum
illis, qui sicut præmittitur : Soldanum predi-
ctum occiderant, eius sibi dominium usur-
pantes, ipsique Regi apertius diceretur, quòd
nisi in actum produceret quod petebant, ip-
sum & suos crucifigere non differrent : ipsius
Regis ad hac intrepida firmaque responsio
est secuta : quòd si Saraceni predicti eius cor-
pus occiderent, ipsius tamen animam non ha-
berent. Sane cum iam dicti Passagij tempore
post conflictus diversos & varios, valida fa-
mis inedia, graves penurias, diraque vul-
nera, quæ fideles CHRISTI pertulerant, co-

dem Rege tunc temporis fluxum ventris & agritudines alias patiente, Christianus reuerteretur exercitus Damiatam: Rex ipse nolens illum omnino deferere, sed eius potius clementer intendens communicare laboribus, & participare periculis, quæ tunc ex verisimilibus poterant coniecturis timeri, illuc redijt cum eodem: contra Saracenorum rabiem truculentam, insultusque nefarios, sibi efficax defensionis impendendo presidium, ut ab huiusmodi hostium scelestis insidijs seruaretur. Et tandem, cum Saracenorum ipsorum astuta nequitia & dolosa calliditas, tam grandi bellantium copia Christianum circumdedit, et exercitum, valida tunc, sicut premittitur infirmitate detentum; ipsumque tam grauiterinuasisset, quod Regem & exercitum supra dictos oportuit se prefatis reddere Saracenis: ac idem Rex, nisi facto voluntatis libitum obstitisset, per nauis tunc prompta potuisset euasisse suffragium; subique hoc plurimi magnique, presentes inibi, suaderent: ipse tamen propter nimie charitatis ardorem, quo vehementius aestuabat, volens potius periculis corpus exponere, ut Christianus populus seruaretur illesus: licet Saracenorum noticiam ipsius debilitas non lateret exercitus; nec

Saracenorum existeret ignota potentia Christianis : euadere noluit , remanentibus ceteris vinculo captionis astrictis : apertius asserendo ; quòd militiam quam secum duxerat , secum , si posset , reducere intendebat ; vel capi seu mori pariter cum eadem . Cumque inter Regem & Christianos ac Saracenos prædictos , de ipsorum Regis & Christianorum , sicut superius est expressum , liberatione tractatus habitus et conuentionum subsecuta ordinatio extitisset : Saraceni , pro quadam parte precij redemptionis huiusmodi quæ soluenda restabat , securitatem habere plenariam intendentes , in electionem ipsius Regis totaliter posuerunt : ut , vel ipse liberaretur à carcere , remanentibus ceteris Christianis in vinculis donec huiusmodi solutio perfecta succederet ; vel quòd idem in carcere remaneret , Christianis ipsis omnimodè liberatis . Præfatus Rex super hoc promptum nec dilatum responsum præbuit : quòd ipse , quousque solutionis huiusmodi proueniret integritas , remanere in carcere intendebat , Christianis aliis libertati pristina restitutis : quanquam præfati Alphonsus & Carolus , ac alii viri nobiles , tunc astantes , expresse dicerent & profiterentur apertius , quòd in hoc nullatenus consen-

tirent : supplicii adiicientes instantia , quòd
 potiùs Rex ipse recederet , aliis minimè abso-
 lutis , Rege ipso firmissimè replicante contra-
 rium , nec assentiente sermonibus eorundem.
 Ettandem Rege , et ceteris captiuis eisdem ,
 plena redditis libertati , dictoque Alphonso
 pro eiusdem solutionis perfectione facienda
 obside dimisso : prefatus Rex de galea in qua
 erat egredi noluit , donec ipsius solutionis de-
 fectus extitit adimpletus , dictusque Alphon-
 sus ad eius presentiam rediit ; ac omnes etiam
 Christiani , quos in propinquo carcere deti-
 nebant inclusos , quosque in Babyloniam ma-
 nus inimica non traxerat , liberati à vincu-
 lis ; ac illi etiam , qui tunc in Damiatâ simi-
 liter tenebantur , fuerunt in nauibus collo-
 cati. Demum prefatus Rex cum eodem li-
 beratus exercitu ad ciuitatem rediens Acco-
 nensem ; moramque inibi fermè per quin-
 quennium contrahens , tanquam feruidus
 salutis humanæ amator , multorum Agare-
 norum mentes , duras quantumlibet , non
 solum salubris eloquij suadelis , sed etiam exem-
 plo vitæ laudabilis conuertit ad Dominum :
 ipsos faciens , ad laudem diuini nominis ,
 Et exaltationem Catholica fidei , honorifi-
 cè baptizari : eos donis prosequendo largifuis ,

Et gratiosis fauoribus confouendo: multosque
 milites, Et alios Christianos redimi faciens,
 eis de munificentia regia tam vestes quam cate-
 ra necessaria victui, prout singulorum suade-
 bat conditio, ministrabat. Muros quoque seu
 incenia ciuitatum Et castrorum quampluri-
 morum, quæ in illis partibus à fidelibus tene-
 bantur, fecit reparari solenniter; eaque fir-
 miter muniri Et integrè, prout necessitas exige-
 bat. Verùm prædictus Rex processu temporis,
 intellecto quod matrem eius mors amara
 subtraxerat, Et eidem regno graue periculum
 immineret, de Procerum suorum consilio, ad
 regnum Franciæ remeauit: nunc sanctitatis
 insists operibus, nunc Monasteria Et Ho-
 spitia pauperum, nunc domos alijs diuinis
 obsequijs dedicandas, quæ longum esset enar-
 rare per singula, construendo, eis de
 bonis proprijs amplis dotibus deputatis: nunc
 etiam infirmos Et debiles in diuersis Mona-
 sterijs Et Xenodochijs decumbentes persona-
 liter visitans, ipsos verbis consolatorijs con-
 fouebat, eis manibus proprijs flexo genu potus
 et cibaria ministrando. Cumque in monaste-
 rio Regali Montis, Beluacensis diocesis, quod
 idem Rex opere plurimum sumptuoso con-
 struxit, ac dotibus decorauit eximijs, mona-

chus quidam Leodegarius nomine moraretur: quem adeo lepræ morbus inuaserat, quòd abominabilis & despectus quamplurimum manebat segregatus ab aliis, in quadam camera positus Monasterii memorati: cuiusque oculi ob gravis infirmitatis pondus seu malitiam iam consumpti, nihil omnino videbant, eorum foraminibus, siue locis, rubeis & horridis iam effectis; quique nasum perdididerat; eius tumefactis non modicum labiis, et profunda fissura destructis: ac idem Rex eum presente duntaxat Abbate Monasterii supradicti personaliter visiteret, ipsumque sumentem cibum ut poterat inuenisset: prefatus Rex premisso benigne salutationis alloquio, flexit genua coram ipso, & scindens manibus propriis carnes eidem appositas, bolos in os eius studiosissimè immittebat: & huiusmodi non contentus obsequio, allatis eius iussione dapibus regalibus, de ipsis eidem monacho ministrabat, loci aut egri qualitatem horribilem non euitans: eodem Abbate vehementi stupore concusso, quòd tanti sublimitas Principis talibus quantumcumque salubribus inuolui studiis, ac seruiis poterat occupari. Preterea cum dictus Rex Hospitale Compendiense ingressus, ad impendendum

humanitatis obsequium infirmis in illo degentibus ; & iam fessus non modicum ex labore, infirmum quendam iuxta se positum conspexisset morbum qui sancti Eligij dicitur patientem ; & flexis genibus coram ipso, morsellum piri remoto cortice poneret in os eius , sanies de illius naribus defluens fœdavit turpiter manus regis : qui pie benignèque id tolerans, nec in aliquo exinde immutatus , lotis illico suis manibus , salubre quod inchoauerat obsequium diligenter est prosecutus. Hic circa servos CHRISTI ac pauperes atque miserabiles & deiectas personas valde compatiens, se ipsis in eleemosynarum largitione munificum exhibebat. Virginibus insuper , quibus inopia effectum maritalis copula denegabat , ne illas in carnis lubricum labi contingeret, de dotibus congruis providebat illis de bonis regalibus : laudabiliter & salubriter expensum reputans ; quod in eleemosynas et alios pios usus conuerti pro tempore noscebatur. Hic predicationibus , & alijs propositionibus Verbi DEI attentum accommadabat auditum : non auditor obliuiosus factus , sed factor operis studiosus. Abhorrebat hereticæ prauitatis macula infectos : ne fidei Christianæ cultores labe huiusmodi contagionis inficerent,

cerent,

cerent, de regni prædicti finibus efficacibus studijs expellendo; ac alias, circa statum eius providendo sollicitè: ut ab ipso fermentis talibus prorsus exclusis, in eo fidei prædictæ sinceritas rutilaret. Cum verò aliquibus partibus dicti Regni, ob sterilitatem seu malitiam temporis, victualium caristia imminebat: statim de ipsa rumoribus intellectis, certam illuc summam pecunia, prout ipsarum exigebat qualitas partium, per fidelem mittebat nuncium, inter pauperes diuidendam. Hic profectò humilitate sublimis, sublimitate humilis: in apparatu & vestibus, quas frequenter pauperibus erogabat, post primum potissimè de ultra marinis partibus reditum, summæ humilitatis insignia demonstravit. Nec enim aureis vel argenteis ornamentis, non regalibus vestibus, non varijs vel griseis, sed aliis humilibus pellibus usus fuit: sæcularibus pompis à se penitus abdicatis. Et ne feruorem spiritus sociæ carnis ardor extingueret, sed mortificatione ac repressione illum potius accendi contingeret, altiusque sustolli; carnem ipsam quasi assidui asperitate cilicii, prout asseritur, edomans, effrenæ ipsius libitum arctæ abstinentiæ freno cohercuit, eiusque nexibus alligauit: ut non voti proprii ducta libidine;

non sui desiderii directa remigio ; sed salubri moderamine spiritus tutè ad licita pergeret, providè ab illicitis abstineret. Districtis etenim corpus atterebat ieiuniis : priscorum observantia à Sanctis Patribus ordinatæ novorum austeritatem adiiciens , sibi motu propria voluntatis indictam. Nam per totum Quadragesimale tempus et quadraginta dies festum Natalis Domini precedentes, & omnium festivitatum vigilias , nec non & quatuor tempora quæ Catholica indicit Ecclesia, in ieiuniis & orationibus existeret : deliciosis & curiosis cibariis vsui proprio penitus interdictis. In festivitatum verò Virginis gloriosæ & Natalis Domini memorati vigiliis, & sexta feria maioris Hebdomadæ , ieiunium observabat : panis & aquæ duntaxat modica sustentatione contentus. Quolibet etiam die Veneris Quadragesimæ supradictæ, ac totius Aduentus , ab esu piscium abstinebat. Multis præterea vigilijs se occupans, ne aliqua sibi hora temporis inutiliter pertransiret, post eius reditum supradictum non in pluma vel paleis iacuit ; sed super ligneum lectum portatilem , mataratio simplici superiecto , stramine nullo supposito decumbebat. Hic insuper vitæ puritate pralucidus , synce-

rus veritatis amicus extitit, hostisque durissimus falsitatis. Cuncta quoque ipsius eloquia, salutis augmentum operaque salubria hortabantur; demulcebant auditorum præcordia, & in eorum adificationem multipliciter redundabant. Cumque ad incrementa Catholica fidei, & liberationem celerem Terræ Sanctæ votis ardentibus anhelaret: in ipsius terræ subsidium assumpsit denuo signum Crucis. Et deinde potenti ac valido congregato nauigio, copiosa & strenua comitum suffultus, cum ipso Pictauio Comite, suisque liberis, & clara memoriæ regina Nauarra ipsius regis filia, quæ in reditu debitum naturæ persoluit: ad partes rursum se transtulit transmarinas, Carolo qui tunc moram in partibus Italia contraherat, regis memorati vestigia subsequente. Ac tandem ad partes Tunicij felici gessu perueniens, inibi de magnatum suorum consilio castra fixit: & aduersus Saracenorum incursus exercens potentie suæ vires, grauissimas ob labores innumeros, quibus premebatur assidue, infirmitates incurrit. Qui diebus lapsis aliquibus, infirmitatum ipsarum violentia superatus, Sacramenta Ecclesiastica cum summa deuotione recepit: ac instante sibi verisimiliter hora

mortis , oratione pro exercitu Christiano præmissa , suam Domino deuotis precibus animam recommendans , ac literaliter exprimens verba sequentia: videlicet, Pater, in manus tuas commendo spiritum meum: feliciter migravit ad CHRISTVM, supernis delicijs fruatur. Verum cum vite huius sanctus curriculum veriùs viueret quàm vixisset, noluit Altissimi Filius, quem idem tota mentis affectione dilexerat, tam deuoti Principis, tantique propugnatoris fidei orthodoxæ, mundo suppressi sanctitatem: ut quemadmodum meritorum pluralitate præfulserat, sic miraculorum diuersitate claresceret, Et qui eum plenissima deuotione coluerat, iam secum in cœlesti palatio collocatus venerabiliter coleretur. Nam contractis, artuum extentione subuenit: curuis, terram fermè tangentibus facie, plenam restituit eorum sursum erectis vultibus sanitatem: strumosis, beneficium liberationis impendit. Mulierem quandam, cuius brachium aridum & omninò impotens existerat, ab infirmitate huiusmodi liberauit. Quidam quoque, cuius velut emortuum pendebat brachium, per eiusdem Sancti virtutem, gratiam curationis obtinuit: compluribus paralytico morbo

percuſſis, & alijs qui diuerſis languoribus tenebantur, plena reddita ſoſpitate: cecisq; viſu, ſurdis auditu, claudis grefſu, illius inuocato nomine reſtitutis. His & compluribus alijs Sanctus ipſe coruſcavit miraculis glorioſus: quorum ſeriem præſentibus non duximus inferendam. Gaudeat itaque domus inclyta Franciæ, quæ talem ac tantum Principem genuit, per cuius merita ſublimiter illuſtratur. Latetur deuotiſſimus Franciæ populus, quòd tam electum, tam virtuoſum dominum meruit obtinere. Exultent prælatorum & cleri præcordia, quòd præſatum regnum tam clariſ miraculorum ipſius Regis inſignijs propenſius decoratur. Jocundentur & procerum, magnatum, nobilium & militum pectora, quòd per ſanctiſſima opera dicti Regis, eiſdem regni ſtatus honoris multiplicis prærogatiua ſuſtollitur, & quaſi ſolis radiis eluceſcit. Caterum, quia quos ſuper ni Regis clementia corona gloriæ in cælo magnificat, deuotè à fidelibus in hac terreſtri patria conuenit venerari: nos de ſanctitate vitæ ac miraculorum veritate ipſius beatiſſimi LVDOVICI, curioſè ac ſolennis inquisitionis diligentia, & diſtricti examinis diſcuſſione præmiſſa, plenariam certitudi-

*nem obtinentes : ipsum de communi fratrum
nostrorum & prelatorum omnium , tunc
apud Sedem Apostolicam existentium , con-
silio & assensu , die Dominica , tertio Idus
Augusti Sanctorum Catalogo duximus ascri-
bendum. Ideoque vniuersitatem vestram
monemus & hortamur attente , vobis per
Apostolica scripta mandantes : quatenus in
crastino beati Bartholomaei Apostoli , cum
felix ipsius anima tunc de carnis eruta vin-
culis , astra petens , caelestem aulam adiuerit ,
aternis gaudijs potitura : festum ipsius Sancti
deuote ac solenniter celebretis , & faciatis per
vestras ciuitates & dioeceses à CHRISTI fi-
delibus veneratione congrua celebrari : ut
eius interuenientibus precibus , & hic ab im-
minentibus positis liberari periculis ; & in
futuro salutis perpetuae premium obtinere.
Ut autem ad venerabile sepulchrum ipsius
feruentius & copiosius fidelium confluat mul-
titude , ac celebrius eiusdem solemnitas pera-
gatur : omnibus verè pœnitentibus & con-
fessis , qui reuerenter illuc in eodem festo an-
niatim accesserint , eius suffragia petituri , de
Omnipotentis DEI misericordia , et beato-
rum Petri et Pauli apostolorum eius autho-
ritate confisi , unum annum & quadraginta*

dies : accedentibus verò annis singulis ad prædictum sepulchrum infra eiusdem festi octavas , quadraginta dies de iniunctis eis pœnitentijs , misericorditer relaxamus. Datum apud Urbem veterem , tertio idus Augusti , pontificatus nostri anno tertio.

INDVLGENTIA PRO S AN C T O L V D O V I C O ,

Vnius anni & XL. dierum.

BONIFACIUS Episcopus seruus seruorum Dei, vniuersis Christi fidelibus presentes litteras inspecturis salutem, & Apostolicam benedictionem. CLARO supernorum consortio ciuium, quos largitor ille munificus, qui de sue pietatis irriguo dat affluenter, et non improperat, gloriosis reficit gaudijs, delicijs refouet sempiternis, cunctos fidei orthodoxa cultores plenius desiderantes affectibus aggregari, eorum mentes & animos ad misericordiae opera, & pietatis studia exercenda, quibus cœlorum regnum acquiritur, nunc pijs indulgentiarum donis allicimus, nunc muneribus remissionum salubribus in-

uitamus: ut post vite presentis excursum, statum stabilem non habentis, meritorum fulti presidio celestis beatitudinis premia perpetuis mansura temporib. facilius consequi mereantur.

PRIDEM si quidem beatum LVDOVICUM quondam Regem Francie inclytum, gloriosissimum Confessorem, claris suis exigentibus meritis, operibusque mirificis, quibus ipse in huiusmodi orbis orbita constitutus, sicut lucerna luminosa resplenduit, de communi Fratrum nostrorum, & Prelatorum omnium, tunc apud Sedem Apostolicam consistentium, consilio & assensu, Sanctorum catalogo duximus ascribendum. Cum itaque, sicut accepimus, venerabile corpus ipsius Confessoris, quod in Monasterio sancti Dionysii Parisiensis diocesis ad presens requiescere dicitur, ad Capellam Regiam Parisius constitutam sit in proximo transferendum: Nos cupientes, ut ad diuini numinis gloriam, & laudem Confessoris eiusdem, huiusmodi eius translatio solemniter peragatur; omnibus verè pœnitentibus & confessis de regno Francie existentibus, qui Capellam ipsam in die translationis eiusdem, & per octo dies immediate sequentes unum annum & XL. dies; illis

verò


*verò, qui de regno non existunt eodem, quique
 prænominatam Capellam præfato die transla-
 tionis, ac per alios octo dies prædictos, annis
 singulis venerabiliter visiterint, de omnipoten-
 tis Dei misericordia, & beatorum Petri et
 Pauli Apostolorum eius auctoritate consisti,
 duos annos et duas quadragenas, præter in-
 dulgentias per nos in eiusdem Sancti Canoni-
 zatione concessas, de iniunctis eis pœnitentijs
 misericorditer relaxamus. Et nihilominus
 hac vice in die translationis prædictæ omnibus
 accedentibus deuotè ad Capellam prædictam
 venialia peccata remittimus de gratia specia-
 li. Datum Romæ apud sanctum Petrum
 III. Kal. Iulij, Pontificatus nostri anno III.*

FINIS.



INDEX RERVM ET VERBORVM NOTABILIVM.

A

- 
 Blutio pedumpauerum. 11.12
 Abstinencia S. Ludouici Regis. 27
 Achon à B. Ludouico fortificata. 48
 Aelina vxor Ioannis Anglici de Parochia S. Petri Ebroic. sanata in Ecclesia S. Ludouici. 135
 Aelipdis filia Roberti dicti Piclecoc curata ad sepulcrum S. Ludouici. 130
 Agnes la Maque paralytica ad sepulchrum S. Ludouici sanata. 128
 Alphonfus Comes Pictauensis. 168
 Amelina mulier de Cambliaco ad sepulcrum S. Ludouici curata. 127
 Amelina la Boite, de Aurileio, sanata ad Ecclesiam S. Ludouici. 137
 Amicia Bonaucina sanata ibidem. 139. 140
- Atalifia de parochia de Gauuilla, curata ad Ecclesiam S. Ludouici. 137. 138
 Aurissiodorensis Episcopus. 154

B

- B** Aillui & Senescalli quales à S. Ludouico instituti. 8.9. 108
 Beatrix mulier de parochia S. Petri Ebroic. sanata in Ecclesia S. Ludouici Ebroic. 131
 Beguina, & earum Domus Parif. 32
 Beneficia qualiter à B. Ludouici Regis filij sui custos. 34
 Blancha Regina S. Ludouici Regis filij sui custos. 167
 Blanchæ piissimæ Reginae laus 6. mors 50. sepulcrum. 182

INDEX.

- Blanca filia S. Ludouici fex. 63
 Sanctimonialis iuxta Corona spinea Saluatoris
 Pontifaram. 18 Parisius allata 45. & eius
 Blasphemiæ qualiter è re- solemnitas à S. Lud. in-
 gno Franciæ per B. Lu- stituta. 89. 90
 douicum extirpata. 57
 Blasphemator ciuis Paris. Crucis Dominicæ adora-
 cauterizatus in labijs. 58 tio. 91
 Bonifacius Cardinalis; 155. S. Crucis pars maxima
 Papa VIII. S. Ludoui- Paris. allata 45. & eius
 cum Catalogo Sancto- solemnitas 89. 90
 rum ascriptis 155. 156.
 162. 163. & seqq. 182
 Bonorum puerorum Con-
 gregatio Paris. 39
- C**
- Cæcorum pauperum
 Domus à B. Ludo-
 uico constructa Parisiis. 31.
 Casarea à B. Ludouico re-
 edificata. 48
 S. Capellæ Paris. fabrica-
 tio. 46. 118
 Canonizatio S. Ludouici 162. & seqq. 182
 Carcassonna 67
 Carolus Siciliæ Rex. 179.
 Comes Andegau. 188
 Carthago famosa. 71
 Castitas & continentia S.
 Ludouici in matrimo-
 nio. 14
 Clemens summus Ponti-
- D
 Damiata miraculosè
 capta. 46
 Damiatam cur S. Lud. red-
 didit Sarracenis 94
 Deuotio S. Lud. ad diui-
 num officium, & mo-
 dus orandi ipsius. 37
 Documenta, quæ pius Rex
 Lud. ante mortem filio
 primogenito scripsit, &
 quasi pro testamento re-
 liquit. 19
 Dudo Physicus & Clericus
 S. Ludouici Regis 123
 Duellum, seu Monomachia
 à S. Ludouico-Rege pro-
 hibita. 107
- E**
- Ecclesia Fratrum Præ-
 dicatorum Ebroicen-
 sium prima in honore S.
 aa ij

INDEX.

- Ludouici consecrata. 131 Guillelmus Curnotensis,
 Elemosynæ qualiter à S. Lu- Clericus S. Ludouici 93.
 douico erogari solita. 112 99. Thesaurarius, postea
 Elemosynarum ad paupe- Ordinis Prædicatorum.
 res largitas. 29 101. scripsit Miracula S.
 Elizabeth nata de Villa Ludouici. 125
 Caudebec, in Ecclesia S.
 Ludouici Ebroic. sana-
 ta. 138. 139
 Emelina la Biche vxor Ioâ-
 nis Anglici curata ad Se-
 pulcrum S. Lud. 129. 130
- F**
 Filiarum Dei Domus
 Paris. 32
- G**
 Aufridus de Bellelo-
 co, Ordinis Præ-
 dicatorum Confessor S.
 Ludouici Regis, vi-
 tam eius scripsit ad man-
 datum Gregorij Papæ
 X. 86. 101. 102. III. 114.
 Gaufridus de Mafiscone Ca-
 nonicus Parisiensis. 120
 Gaugelmus S. Ludouici
 Cubicularius. 99
 Gilla de Siluaneſto ad Se-
 pulcrum S. Ludouici cu-
 rata. 130
 Gilloſus puer, filius Petri
 Mallart, sanatus in Eccle-
 ſia S. Ludouici. 135
 Gillorus Cato, iuuenis ibi-
 dem curatus. 136
 Gregorius X. Papa. 86
- H**
 Odierna mulier de
 Villa tignosa ad Se-
 pulcrum S. Lud. curata.
128.
 Honorius Papa 154
 Hospitales Domus à B. Lu-
 douico fundatæ. 31
 Humilitas S. Ludouici. 13
- I**
 Ejunia quàm ſtriçtè à S.
 Ludouico ſeruata. 110.
III. 178
 Imagines Sanctorum nouæ
 non debent ſine bene-
 dictione aliqua in Eccle-
 ſijs collocari. 62.
 Indulgentia pro S. Ludo-
 uico Rege, vnus anni
 & xl. dierum. 183
 Inquiſitores ſuper foreſa-
 ctis. 9
 Inquiſitores hæreticorum
 pro negotio fidei & Eccle-
 ſiæ. 104
 Ioanna de parrochia de Lo-
 ueris ſanata in Eccleſia S.
 Lud. Ebroic. 132
 Ioanna altera, de parrochia
S. Leodegarij ibidē cura-

- 132 Iudæi quantum S. Ludouico Regi odibiles. 405
 Iuramenta qualiter euitabat S. Ludouicus. 10
- L
- L**ibri sacre Scripturæ iussu & sumptib. B. Lud. transcripti 43. in Capellæ suæ thesauro repositi 44. fratrib. Prædicatorib. & Minorib. ab eo Legati. 44
 Ludouicus Rex pater S. Ludouici. 5
 S. Ludouicus Rex cum Iosia comparatus 2. 3. 78. 87. 88. filius Regis Ludouici 5. qualiter à Blancha Regina educatus 6. 7. nunquam peccatum mortale commisit sciens 8. qualiter se erga subditos habuit 9. abluabat pedes pauperum quolibet Sabbato 11. apud Massoram captus à Saracenis 13. 14. castè & continenter se habuit in matrimonio suo 14. regno abiecto voluit intrare Religionem 15. qualiter liberos suos instituebat 16. cilicio utebatur 27. Mo-
12. Ioanna de parrochia de Aseriis ibidem sanata. 134
 Ioanna Rose ad Ecclesiam S. Ludouici sanata. 137
 Ioanna filia Petri Grauerandi ibidem curata. 140
 Ioannes filius R. Lud. natus ultra mare 17. Comes Niuernensis apud Tunicium defunctus 19. 20
 Ioannes Cabilonensis. 120
 Ioannes de parrochia Campioffent sanatus in Ecclesia S. Ludou. 132
 Ioannes Canus ad sepulcrum S. Lud. curatus. 129
 Ioannes Destre, de parrochia S. Iacobi de Buiuron, curatus in Ecclesia S. Ludouici. 135
 Ioannes Faber ibidem sanatus. 138
 Ioannes Pelliperius Cado-
 mensis, Ecclesia S. Lud. Ebroic. curatus. 131
 Ioannes de Samessio. 154
 Ioanneta de Porta Baudet sanata ad sepulcrum S. Lud. 129
 Ioppe à B. Ludouico re-
 edificata. 48
 Iosia Regis laus qualiter Regi Ludouico conue-
 nit 2. 3. 78. 87. 88.

nasteria varia construxit 31. 103. 104. 113. qualiter se in solemnitatib. Regijs, & Parlamentis habebat 33. quàm deuotè sermones audiebat, & in sacra Scriptura studebat 42. qualiter Damietam cepit, & quomodo captus fuit & deliberatus 46. 47. qualiter se habuit in Achon, & mora eius in terram sanctam 48. quomodo se habuit audita morte matris suæ 50. qualiter se habuit super mare in reditu 53. in periculo naufragij 54. quem honorem dixit sibi esse factum apud Poissiacum 59. 60. in tangendo infirmos signum sanctæ Crucis addidit 60. quid in die sancto Parasceues annis singulis agere solebat 90. 91. visitabat infirmos etiam in extremis positos 99. prædixit aliquando futura 101. quantum abominabatur Iudæos 105. Leproso lauit pedes 110. qualiter Crucem secundo accepit 64. & cur consilium habuit eundi Tunicium 65. 66. eius

obitus, & qualiter se in morte habuit 71. cor & intestina in Siciliam translata 75. ossa in Franciam adlata, & apud S. Dionysium sepulta 76. 77. miracula post sepulturam 78. 118. 119. 120. & sequentib. quòd dignus sit inter Sanctos adscribi 81. processus in eius canonizatione obseruatus 155. 156. 157. per Bonifacium VIII. canonizatus 161. 162. & seqq. vsque ad 182.
Luparæ castrum Parisiis. 1255

M

Magnus aliquis quatuor duplici ratione dicitur. 159. 160
Mandatum Monachorum quid. 12
Margarera Regina, vxor S. Ludouici. 55.
Margarera mulier, de parochia Bonæuillæ, sanata ad Ecclesiam S. Ludouici. 136. 137.
Martinus Papa. 154.
S. Matthæi Monasterium prope Rothomagum. 32.
Michael dictus Hamiage, Parisiensis, curatus ad se-

INDEX

pulcrum S. Lud. [125.129](#)

N

Narbonna. [67](#)
 Nauarræ Regina filia S. [Ludouici. 18. 151.](#)
 in reditu transmarinarum partium obiit. [179.](#)
 Nicolaus III. Papa. [153](#)
 Nicolaus III. [155](#)

O

Odo Tusculanus Episcopus Apostolicæ Sedis Legatus. [41. 98](#)
 Orgelestum castrum. [120](#)

P

Peregrinatio transmarina S. Ludouici [46.](#)
[63](#)
 Peregrinatio S. Ludouici in [Nazareth. 40](#)
 Petronilla filia Ælypdis de Aube ad sepulcrum S. Ludouici sanata. [127](#)
 Petronilla de Domo Dei Ebroidensis in Ecclesia Sancti Ludouici sanata. [134. 13.](#)
 Petrus filius S. Lud. natus ultra mare. [17](#)
 Petrus de Lauduno miles,

custos puerorum [Philippi Regis 125. Cambelanus S. Ludouici. 126](#)

Petrus, de parochia Croisil, sanatus in Ecclesia S. Lud. Ebroid. [134](#)

Philippus Rex auus S. Ludouici, qualiter personas Ecclesiasticas amabat [12.](#)

eius largitas erga [pauperes. 32](#)

Philippus nouus Rex S. Ludouici filius [74. offa](#)

patris in Franciam adferri [curauit. 75. 76.](#) festum suum more Regio tenuit apud S. Germanum. [123](#)

Pœnitentiæ S. Lud. modus quod duplex, & qualis. [25](#)

Poissiacum castrum. [59](#)

R

Regalis Montis Monasterium à B. Ludouico fundatum. [31](#)

Robertus Atrebatensis Comes. [168](#)

Robertus Patriarcha Hierosolymitanus. [95](#)

Robertus Capitosus in Ecclesia S. Ludouici sanatus. [139](#)

Robertus de Miniis sanatus in Ecclesia S. Lud. Ebroidensis. [132. 133](#)

Rolandus de Palma Episcopus Spoletanus. 154
 Rothomagensis Archiepiscopus. 154

T

Theophana de parochia S. Leodegarii sanata in Ecclesia S. Ludou. Ebroic. 135

S

Sarraceni ad fidem reuertentes qualiter à B. Ludou. suscipiebantur 49
 Sclau. 49
 Sicilia Rex aduenit apud

Tunicii Regis bona voluntas ad fidem Catholicam. 66. 67
 Tunicii regnum 66 ciuitas. 68

Tunicium. 74. cor & intestina S. Ludouici in Siciliam transfert 75. vide, Carolus, supra.

V

Sidon à B. Ludouico reedificata. 48

Vallis viridis, locus propè Paris. ubi Carthucenses fundati 32
 Vestis & habitus S. Ludouici qualis. 113

Simon S. Cecilie Presbyter Cardinalis, Apostolicæ sedis Legatus in Francia. 57. 64

Z

Simon, de Ysaico, sanatus in Ecclesia S. Lud. Ebroicensis. 135

Zelus S. Ludouici ad turpes zelationes. 97
 Zelus fidei eiusdem multiplex. 81

Soldanus ab Admiratis suis interfectus. 95. 96
 Solemnitates Regiæ. 33

F I N I S.

